

281748



劉向說苑序

南豐曾鞏

劉向所序說苑二十篇崇文總目云今存者五篇餘皆亡臣從士大夫間得之者十有五篇與舊爲二十五篇正其脫謬疑者闕之而叙其目曰向采傳記百家所載行事之迹以爲此書奏之欲以爲法戒然其所取或有不當於理故不得而不論也夫學者之於道非知其大畧之難也知其精微之際固難矣孔子之徒三千其顯者七十二人皆高世之材也然獨稱顏氏之子其殆庶幾乎及回死又以爲無好學者而




回亦稱夫子曰仰之彌高鑽之彌堅子貢又以謂夫
子之言性與天道不可得而聞也則其精微之際固
難知又矣是以取舍不能無失於其間也故曰學然
後知不足豈虛言哉向之學博矣其著書及建言尤
欲有爲於世忘其枉已而爲之者有矣何其徇物者
多而自爲者少也蓋古之聖賢非不欲有爲也然而
曰求之有道德之有命故孔子所至之邦必聞其政
而子貢以謂非夫子之求之也豈不求之有道德子
曰道之將行也歟命也道之將廢也歟命也豈不得
之有命哉令向知出此安於行止以彼其志能擇其
其所長而昧其所短務其所得而諱其所失天下之
士各自爲言而不能相通世人之不復知夫學之有
統道之有歸也先王之遺文雖在皆絀而不講况至
於秦爲世所大禁哉漢興六藝皆得於散絕殘脫之
餘世無復明先王之道爲衆說之所蔽闇而不明爵
而不發而怪奇可喜之論各師異見皆自名家者誕
漫於中國一切不異於周之末世其弊至於今尚在
也自斯以來天下學者知折衷於聖人而能純於道
德之美者揚雄氏而止耳如向之徒皆不免爲衆說
之蔽而不知有折衷者也孟子曰待文王而後興者



凡民也豪傑之士雖無文王猶與漢之士豈特無明
先王之道以一之者哉亦其出於是時者豪傑之士
少故不能特起於流俗之中絕學之後也蓋向之序
此書於今最為近古雖不能無失然遠至舜禹而次
及於周秦以來古人之嘉言善行亦往往而在也要
在慎取之而已故臣既惜其不可見者而校其可見
者特詳焉亦足以知臣之志者豈好辯哉蓋臣之不
得已也編校書籍臣曾輩上

劉向說苑目錄

卷第一 君道	卷第二 臣術
卷第三 建本	卷第四 立節
卷第五 貴德	卷第六 復恩
卷第七 政理	卷第八 尊賢
卷第九 正諫	卷第十 敬慎
卷十一 善說	卷十二 奉使
卷十三 權謀	卷十四 至公
卷十五 指武	卷十六 叢談
卷十七 雜言	卷十八 物



卷十九 脩文

卷二十 反質

護左都水使者光祿大夫臣向言所校中書說苑雜事及臣向書民間書誣校讐其事類衆多章句相潤或上下謬亂難分別次序除去與新序復重者其餘者淺薄不中義理別集以爲百家後令以類相從一條列篇目更以造新事十萬言以上凡二十篇七百八十四章號曰新苑皆可觀臣向昧死

劉向說苑卷第一

君道

晉平公問於師曠曰人君之道如何對曰人君之道清淨無爲務在博愛趨在任賢廣聞耳目以察萬方不固溺於流俗不拘繫於左右靡然遂見踈然獨立屢省考績以臨臣下此人君之操也平公曰善

齊宣王謂尹文曰人君之事何如尹文對曰人君之事無爲而能容下夫事寡易從法省易因故民不以政獲罪也大道容衆大德容下聖人寡爲而天下理矣書曰庠作聖詩人曰岐有夷之行子孫其保之宜

卷十九 脩文

卷二十 反質

護左都水使者光祿大夫臣向言所校中書說苑雜事及臣向書民間書誣校讐其事類衆多章句相潤或上下謬亂難分別次序除去與新序復重者其餘者淺薄不中義理別集以爲百家後令以類相從一條列篇目更以造新事十萬言以上凡二十篇七百八十四章號曰新苑皆可觀臣向昧死

劉向說苑卷第一

君道

晉平公問於師曠曰人君之道如何對曰人君之道清淨無爲務在博愛趨在任賢廣聞耳目以察萬方不固溺於流俗不拘繫於左右靡然遂見踈然獨立屢省考績以臨臣下此人君之操也平公曰善

齊宣王謂尹文曰人君之事何如尹文對曰人君之事無爲而能容下夫事寡易從法省易因故民不以政獲罪也大道容衆大德容下聖人寡爲而天下理矣書曰庠作聖詩人曰岐有夷之行子孫其保之宜

王曰善

成王封伯禽爲魯公召而告之曰爾知爲人上之道乎凡處尊位者必以敬下順德規諫必聞不諱之門擗節安靜以藉之諫者勿振以威毋格其言博采其辭乃擇可觀夫有文無武無以威下有武無文民畏不親文武俱行威德乃成既成威德民親以服清白上通巧佞下塞諫者得進忠信乃畜伯禽再拜受命而辭

陳靈公行僻而言失泄冶曰陳其亡矣吾驟諫君君不吾聽而愈失威儀夫上之化下猶風靡草東風則

草靡而西西風則草靡而東在風所由而草爲之是故人君之動不可不慎也夫樹曲木者恐得直景人君不直其行不敬其言者未有能保帝王之號垂顯令之名者也易曰夫君子居其室出其言善則千里之外應之况其邇者乎言出於身加於民行發乎邇見乎遠言行君子之樞機樞機之發榮辱之主君子之所以動天地可不慎乎天地動而萬物變化詩曰慎爾出語敬爾威儀無不柔嘉此之謂也今君不

是之慎而縱恣焉不亡必秣靈公聞之以泄冶爲妖



言而殺之後果弑於微舒

魯哀公問於孔子曰吾聞君子不博有之乎孔子對曰有之哀公曰何爲其不博也孔子對曰爲其有二衆哀公曰有二衆則何爲不博也孔子對曰爲行惡道也哀公懼焉有問曰若是乎君子之惡惡道之甚也孔子對曰惡惡道不能甚則其好善道亦不能甚好善道不能甚則百姓之親之也亦不能甚詩云未見君子憂心愷愷亦既見止亦既覯止我心則悅詩之好善道之甚也如此哀公曰善哉吾聞君子成人之美不成人之惡徵孔子吾焉聞斯言也哉

河間獻王曰堯存心於天下加志於窮民痛萬姓之罹罪憂衆生之不遂也有一民飢則曰此我飢之也有一人寒則曰此我寒之也一民有罪則曰此我陷之也仁昭而義立德博而化廣故不賞而民勸不罰而民治先恕而後教是堯道也當舜之時有苗氏不服其所以不服者大山在其南殿山在其北左洞庭之波右彭蠡之川因此險也所以不服禹欲伐之舜不許曰論教猶木竭也究論教焉而有苗氏請服天下聞之皆非禹之義而歸舜之德

周公踐天子之位布德施惠遠而逾明十二牧方三



人出舉遠方之民有飢寒而不得衣食者有獄訟而失職者有賢才而不舉者以入告乎天子天子於其君之朝也揖而進之曰意朕之政教有不得者與何其所臨之民有飢寒不得衣食者有獄訟而失職者有賢才而不舉者也其君歸也乃召其國大夫告用天子之言百姓聞之皆喜曰此誠天子也何居之深遠而見我之明也豈可欺哉故牧者所以辟四門明四目達四聰也是以近者親之遠者安之詩曰柔遠能邇以定我王此之謂矣

河間獻王曰禹稱民無食則我不能使也功成而不利於人則我不能勸也故疏河以導之鑿江通於九派遷五湖而定東海民亦勞矣然而不怨苦者利歸於民也

禹出見罪人下車問而泣之左右曰夫罪人不順道故使然焉君王何為痛之至於此也禹曰堯舜之人皆以堯舜之心為心今寡人為君也百姓各自以其心為心是以痛之也書曰百姓有罪在予一人

虞人與芮人質其成於文王入文王之境則見其人民之讓為士大夫入其國則見其士大夫讓為公卿二國者相謂曰其人民讓為士大夫其士大夫讓為



公卿然則此其君亦讓以天下而不居矣二國者未見文王之身而讓其所爭以爲閑田而反孔子曰大哉文王之道乎其不可加矣不動而變無爲而成敬慎恭已而虞芮自平故書曰惟文王之敬忌此之謂也

成王與唐叔虞燕居剪梧桐葉以爲珪而投唐叔虞曰余以此封汝唐叔虞喜以告周公周公以請曰天子封虞耶成王曰余一與虞戲也周公對曰臣聞之天子無戲言言則史書之工誦之士稱之於是遂封唐叔虞於晉周公且可謂善說矣一稱而成王益重言明愛弟之義有輔王室之固

嘗堯之時舜爲司徒契爲司馬禹爲司空后稷爲田疇憂爲樂正僅爲工師伯夷爲秩宗皋陶爲大理益掌啟奮堯體力便巧不能爲一焉堯爲君而九子爲臣其何故也堯知九職之事使九子者各受其事皆勝其任以成九功堯遂成厥功以王天下是故知人者王道也知事者臣道也王道知人臣道知事毋亂舊法而天下治矣

湯問伊尹曰三公九卿二十七大夫八十一元士知之有道乎伊尹對曰昔者堯見人而知舜任人然後



知禹以成功舉之夫三君之舉賢皆異道而成功然
尚有失者况無法度而任己直意用人必大失矣故
君使臣自責其能則萬一之不失矣王者何以選賢
夫王者得賢材以自輔然後治也雖有堯舜之明而
股肱不備則主恩不流化澤不行故明君在上慎於
擇士務於求賢設四佐以自輔有英俊以治官尊其
爵重其祿賢者進以顯榮愚者退而勞力是以主無
遺憂下無邪慝百官能治臣下樂職恩流群生潤澤
草木昔者虞舜左禹右皋陶不下堂而天下治此使
能之効也

武王問太公曰舉賢而以危亡者何也太公曰舉賢
而不用是有舉賢之名而不得真賢之實也武王曰
其失安在太公望曰其失在君好用小善而已不得
其賢也武王曰好用小善者何如太公曰君好聽舉
而不惡讒也以非賢爲賢以非善爲善以非忠爲忠
以非信爲信其君以舉爲功以毀爲罪有功者不賞
有罪者不罰多黨者進少黨者退是以群臣比周而
蔽賢百吏群黨而多姦忠臣以諱死於無罪邪臣以
舉賞於無功其國見於危亡武王曰善吾今日聞諱
舉之情矣

武王問太公曰得賢敬士或不能以爲治者何也太公對曰不能獨斷以人言斷者殃也武王曰何爲以人言斷太公對曰不能定所去以人言去不能定所取以人言取不能定所爲以人言爲不能定所罰以人言罰不能定所賞以人言賞賢者不必用不肖者不必退而士不必敬武王曰善其爲國何如太公對曰其爲人惡聞其情而喜聞人之情惡聞其惡而喜聞人之惡是以不必治也武王曰善

齊桓公問於甯戚曰管子今年老矣爲寡寡人而就世也吾恐法令不行人多失職百姓疾怨國多盜賊

吾何如而使姦邪不起民衣食足乎甯戚對曰要在得賢而任之桓公曰得賢奈何甯戚對曰開其道路察而用之尊其位重其祿顯其名則天下之士騷然舉足而至矣桓公曰旣以舉賢士而用之矣微夫子幸而臨之則未有布衣屈奇之士踵門而求見寡人者甯戚對曰是君察之不明衆之不顯而用之疑官之卑祿之薄也且夫國之所以不得士者有五阻焉主不好士諂諛在傍一阻也言便事者未嘗見用二阻也壅塞掩蔽必因近習然如察三阻也訊獄詰窮其辭以法過之四阻也執事適欲擅國權命五阻

也去此五阻則棠俊並興賢者求處五阻不去則上
蔽吏民之情下塞賢士之路是故明王聖主之治若
夫江海無不受故長為百川之主明王聖君無不容
故安樂而長久因此觀之則安主利人者非獨一士
也桓公七善吾將著夫五阻以為戒本也

齊景公問於晏子曰寡人欲從夫子而善齊國之政
對曰嬰聞之國其官而后政可善景公作色曰齊國
雖小則何為不具官乎對曰此非臣之所復也昔先
君相公身帶墜解帶令不給則隲朋侍左右多過刑
罰不中則弦章侍居處肆縱左右懼畏則東郭牙侍

田野不修人民不安則甯戚倚軍吏意戒士偷則王
子成父侍德義不中信行衰微則饒子侍先君能以
人之長續其短以人之厚補其薄是以辭令窮遠而
不逆兵加於有罪而不頓是故諸侯朝其德而天子
致其胙今君之失多矣未有一士以聞者也故曰未
具景公曰善吾聞高綽與大夫游寡人請見之晏子
曰臣聞為地戰者不能成王為祿仕者不能成政若
高綽與嬰為兄弟久矣未嘗干嬰之過補嬰之闕特
進任之臣也何足以補君

燕昭王問於郭隗曰寡人地狹人寡齊人削取八城



何奴馳驅樓煩之下以孤之不肯得承宗廟恐危社稷存之有道乎郭隗曰有然恐王之不能用也昭王避席願請問之郭隗曰帝者之臣其名臣也其實師也王者之臣其名臣也其實友也霸者之臣其名臣也其實賓也危國之臣其名臣也其實虜也今王將東面目指氣使以求臣則所徵之材至矣西面聽朝不失指讓之禮以求臣則人臣之材至矣西面等禮相亢下之以色不乘勢以求臣則朋友之材至矣北面拘指遠迎而退以求臣則師傳之材至矣如此則上可以王下可以霸唯王擇焉燕王曰寡人願學而

無師郭隗曰王誠欲興道隗請爲天下之士開路於是燕王常置郭隗上坐南面居三年蘇子聞之從周歸燕鄰衍聞之從齊歸燕樂毅聞之從趙歸燕屈景闞之從楚歸燕四子畢至果以弱燕并強齊夫燕齊非均權敵戰之國也所以然者四子之力也詩曰濟濟多士文王以寧此之謂也

楚莊王旣服鄭伯敗晉師將軍子重三言而不當莊王歸過申侯之邑申侯進飯日中而王不食申侯請罪莊王喟然歎曰吾聞之其君賢者也而又有師者王其君中君也而又有師者霸其君下君也而群臣

又莫若君者亡今我下君也而群臣又莫若不殺不
殺恐亡且世不絕聖國不絕賢天下有賢而我獨不
得若吾生者何以食爲故戰服大國義從諸侯戚然
憂恐聖知不在乎身自惜不肖思得賢佐日中志飯
可謂明君矣

明主者有三懼一曰處尊位而恐不聞其過二曰得
意而恐驕三曰聞天下之至言而恐不能行何以識
其然也越王勾踐與吳人戰大敗之兼有九夷當是
時也南面而立近臣三遠臣五令群臣曰聞吾過而
不告者其罪刑此處尊位而恐不聞其過者也昔者

管文公血楚人戰大勝之燒其軍火三日不滅文公
退而有憂色侍者曰君大勝楚今有憂色何也文公
曰吾聞能以戰勝而安者其唯聖人乎若夫詐勝之
徒未嘗不危也吾是以憂此得意而恐驕也昔齊桓
公得筦仲隰朋辯其言說其義正月之朝令具太牢
進之先祖桓公西面而立筦仲隰朋東面而立桓公
贊曰自吾得聽二子之言吾目加明耳加聰不敢獨
擅願薦之先祖此聞天下之至言而恐不能行者也
齊景公出獵上山見虎下澤見蛇歸召晏子而問之
曰今日寡人出獵上山則見虎下澤則見蛇殆所謂

之不祥也晏子曰國有三不祥是不與焉夫有賢而不知一不祥知而不用二不祥用而不任三不祥也所謂不祥乃若此者也今上山見虎虎之室也下澤見蛇蛇之穴也如虎之室如蛇之穴而見之曷為不祥也

楚莊公好獵大夫諫曰晉楚戰國也楚不謀晉晉必謀楚今王無乃耽於樂乎王曰吾獵將以求士也其搏麋刺虎豹者吾是以知其勇也其攫犀搏兕者吾是以知其勁有力也罷田而分所得吾是以知其仁也因是道也而得三士焉楚國以安故曰苟有志則

謹邑封不修使人不時天加以殃又遣君憂拜命之犀君子聞之曰宋國其庶幾乎問曰何謂也曰昔者夏桀殷紂不任其過其亡也忽焉成湯文武知任其過其興也勃焉夫過而改之是猶不過也故曰其庶幾乎宋人間之夙興夜寐早朝晏退平死問疾戮力宇內三年歲豐政平嚮使宋人不聞君子之語則年殺未豐而國未寧詩曰佛時仔肩示我顯德行此之謂也

楚昭王有疾卜之曰河為祟大夫請用三牲焉王曰止古者先王割地制土祭不過望江漢睢漳楚之望



也禍福之至不是過也不救雖不德河非所獲罪也
遂不祭焉仲尼聞之曰昭王可謂知天道矣其不失
國且哉

楚昭王之時有雲如飛鳥夾日而飛三日昭王患之
使人乘驛東而問諸太史州犁州犁曰將雪於王身
以今尹司馬說焉則可令尹司馬聞之宿齊沐浴將
自以身禱之焉王曰止楚國之有不救也由身之有
匈膈也其有令尹司馬也由身之有股肱也匈膈有
疾轉之股肱將爲去是人也

郭文公卜徒於繹史曰利於民不利於君君曰苟利

無非事者此之謂也

易之時大旱七年維圻川竭煎沙爛石於是使人持
三足鼎祝山川教之祝曰政不節耶使人疾耶苞苴
行耶譏夫昌耶宮室管耶女謁盛耶何不雨之極也
蓋言未已而天大雨故天之應人如影之隨形響之
效聲者也詩云上下莫瘳靡神不宗言疾旱也

殷太戊時有桑穀生於庭昏而生比旦而拱史請卜
之湯廟太戊從之卜者曰吾聞之祥者福之先者也
見祥而爲不善則福不生殃者禍之先者也見殃而
能爲善則禍不至於是乃早朝而憂退閭疾弔喪三



日而桑穀自亡

高宗者武丁也高而宗之故號高宗成湯之後先王
道缺刑法違犯桑穀俱生乎朝七日而大拱武丁召
其相而問焉其相曰吾雖知之吾弗得言也聞諸祖
已桑穀者野草也而生於朝意者國亡乎武丁恐駭
躬身修行思先王之政典滅國繼絕世舉逸民明養
老三年之後蠻夷重譯而朝者七國此之謂存亡繼
絕之主是以高而尊之也

宋大率魯人弔之曰天降淫雨糞谷潰盈延及君地
以憂執政使臣敬弔宋人應之曰寡人不佞齋戒不
於民寡人之利也天生蒸民而樹之君以利之也民
既利矣孤必與焉侍者曰命可長也君胡不為君曰
命在牧民死之短長時也民苟利矣吉孰大焉遂徙
於繆

楚莊王見天不見妖而地不出孽則禱於山川曰天
其志予歟此能求過於天必不逆諫矣安不忘危故
能終而成霸功焉

湯曰藥食先嘗於卑然後至於貴藥言先獻於貴然
後聞於卑故藥嘗乎卑然後至于貴教也藥言獻於
貴然後聞於卑道也故使人味食然後食者其得味



也多使人味言然後聞言者其得言也少是以明王之
之言必自他聽之必自他聞之必自他擇之必自他
取之必自他聚之必自他藏之必自他行之故道以
數取之爲明以數行之爲章以數施之萬物爲藏是
故求道者不以目而以心取道者不以手而以耳
楚文王有疾告大夫曰筮饒犯我以義違我以禮與
處不安不見不思然吾有得焉必以吾時辭之申侯
伯吾所欲者勸我爲之吾所樂者先我行之與處則
安不見則思然吾有喪焉必以吾時道之大夫許諾
乃爲筮饒以大夫贈申侯伯而行之申侯伯將之鄭

王曰必戒之矣而爲人也不仁而欲得人之政毋以
之魯衛宋鄭不聽遂之鄭三年而得鄭國之政五月
而鄭人殺之

趙簡子與樂激遊將沈於河曰吾嘗好聲色矣而樂
激致之吾嘗好宮室臺榭矣而樂激爲之吾嘗好良
馬善御矣而樂激求之今吾好士六年矣而樂激未
嘗進一人是進吾過而黜吾善也

或謂趙簡子曰君何不更乎簡子曰諾左右曰君未
有過何更君曰吾謂是謀未必有過也吾將求以來
諫者也今我却之是却諫者諫者必止我過無日矣



韓武子田獸已聚矣田車合矣傳來告曰晉公薨武子謂欒懷子曰子亦知吾好田獸也獸已聚矣田車合矣吾可以卒獵而後吊乎懷子對曰范氏之亡也多輔而少拂今臣於君輔也品於君拂也君胡不問於品也武子曰盍而欲拂我乎而拂我矣何必品哉遂輟田

師經鼓琴魏文侯起儻賦曰使我言而無見遽師經援琴而撞文侯不中中旒潰之文侯謂左右曰為人臣而撞其君其罪如何左右曰罪當烹殺師經下堂等師經曰臣可一言而死乎文侯曰可師經曰昔堯舜之爲君也唯恐言而人不違桀紂之爲君也唯恐言而人違之臣撞桀紂非撞吾君也文侯曰釋之是寡人之過也懸琴於城門以爲寡人符不補旒以爲寡人戒

齊景公游於萋聞晏子卒公乘輿素服駟而驅之自以爲遲下車而趨知不若車之速則又乘比至於國者四下而趨行哭而往乃至伏屍而號曰子大夫日夜責寡人不遺尺寸寡人猶且滯汰而不收怨罪重積於百姓今天降禍於齊國不加寡人而加夫子齊國之社稷危矣百姓將誰告矣



晏子沒十有七年景公飲諸大夫酒公射出質堂上
唱善若出一口公作色太息播弓矢弦章入公曰章
自吾失晏子於今十有七年未嘗聞吾過不善今射
出質而唱善若出一口弦章對曰此諸臣之不善
也知不足以知君之不善勇不足以犯君之顏色然
而有一焉臣聞之君好之則臣服之君嘗之則臣食
之夫尺蠖食黃則其身黃食蒼則其身蒼君其猶有
諸人言乎公曰善今日之言章爲君我爲臣是時海
人人魚公以五十乘賜弦章歸魚乘塞塗撫其仰之
手曰曩之唱善者皆欲若魚者也昔者晏子辭賞以
正君故過失不掩今諸臣諂諛以干利故出質而唱
善如出一口今所輔於君未見於衆而受若魚是反
晏子之義而順諂諛之欲也因辭魚不受君子曰弦
章之廉乃晏子之遺行也

夫天之生人也蓋非以爲君也天之立君也蓋非以
爲位也夫爲人君行其私欲而不顧其人是不能天
意忘其位之所以宜事也如此者春秋不予能君而
夷狄之鄭伯惡一人而兼棄其師故有夷狄不君之
辭人主不以此自省惟既以失實心奚因知之故曰
有國者不可以不學春秋此之謂也

齊人弑其君魯襄公據父而起曰執臣而敢殺其君
乎師懼曰夫齊君治之不能任之不肖縱一人之欲
以虐萬夫之性非所以立君也其身死自取之也今
君不愛萬夫之命而傷一人之死奚其過也其臣已
無道矣其君亦不足惜也

孔子曰文王似元年武王似春王周公似正月文王
以王季爲父以太任爲母以太姒爲妃以武王周公
爲子以泰顛闕天爲臣其本美矣武王正其身以正
其國正其國以正天下伐無道刑有罪一動天下正
其事正矣泰致其時萬物皆及生君致其道萬人皆

及治周公戴已而天下順之其誠至矣

尊者卑臣者以勢使之也夫勢失則權傾故天子失
道則諸侯尊矣諸侯失政則大夫起矣大夫出官則
庶人興矣由是觀之上不失而下得者未嘗有也

孔子曰夏道不亡商德不作商德不亡周德不作周
德不亡春秋不作春秋作而後君子知周道亡也故
上下相虧也猶水火之相滅也人君不可不察而大
盛其臣下此私門盛而公家墜也人君不察焉則國
家危殆矣堯子曰權不兩錯政不二門故曰脛大於
股者難以步指大於臂者難以把本小末大不能相



使也

司城子罕相宋謂宋君曰國家之危定百姓之治亂
在君行之賞罰也賞當則賢人勸罰得則姦人止賞
罰不當則賢人不勸姦人不止姦邪比周欺上蔽主
以爭爵祿不可不慎也夫賞賜讓與者、好也
君自行之刑罰殺戮者人之所惡也臣諍當之君曰
善予主其惡寡人行其善吾知不為諸侯笑矣於是
宋君行賞賜而與子罕刑罰國人知刑戮之威專在
子罕也大臣親之百姓附之居期年子罕遂其君而
專其政故曰無弱君而強大夫老子曰魚不可脫於
淵國之利器不可以借人此之謂也



劉向說苑卷第二

臣術

人臣之術順從而復命無所敢專義不苟合位不苟
尊必有益於國必有補於君故其身尊而子孫保之
故人臣之行有六正六邪行六正則榮犯六邪則辱
夫榮辱者禍福之門也何謂六正六邪六正者一曰
萌芽未動形兆未見昭然獨見存亡之幾得失之要
預禁乎不然之前使主超然立乎顯榮之處天下稱
孝焉如此者聖臣也二曰虛心白意進善通道勉主
以禮誼論主以長策將順其美匡救其惡功成事立



劉向說苑卷第二

臣術

人臣之術順從而復命無所敢專義不苟合位不苟
尊必有益於國必有補於君故其身尊而子孫保之
故人臣之行有六正六邪行六正則榮犯六邪則辱
夫榮辱者禍福之門也何謂六正六邪六正者一曰
萌芽未動形兆未見昭然獨見存亡之幾得失之要
預禁乎不然之前使主超然立乎顯榮之處天下稱
孝焉如此者聖臣也二曰虛心白意進善通道勉主
以禮誼論主以長策將順其美匡救其惡功成事立



歸善於君不敢獨伐其勞如此者良臣也三曰平身賤體夙興夜寐進賢不解數稱於往古之德行事以厲主意庶幾有益以安國家社稷宗廟如此者忠臣也四曰明察幽見成敗早防而救之引而復之塞其間絕其源禍以爲福使君終以無憂如此者智臣也五曰守文奉法任官職事辭祿讓賜不受贈遺衣服端齊飲食節儉如此者貞臣也六曰國家昏亂所爲不諫然而敢犯主之顏而言主之過失不辭其誅身死國安不悔所行如此者直臣也是爲六正也六邪者一曰安官貪祿營於私家不務公事懷其智藏

其能主飢於論渴於策猶不肯盡節容容乎與世沈浮上下左右觀望如此者具臣也二曰主所言皆曰善主所爲皆曰可隱而求主之所好即進之以快主耳目偷合苟容與主爲樂不顧其後害如此者諛臣也三曰中實頗險外容貌小謹巧言令色又心嫉賢所欲進則明其美而隱其惡所欲退則明其過而匿其美使主妄行過任賞罰不當號令不行如此者姦臣也四曰智足以飾非辯足以行說反言易辭而成文章內離骨肉之親外妬亂朝廷如此者讒臣也五曰專擅擅勢持杯國事以爲輕重於私門成黨以富



其家又復增加威勢擅矯主命以自貴顯如此者賊
臣也六曰諂言以邪墜主不義朋黨比周以蔽主明
入則辯言好辭出則更復異其言語使白黑無別是
非無間伺候可推因而附然使主惡布於境內聞於
四隣如此者亡國之臣也是謂六邪賢臣處六正之
道不行六邪之術故上安而下治生則見樂死則見
思此人臣之術也

湯明伊尹曰三公九卿大夫列士其相去何如伊尹
對曰三公者知通於大道應變而不窮辯於萬物之
情通於天道者也其言足以調陰陽正四時節風雨

如是者舉以為三公故三公之事常在於道也九卿
者不失四時通於溝渠修隄防榭五穀通於地理者
也能通不能通能利不能利如此者舉以為九卿故
九卿之事常在於德也大夫者出入與民詞衆取去
與民同利通於人事行猶舉繩不傷於言言達於世
不害於身通於關梁實於府庫如是者舉以為大夫
故大夫之事常在於仁也列士者知義而不失其心
事功而不獨專其賞忠政強諫而無有姦詐去私立
公而言有法度如是者舉以為列士故列士之事常
在於義也故道德仁義定而天下正凡此四者明王



臣而不臣湯曰何謂臣而不臣伊尹對曰君之所不名臣者四諸父臣而不名諸兄臣而不名先王之臣臣而不名盛德之士臣而不名是謂大順也

湯問伊尹曰古者所以立三公九卿大夫列士者何也伊尹對曰三公者所以參五事也九卿者所以參三公也大夫者所以參九卿也列士者所以參大夫也故參而有參是以事宗事宗不失外內若一

子貢問孔子曰今之人臣孰爲賢孔子曰吾未識也往者齊有鮑叔鄭有子皮賢者也子貢曰然則齊無管仲鄭無子產乎子曰賜汝徒知其一不知其二汝聞進賢爲賢耶用力爲賢耶子貢曰進賢爲賢子曰然吾聞鮑叔之進管仲也聞子皮之進子產也未聞管仲子產有所進也

魏文侯且置相召李克而問焉曰寡人將置相置於季成子與翟觸孰置而可李克曰臣聞之賤不謀貴外不謀內疎不謀親臣者疎賤不敢聞命文侯曰此國事也願與先生臨事而勿辭李克曰君不察故也可知矣貴視其所舉富其視所與貧視其所不取窮視其所不爲由此觀之可知矣文侯曰先生出矣寡人之相定矣李克出過翟黃翟黃問曰吾聞君問



相於先生未知果孰爲相李克曰季成子爲相翟黃
作色不說曰觸失望於先生李克曰子何遽失望於
我我於子之君也豈與我此周而求大官哉君問相
於我臣對曰君不察故也貴視其所舉富視其所與
貧視其所不取窮視其所不爲由此觀之可知也君
曰出矣寡人之相定矣以是知季成子爲相翟黃不
說曰觸何遽不爲相乎西河之守觸所任也計事內
史觸所任也王欲攻中山吾進樂羊無使治之臣吾
進先生無使傳其子吾進屈侯附觸何負於季成子
李克曰不如季成子季成子食菜于鍾什九居外一

居中是以東得卜子夏田子方段干木彼其所舉人
主之師也子之所舉人臣之才也翟黃進然而慙曰
觸失對於先生請自脩然後學言未卒而左右言季
成子立爲相矣於是翟黃默然變色內慙不敢出三
月也

楚令尹死景公遇成公乾曰令尹將焉歸成公乾曰
殆於屈春乎景公怒曰國人以爲歸於我成公乾曰
子責少屈春亦多子義獲天下之至憂也而子以爲
友鳴鶴與鴉狗其知甚少而子玩之鳴夷子皮目侍
於屈春損頤爲支二人者之智足以爲令尹不敢專



其智而委之屈春故曰政其歸於屈春乎

田子方渡西河造翟黃翟黃乘軒車載華蓋黃金之勒約籊籊席如此者其駟八十乘子方望之以爲人君也道狹下抵車而待之翟黃至而睹其子方也下車而趨自投下風曰觸田子方曰子與吾鄉者望子疑以爲人君也子至而人臣也將何以至此乎翟黃對曰此皆君之所以賜臣也積三十歲故至於此時以閒暇祖之曠野正逢先生于方曰何子賜車譽之厚也翟黃對曰昔者西河無守臣進吳起而西河之外倥傯無令臣進西門豹而魏無趙患敵藎無令臣

進北門可而魏無齊憂魏欲攻中山臣進樂羊而中山拔魏無使治之臣進李克而魏國大治是以進此五大夫者爵祿倍以故至於此子方曰可子勉之矣魏國之相不去子而之他矣翟黃對曰君母弟有公孫季成者進子夏而君師之進段干木而君友之進先生而君敬之彼其所進師也友也所敬者也臣之所進者皆守職守祿之臣也何以至魏國相乎子方曰吾聞身賢者賢也能進賢者亦賢也子之五舉者盡賢子勉之矣子敘其次也

齊威王遊於瑤臺成侯卿來奏事從車羅綺甚衆王



望之謂左右曰來者何爲者也左右曰成侯卿也王曰國至貧也何出之盛也左右曰與人者有以責之也受人者有以易之也王試問其說成侯卿至上謁曰忌也王不應又曰忌也王不應又曰忌也王曰國至貧也何出之盛也成侯卿曰赦其死罪使臣得言其說王曰諾對曰忌舉田居于爲西河而秦梁弱忌舉田解子爲南城而楚人抱羅綺而朝忌舉黔涿子爲冥州而燕人給牲趙人給盛忌舉田種首子爲即墨而於齊足究忌舉北郭刁物子爲大士而九族益親民益富舉此數良人者王枕而卧耳何患國之貧哉

哉

秦穆公使賈人載鹽徵諸賈人賈人買百里奚以五殺羊之皮使將車之秦秦穆公觀鹽見百里奚牛肥曰任重道遠以險而牛何以肥也對曰臣飲食以時使之不以暴有險先後之以身是以肥也穆公知其君子也令有司具沐浴爲衣冠與坐公大悅異曰與公孫支論政公孫支大不寧曰君耳目聰明思慮審察君其得聖人乎公曰然吾悅夫奚之言彼類聖人也公孫支連歸取鴈以賀曰君得社稷之聖臣敢賀社稷之福公不辭再拜而受明日公孫支乃致上卿

以讓百里奚曰秦國處僻民陋以愚無知危亡之本也臣自知不足以處其上請以讓之公不許公孫支曰君不用賓相而得社稷之聖臣君之祿也臣見賢而讓之臣之祿也今君既得其祿矣而使臣失祿可乎請終致之公不許公孫支曰臣不肯而處上位是君失倫也不肯失倫臣之過進賢而退不肯君之明也今臣處佐廢君之德而進臣之行也臣將逃公乃受之故百里奚爲上卿以制之公孫支爲次卿以佐之也

趙簡子從晉陽之邯鄲中路而止引車吏進曰君何

爲止簡主曰董安于在後吏曰此三軍之事也君柰何以一人留三軍也簡主曰諾驅之百步又止吏將進諫董安于適至簡主曰秦道之與晉國交者吾忘令人塞之董安于曰此安于之所爲後也簡主曰官之寶璧吾忘令人截之對曰此安于之所爲後也簡主曰行人燭馮年長矣言未嘗不爲晉國法也吾行忘令人辭且聘焉對曰此安于之所爲後也簡主可謂內省外知人矣哉故身佚國安御史大夫周昌曰人主誠能如趙簡主朝不危矣

晏子侍於景公朝寒請進熱食對曰嬰非君之厨養



臣也敢辭公曰請進服表對曰嬰非田澤之臣也敢
辭公曰然夫子於寡人奚爲者也對曰社稷之臣也
公曰何謂社稷之臣對曰社稷之臣能立社稷辨上
下之宜使得其理制百官之序使得其宜作爲辭令
可分布於四方自是之後君不以禮不見晏子也
齊侯問於晏子曰忠臣之事其君何若對曰有難不
死出亡不送君曰裂地而封之疏爵而貴之吾有難
不死出亡不送可謂忠乎對曰言而見用終身無難
臣何死焉謀而見從終身不亡臣何送焉若言不見
用有難而死之是妄死也謀而不見從出亡而送是

許爲也故忠臣者能納善於君而不能與君陷難
也

晏子朝乘弊車駕駑馬景公見之曰嘻夫子之祿寡
耶何乘不任之甚也晏子對曰賴君之賜得以壽三
族及國交遊皆得生焉臣得煖衣飽食弊車駑馬以
奉其身於臣足矣晏子出公使召晏子晏子至公曰夫子不
馬三返不受公不悅趣召晏子晏子至公曰夫子不
受寡人亦不乘晏子對曰君使臣臨百官之吏飾其
衣服飲食之養以先齊國之人然猶恐其侈靡而不
顧其行也今輅車乘馬君乘之上臣亦乘之下民之



無甚侈其衣食而不顧其行者臣無以禁之遂讓不受也

景公飲酒陳桓子侍望見晏子而復於公曰請浮晏子公曰何故也對曰晏子衣緇布之衣麋之裘棧軫之車而駕驚馬以朝是隱君之賜也公曰誰酌者奉觴而進之曰君命浮子晏子曰何故也陳桓子曰君賜之卿位以尊其身寵之百萬以富其家群臣之爵莫尊於子祿莫厚於子今子衣緇布之衣麋鹿之裘棧軫之車而駕驚馬以朝則是隱君之賜也故浮子晏子避席曰請飲而後辭乎其辭而後飲乎公曰

辭然後飲晏子曰君賜卿位以顯其身要不敢為寵受也為行君令也寵之百萬以富其家要不敢為富受也為通君賜也臣聞古之賢臣右受厚賜而不顧其國族則過之臨事守職不勝其任則過之君之內隸臣之父兄若有雜散在於野鄙者此臣之罪也君之外隸臣之所職若有播亡在四方者此臣之罪也兵革不完戰車不修此臣之罪也若夫弊車驚馬以朝王者非臣之罪也且臣以君之賜臣父之黨無不乘車者母之黨無不足於衣食者妻之黨無束佞者國之簡士待臣而後舉火者數百家如此為隱君之

賜乎彰君之賜乎公曰善爲我浮桓子也

晏子方食君之使者至分食而食之晏子不飽使者返言之景公景公曰尊夫子之家若是其貧也寡人不知也是寡人之過也令吏致千家之縣一於晏子晏子再拜而辭曰嬰之家不貧以君之賜澤覆三族延及交遊以振百姓君之賜也厚矣嬰之家不貧也嬰聞之厚取之君而厚施之人代君爲君也忠臣不爲也厚取之君而藏之是篋籠存也仁人不爲也厚取之君而無所施之身死而財遷智者不爲也嬰也聞爲人臣進不事上以爲忠退不克下以爲庶八升

之布一豆之食足矣使者三返遂辭不受也

陳成子謂鴟夷子皮曰何與常也對曰君死吾不死君亡吾不亡陳成子曰然子何以與常對曰未死去死未亡去亡其有何死亡矣從命利君爲之順從命病君爲之諛逆命利君謂之忠逆命病君謂之亂君有過不諫諍將危國殞社稷也有能盡言於君用則留之不用則去之謂之諫用則可生不用則死謂之諍有能比和同力率群下相與強矯君君雖不安不能不聽遂解國之大患除國之大害成於尊君安國謂之輔有能克君之命反君之事竊君之重以安國



之危除主之辱攻伐足以成國之大利謂之弼故諫
諍輔弼之人社稷之臣也明君之所尊禮而闇君以
爲己賊故明君之所賞闇君之所殺也明君好問闇
君好獨明君上賢使能而享其功闇君畏賢妬能而
滅其業罰其忠而賞其賊夫是之謂至闇桀紂之所
以亡也詩云曾是莫聽大命以傾此之謂也

簡子有臣尹綽敕厥簡子曰厥愛我諫我必不於衆
人中綽也不愛我諫我必於衆人中尹綽曰厥也愛
君之醜而不愛君之過也臣愛君之過而不愛君之
醜孔子曰君子哉尹綽面管不譽也

一本譽上
有百文

高繚仕於晏子晏子逐之左右諫曰高繚之事夫子
三年曾無以爵位而逐之其義可乎晏子曰嬰仄陋
之人也四維之然後能直今此子事吾三年未嘗獨
吾過是以逐之也

子貢問孔子曰賜爲人下而未知所以爲人下之道
也孔子曰爲人下者其猶土乎種之則五穀生焉掘
之則甘泉出焉草木植焉禽獸育焉生人立焉死人
入焉多其功而不言爲人下者其猶土乎

孫卿曰少事長賤事貴不肖事賢此天下之通義也
有人貴而不能爲人上賤而羞爲人下此蓋人之心



也身不離姦心而行不離姦道然而求見譽於衆不亦難乎

公叔文子問於史叟曰武子勝事趙簡子久矣其寵不解奚也史叟曰武子勝博聞多能而位賤君親而近之致敏以慈藹而疏之則恭而無怨色入與謀國家出不見其寵君賜之祿知足而辭故能久也

泰誓曰附下而罔上者死附上而罔下者刑與聞國政而無益於民者退在上位而不能進賢者逐此所以勸善而黜惡也故傳曰傷善者國之殘也蔽善者國之讒也想無罪者國之賊也王制曰假於鬼神時

曰卜筮以疑於衆者煞也

子路爲蒲令備水災與民秦修溝瀆爲人煩苦故子人一簞食一壺漿孔子聞之使子貢復之子路忿然不悅往見夫子曰由也以暴雨將至恐有水災故與人修溝瀆以備之而民多置於食故與人一簞食一壺漿而夫子使賜止之何也夫子止由之行仁也夫子以仁教而禁其行仁也由也不受子曰爾以民爲餓何不告於君發倉廩以給食之而以爾私饋之是汝不明君之惠見汝之德也速已則可矣否則爾之受罪不久矣子路心服而退也





卷十册



NATIONAL CENTRAL LIBRARY, TAIWAN, R.O.C.





劉向說苑卷第三

建本

孔子曰君子務本本立而道生夫本不正者末必隨
始不盛者終必衰詩云原隰既平泉流既濟本立而
道生春秋之義有正春者無亂秋有正君者無危國
易曰建其本而萬物理失之毫釐差以千里是故君
子貴建本而重立始

魏武侯問元年於吳子吳子對曰言國君必慎始也
慎始柰何曰正之柰何曰明智智不明何以見
正多聞而擇焉所以明智也是故古者君始聽治大



夫而一言士而一見庶人有謁必達公族請問必語
四方至者勿距可謂不壅蔽矣分祿必及用刑必中
君心必仁思君之利除民之害可謂不失民衆矣君
身必正近臣必選大夫不兼官執民柄者不在一族
可謂不權勢矣此皆春秋之意而元年之本也

孔子曰行身有六本本立焉然後爲君子立體有義
矣而孝爲本處喪有禮矣而哀爲本戰陣有隊矣而
勇爲本治政有理矣而能爲本居國有禮矣而嗣爲
本生才有時矣而力爲本置本不固無務豐末親戚
不悅無務外交事無終始無務多業閔記不言無務

多談此近不說無務修遠是以反本修遠君子之道
也天之所生地之所養莫貴乎人入之道莫大乎父
子之親君臣之義父道聖子道仁君道義臣道忠賢
父之於子也慈惠以生之教誨以成之養其誼藏其
僞時其節慎其施子年七歲以上父爲之擇明師選
良友勿使見惡少漸之以善使之早化故賢子之事
親發言陳辭應對不悖乎耳趨走進退容貌不悖乎
目卑體賤身不悖乎心君子之事親以積德子者親
之本也無所推而不從命推而不從命者惟害親者
也故親之所安子皆供之賢臣之事君也受官之日



以主爲父以國爲家以士人爲兄弟故苟有可以安
國家利民人者不避其難不憚其勞以成其義故其
君亦有助之以遂其德夫君臣之與百姓轉相爲本
如循環無端夫子亦云人之行莫大於孝孝行成於
內而嘉號布於外是謂建之於本而榮華自茂矣君
以臣爲本臣以君爲本父以子爲本子以父爲本棄
其本者榮華槁矣

子路曰負重道遠者不擇地而休家貧親老者不擇
祿而仕昔者由事二親之時常食藜藿之實而爲親
負米百里之外親沒之後南遊於楚從車百乘積粟
萬鍾累茵而坐列鼎而食額食藜藿爲親負米之時
不可復得也枯魚銜索幾何不靈二親之壽忽如過
隙草木欲長霜露不使賢者欲養二親不待故曰家
貧親老不擇祿而仕也

伯禽與康叔封朝于成王見周公三見而三笞康叔
有駭色謂伯禽曰有商子者賢人也與子見之康叔
封與伯禽見商子曰某某也日吾二子者朝乎成王
見周公三見而三笞其說何也商子曰二子盍相與
觀乎南山之陽有木焉名曰橋二子者往觀乎南山
之陽見橋棘焉實而仰反以告乎商子商子曰橋者

父道也商子曰二子盍相與觀乎南山之陰有木焉
名曰梓二子者往觀乎南山之陰見梓勃焉實而俯
反以告商子商子曰梓者子道也二子者明日見乎
周公入門而趨登堂而跪周公拂其首勞而食之曰
安見君子二子對曰見商子周公曰君子哉商子也
曾子嘗瓜而誤斬其根曾皙怒拔大杖擊之曾子仆
地有頃蘇屣然而起進曰曩者參得罪於大人大人
用力教參得無疾乎退屏鼓琴而歌欲令曾皙聽其
歌聲令知其平也孔子聞之告門人曰參來勿內也
曾子自以無罪使人謝孔子孔子曰汝聞警吏有子
名曰舜舜之事父也索而使之未嘗不在側求而殺
之未嘗可得小審則待大審則走以逃暴怒也今子
委身以待暴怒立體而不去殺身以陷父不義不孝
孰是大乎汝非天子之民邪殺天子之民罪莫如以
曾子之材又居孔氏之門有罪不自知處義難乎
俞有過其母答之泣其母曰他日笞子未嘗見泣
今泣何也對曰他日俞得罪嘗嘗痛今母之力不能
使痛是以泣故曰父母怒之不作於意不見於色深
受其罪使可哀憐上也父母怒之不作於意不見於
色其次也父母怒之作於意見於色下也

成人有德小子有造大學之教也時禁於其未發之
曰預因其可之曰時相觀於善之曰磨學不陵節而
施之曰馴發然後禁則扞格而不勝時過然後學則
勤苦而不馴雜施而不遜則壞亂而不治獨學而無
友則孤陋而寡聞故曰有昭辟雍有賢泮宮田里周
行濟濟備錯而相從執質有族以文周召公年十九
見正而冠王則可以為方伯諸侯矣人之幼稚童蒙
之時曰正本無以立身全性夫幼者必愚愚者

妄行愚者妄行不能保身孟子曰人皆知以食愈飢
莫知以學愈愚故善材之幼者必勤於學聞以脩其
性今人誠能砥礪其材自誠其神明睹物之應通道
之要觀始卒之端覽無外之境通乎無方之內彷彿
乎塵埃之外卓然獨立超然絕世此上聖之所遊
神也然晚世之人莫能閑居心思鼓琴讀書追觀上
古友賢大夫學問講辨日以自處疏遠世事分明利
害善業得失以觀禍福設義立度以為法式窮追本
末究事之情死有遺業生有榮名此皆人材之所能
建也然莫能為者偷慢懈墮多暇日之故也是以失
本而無名夫學者崇名立身之本也儀狀齊等而飾
貌者好質性同倫而學問者智是故砥礪琢磨非金

也而可以利金詩書碑立非我也而可以厲心夫問
訊之士日夜與越厲中益知以分別理是故處身則
全立身不殆士苟欲深明博祭以垂榮名而不好問
訊之道則是伐智本而塞智原也何以立軀也駢駢
雖疾不遇伯樂不致千里千將雖利非人力不能自
斲焉烏號之弓雖良不得掛繫不能自任人才雖高
不務學問不能致聖水積成川則蛟龍生焉土積成
山則豫樟生焉學積成聖則富貴尊顯至焉千金之
裘非一狐之皮臺廟之楹非一木之枝先王之法非
一士之智也故曰訊問者智之本思慮者智之道也

中庸曰好問近乎智力行近乎仁知耻近乎勇積小
之能大者其惟仲尼乎學者所以反情治性盡才者
也親賢學問所以長德也論交合友所以相致也詩
云如切如磋如琢如磨此之謂也

今夫辟地殖穀以養生送死鏡金石雜草藥以攻疾
各知構室屋以避暑兩累臺榭以避潤濕入知親其
親出知尊其君內有男女之別外有朋友之際此聖
人之德教儒者受之傳之以教誨於後世今夫晚世
之惡人反非儒者曰何以儒爲如此人者是非本也
譬猶食穀衣絲而非耕織者也載於船車服而安之



而非工匠者也食於釜甕須以生活而非陶冶者也此言違於情而行矇於心者也如此人者骨肉不親也秀士不友也此三代之棄民也人君之所不赦也故詩云投畀豺虎豺虎不食投畀有北有北不受投畀有吳此之謂也

孟子曰人知養其田莫知養其心養田莫過利苗得粟費心易行而得其所欲何謂養心博學多聞何謂易行一性止滯也

子思曰學所以益才也礪所以致刃也吾嘗幽處而深思不若學之速吾嘗鼓而望不若登高之博見故

順風而呼聲不加疾而聞者衆登丘而招臂不加于而見者遠故魚乘於水鳥乘於風草木乘於時

孔子曰可以與人終日而不倦者其惟學乎其身體不足觀也其勇力不足憚也其先祖不足稱也其族姓不足道也然而可以聞四方而昭於諸侯者其惟學乎詩曰不德不亡率由舊章夫學之謂也

孔子曰鯉君子不可以不學見人不可以不飾不飾則無根無根則失理失理則不忠不忠則失禮失禮則不立夫遠而有光者飾也近而逾明者學也譬之如冰水潦注焉管滿生之從上觀之知其非源也



公扈子曰有國者不可以不學春秋生而尊者驕生而富者傲生而富貴又無鑑而自得者鮮矣春秋國之鑑也春秋之中弑君三十六亡國五十二諸侯奔走不得保其社稷者其衆未有不先見而後從之者也

晉平公問於師曠曰吾年七十欲學恐已暮矣師曠曰何不炳燭乎平公曰安有爲人臣而戲其君乎師曠曰盲臣安敢戲其君乎臣聞之少而好學如日出之陽壯而好學如日中之光老而好學如炳燭之明炳燭之明孰與昧行乎平公曰善哉

河間獻王曰湯稱學聖王之道者譬如日焉靜居獨思譬如火焉夫捨學聖王之道若捨日之光何乃獨思若火之明也可以見小耳未可用大知惟學問可以廣明德慧也

梁丘據謂晏子曰吾至死不及夫子矣晏子曰嬰聞之爲者常成行者常至嬰非有異於人也當爲而不置常行而不休者故難及也

竈越中牟鄙人也苦耕之勞謂其友曰何爲而可以免此苦也友曰莫如學學三十年則可以達矣竈越曰請十五歲人將休吾將不休人將則吾不敢則十



三歲學而固成公師之夫走者之速也而過二里止步者之遲也而百里不止今竊越之材而又不止其爲諸侯師豈不宜哉

孔子謂子路曰汝何好子路曰好長劍孔子曰非此之問也請以汝之所能加之以學豈可及哉子路曰學亦有益乎孔子曰夫人君無諫臣則失政士無教友則失德狂馬不釋其策操弓不返於繁木受繩則直人受諫則聖受學重問孰不順成毀仁惡士且近於刑君子不可以不學子路曰南山有竹弗操自直斲而射之道於犀革又何學爲乎孔子曰括而羽之

斲而礪之其入不益深乎子路拜曰敬受教哉
豐壙堦下未必崩也流行潦至環必先矣樹木淺根埽不深未必極也飄風起暴雨至拔必先矣君子居於是國不崇仁義不尊賢臣未必亡也然一旦有非常之變車馳人走指而禍至乃始乾喉嚨唇仰天而嘆庶幾焉天其救之不亦難乎孔子曰不慎其前而悔其後雖悔無及矣詩云嘍其泣矣何嗟及矣言不先正本而成憂於末也

虞君問益成子曰今工者久而巧色者老而衰今人不及壯之時益精心技之術以備將衰之色色者必



盡乎老之前知謀無以異乎幼之時可好之色彬彬
乎且盡洋洋乎安託無能之軀哉故有技者不累身
而未嘗減而色不得以常茂

齊桓公問管仲曰王者何貴曰貴天桓公仰而視天
管仲曰所謂天者非謂蒼蒼莽莽之天也君人者以
百姓爲天百姓與之則安輔之則強非之則危背之
則亡詩云人而無良相怨一方民怨其上不遠亡者
未之有也

河間獻王曰管子稱倉廩實知節衣食足知榮辱
夫穀者國家所以昌熾士女所以效好禮義所以行

而人心所以安也尚書五福以富爲始子貢問爲政
孔子曰富之既富乃教之也此治國之本也

文公見咎季其廟傳於西墻公曰孰處而西對曰君
之老臣也公曰西益而宅對曰臣之患不如老臣之
力其墻壞而不築公曰何不築對曰一日不稼百日
不食公出而告之僕僕頓首於軒曰呂刑云一人有
慶兆民賴之君之明辟臣之福也乃今於國曰毋淫
宮室以妨人宅板築以時無奪農功

楚恭王多寵子而世子之位不定屈建曰楚必多亂
夫一兔走於街萬人追之二人得之萬人不復走分



未定則一兔走使萬人擾分已定則雖貪夫知止今
楚多寵子而嫡位無主亂自是生矣夫世太子者國
之基也而百姓之望也國既無基又使百姓失望絕
其本矣本絕則撓亂猶兔走也恭王聞之立康王爲
太子其後猶有令尹圍公子棄疾之亂也

晉襄公薨嗣君少趙宣子相謂大夫曰立少君懼多
難請立雍雍長出在秦秦大足以爲援賈季曰不若
公子樂樂有寵於國先君愛而仕之翟翟足以爲援
得羸抱太子以呼於庭曰先君奚罪其嗣亦奚罪舍
嫡嗣不立而外求君乎出朝抱以見宣子曰惡難也
故欲立長君長君立而少君繼難乃至矣宣子患之
遂立太子也

趙簡子以襄子爲後董安子曰無恤不才今以爲後
何也簡子曰是其人能爲社稷忍辱異日智伯與襄
子飲而灌襄子之首大夫請殺之襄子曰先君之立
我也曰能爲社稷忍辱豈曰能刺人哉處十月智伯
圍襄子於晉陽襄子䟽陳而擊之大敗智伯漆其首
以爲飲器

劉向說苑卷第三



劉向說苑卷第四

立節

士君子之有勇而果於行者不以立節行誼而以妄死非名豈不痛哉士有殺身以成仁觸害以立義倚於節理而不議死地故能身死名流於來世非有勇斷孰能行之子路曰不能勤苦不能恬貧窮不能輕死亡而曰我能行義吾不信也昔者申包胥立於秦庭七日七夜哭不絕聲遂以存楚不能勤苦安能行此曾子布衣緼袍未得完糶糠之食藜藿之羹未得飽義不合則辭上卿不恬貧窮安能行此比干將死



劉向說苑卷第四

立節

士君子之有勇而果於行者不以立節行誼而以妄死非名豈不痛哉士有殺身以成仁觸害以立義倚於節理而不議死地故能身死名流於來世非有勇斷孰能行之子路曰不能勤苦不能恬貧窮不能輕死亡而曰我能行義吾不信也昔者申包胥立於秦庭七日七夜哭不絕聲遂以存楚不能勤苦安能行此曾子布衣緼袍未得完糶糠之食藜藿之羹未得飽義不合則辭上卿不恬貧窮安能行此比干將死



而諫逾忠伯夷叔齊餓死于首陽而志逾彰不輕死亡安能行此故夫士欲立義行道毋論難易而後能行之立身著名無顧利害而後能成之詩曰彼其之子碩大且篤非良篤脩淑之君子其誰能行之哉王子比干殺身以成其忠伯夷叔齊殺身以成其廉此三者皆天下之通士也豈不愛其身哉以爲天義之不立名之不著是士之耻也故殺身以遂其行因此觀之卑賤貧窮非士之耻也夫士之所耻者天下舉忠而士不與焉舉信而士不與焉舉廉而士不與焉三者在乎身名傳於後世與日月並而不息雖無

道之世不能污焉然則非好死而惡生也非惡富貴而樂貧賤也由其道遵其理尊貴及已士不辭也孔子曰富而可求雖執鞭之士吾亦爲之富而不可求從吾所好大聖之操也詩云我心匪石不可轉也我心匪席不可卷也言不失已也能不失已然後可與濟難矣此士君子之所以越衆也

楚伐陳陳西門燔因使其降民修之孔子過之不軾子路曰禮過三人則下車過二人則軾今陳脩門者人數衆矣夫子何爲不軾孔子曰丘聞之國亡而不知不智知而不爭不忠忠而不死不廉今陳脩門者



不行一於此丘故不爲軾也

孔子見齊景公景公致廩丘以爲養孔子辭不受出謂弟子曰吾聞君子當功以受祿今說景公景公未之行而賜我廩丘其不知丘亦甚矣遂辭而行

曾子衣弊衣以耕魯君使人往致邑焉曰請以此脩衣曾子不受反復往又不受使者曰先生非求於人則獻之奚爲不受曾子曰臣聞之受人者畏人予人者驕人縱子有賜不我驕也我能勿畏乎終不受孔子聞之曰參之言足以全其節也

子思居於衛緝袍無表二旬而九食田子方聞之使

人遺狐白之裘恐其不受因謂之曰吾假人蓬志之吾與人也如棄之子思辭而不受子方曰我有子無何故不受子思曰彼聞之妾與不如遺棄物於溝壑假雖貧也不忍以身爲溝壑是以不敢當也

宋襄公茲父爲桓公太子桓公有後妻子曰公子目夷公愛之茲父爲公愛之也欲立之請於公曰請使目夷立臣爲之相兄以佐之公曰何故也對曰臣之舅在衛愛臣若終立則不可以往絕迹於衛是背母且臣自知不足以處目夷之上公不許彊以請公公許之將立公子目夷目夷辭曰兄立而弟在下是



其義也今弟立而兄在下不義也不義而使目夷爲
之目夷將逃乃逃之衛茲父從之三年桓公有疾使
人召茲父若不來是使我以之死也茲父乃反公復
立之以爲太子然後目夷歸也

晉驪姬譖太子申生於獻公獻公將殺之公子重耳
謂申生曰爲此者非子之罪也子胡不進辭辭之必
免於罪申生曰不可我辭之驪姬必有罪矣吾君老
矣微驪姬寢不安席食不甘味如何使吾君以恨終
哉重耳曰不辭則不若遠去矣申生曰不可去而免
於死是惡吾君也夫彰父之過而取美諸侯孰肯納
之入困於宗出困於逃是重吾惡也吾聞之忠不暴
君智不重惡勇不逃死如是者吾以身當之遂伏劍
死君子聞之曰天命矣夫世子詩曰莫兮斐兮成是
貝錦彼譖人者亦已太甚

晉獻公之時有 焉 狐突傳太子申生公立驪姬

爲夫人而國多夢 矣稱疾不出六年獻公以譖誅

太子太子將死使人謂狐突曰吾君老矣國家多難

傳一出以輔吾君申生受賜以死不恨再拜 而

死狐突乃復事獻公三年獻公卒狐突辭於諸大夫

曰突受太子之詔今事終矣與其父生亂世也不若



死而報太子乃歸自殺

楚平王使鬻馮殺太子建未至而逃之太子奔宋王
召使城父人執之以至王曰言出於予口入於
爾耳誰告建也對曰臣告之王初命臣曰事建如事
余臣不佞不能諷也奉初以還故遣之已而悔之亦
無及也王曰而敢來何也對曰使而失命召而不來
是重過也逃無所入王乃赦之

晉靈公暴趙宣子驥諫靈公患之使鉏之彌賊之鉏
之彌畏往則寢門開矣宣子盛服將朝尚早坐而假
寢之彌退歎而言曰不忘恭敬民之主也賊民之主

不忠棄君之命不信有一於此不如死也遂觸槐而
死

齊人有子蘭子者事白公勝勝將為難乃告子蘭子
曰吾將舉大事於國願與子共之子蘭子曰我事子
而與子殺君是助子之不義也畏患而去子是適子
於難也故不與子殺君以成吾義契領於庭以遂吾
行

楚有士申鳴者在家而養其父孝聞於楚國王欲授
之相申鳴辭不受其父曰王欲相汝汝何不受乎申
鳴對曰舍父之孝子而為王之忠臣何也其父曰使



有祿於國立義於庭汝樂吾無憂矣吾欲汝之相也
申鳴曰諾遂入朝楚王因授之相居三年白公爲亂
殺司馬子期申鳴將往死之父止之曰棄父而死其
可乎申鳴曰聞夫仕者身歸於君而祿歸於親今既
去子事君得無死其難乎遂辭而往因以兵圍我吾
公謂石乞曰申鳴者天下之勇士也今以兵圍我吾
爲之奈何石乞曰申鳴者天下之孝子也往劫其父
以兵申鳴聞之必來因與之語白公曰善則往取其
父持之以兵告申鳴曰子與吾吾與子分楚國子不
與吾子父則死矣申鳴流涕而應之曰始吾父之孝

子也今吾君之忠臣也吾聞之也食其食者死其事
受其祿者畢其能今吾已不得爲父之孝子矣乃君
之忠臣也吾何得以全身援梓鼓之遂殺白公其父
亦死王賞之金百斤申鳴曰食君之食避君之難非
忠臣也定君之國殺臣之父非孝子也名不可兩
行不可兩全也如是而生何面目立於天下遂自殺
也

齊莊公且伐莒爲車五乘之實而祀梁華舟獨不與
焉故歸而不食其母曰汝生而無義死而無名則雖
非五乘孰不汝笑也汝生而有義死而有名則五乘

之賓盡汝下也。趣食乃行。杞梁華舟同車侍於莊公而行。至莒。莒人逆之。杞梁華舟下。闞殺甲首三百。莊公止之曰：子止與子同。齊國杞梁華舟曰：君爲五乘之賓，而舟梁不與焉，是少吾勇也。臨敵涉難，止我以利，是污吾行也。深入多殺者，臣之事也。齊國之利，非吾所知也。遂進闞。城軍陷陣，三軍弗敢當。至莒城下，莒人以炭置地，二人立有間，不能入。隱侯重爲右曰：吾聞古之士，犯患涉難者，其去遂於物也。來吾喻子。隱侯重仗盾伏炭，二子乘而入，額而哭之。華舟後息。杞梁曰：汝無勇乎？何哭之久也？華舟曰：吾豈無勇哉？

是其勇與我同也。而先吾死，是以哀之。昔人曰：子死，死與子同。莒國杞梁華舟曰：去國歸敵，非忠臣也。去長受賜，非正行也。且鷄鳴而期，日中而忘之，非信也。深入多殺者，臣之事也。莒國之利，非吾所知也。遂進闞，殺二十七人而死。其妻聞之，而哭城爲之雉，而隅爲之崩。此非所以起也。

越甲至齊，雍門子狄請死之。齊王曰：鼓鐸之聲未聞，矢石未交，長兵未接，子何務死之？爲人臣之禮，耶雍門子狄對曰：臣聞之昔者，王田於圃，左轂鳴車，右請死之。而王曰：子何爲死？車右對曰：爲其鳴吾君也。王

曰左轂鳴者工師之罪也子何事之有焉車右曰臣不見工師之乘而見其鳴吾君也遂劓頭而死知有之乎齊王曰有之雍門子狄曰今越甲至其鳴吾君也豈左轂之下哉車右可以死左轂而臣獨不可以死越甲也遂劓頭而死是日越人引甲而退七十里曰齊王有臣鈞如雍門子狄擬使越社稷不血食也引甲而歸齊王葬雍門子狄以上卿之禮

楚人將與吳人戰楚兵寡而吳兵衆楚將軍子囊曰我擊此國必敗辱君將地忠臣不忍為也不復於君黜兵而退至於國郊使人復於君曰臣請死君曰子大夫之過也以為利也而今誠利子大夫毋死子囊曰過者無罪而後世之為君臣者皆入不利之名而效臣過若是則楚國終為天下窮矣臣請死退而伏劓君曰誠如此請成子大夫之義乃為相棺三寸加笈質其上以徇於國

宋康公攻阿屠單父成公趙曰始吾不自知以為在千乘則萬乘不敢伐在萬乘則天下不敢圖今趙在阿而宋屠單父則是趙無以自立也且往誅宋趙遂入宋三月不得見或曰何不因鄰國之使而見之成公趙曰不可吾因鄰國之使而刺之則使後世之使



不信荷節之信不用皆曰趙使之然也不可或曰何不
不因群臣道徒處之士而刺之成公趙曰不可吾因
群臣道徒處之士而刺之則後世之忠臣不見信辨
士不見顧皆曰趙使之然也不可吾聞古之士怒則
思理危不忘義必將正行以求之耳甚年宋康公病
死成公趙曰康士不辱名信士不惰行今吾在阿宋
屠單父是辱名也事誅宋王甚年不得是惰行也吾
若是而生何面目而見天下之士遂詳請於彭山之

上

佛胥用中牟之際呼設得邑炊羞曰與我者受邑不

與我者其意中牟之士皆與之城比餘子田基獨後
至袂衣將入鼎曰基聞之義者軒冕在前非義弗乘
斧鉞於後義死不避遂袂衣將入鼎佛胥播而止之
趙簡子屠中牟得而取之論有功者用田基爲始田
基曰吾聞無士不耻人如此而受中牟之功則中牟
之士終身慙矣襁負其母南徙於楚楚王高其義待
以司馬

齊崔杼弑莊公邢蒯聵使晉而反其僕曰崔杼弑莊
公子將奚如邢蒯聵曰驅之將入死而報君其僕曰
君之無道也四鄰諸侯莫不聞也以夫子而死之不



亦難乎邢崩瑣曰善能言也然亦晚矣子早言我能諫之諫不聽我能去今既不諫又不去吾聞食其祿者死其事吾既食亂君之祿矣又安得治君而死之遂驅車入死其僕曰人有亂君人猶死之我有治長可毋死乎乃結轡自刎於車上君子聞之曰邢崩瑣可謂守節死義矣死者人之所難也僕夫之死也雖未能合義然亦有志士之意矣詩云風夜匪懈以事一人邢生之謂也孟子曰勇士不忘喪其元僕夫之謂也

燕昭王使樂毅伐齊閔王亡燕之初入齊也聞蓋邑

人王歊賢令於軍曰環蓋三十里毋入以歊之故已而使人謂歊曰齊人多高子之義吾以子為將封子萬家歊固謝燕人燕人曰子不聽吾引三軍而屠蓋邑王歊曰忠臣不事二君貞女不更二夫齊王不聽吾諫故退而耕於野國既破亡吾不能存今又劫之以兵為君將是助桀為暴也與其生而無義固不如烹速懸其軀於樹枝自奮絕脰而死齊亡大夫聞之曰王歊布衣義猶不肯齊向燕况在位食祿者乎乃相聚如昔末諸公子立為襄王

左儒友於杜伯皆臣周宣王宣王將殺杜伯而非其



罪也左儒爭之于王九復之而王弗許也王曰別君而友斯汝也左儒對曰臣聞之君道友逆則順君以誅友友逆君逆則率友以違君王怒曰易而言則生不易而言則死左儒對曰臣聞古之士不在義以從死不易言以求生故臣能明君之過以死杜伯之無罪王殺杜伯左儒死之

昔穆公有臣曰朱厲附事穆公不見譏焉冬處於山林食糝粟夏處洲澤食淺藕穆公以難死朱厲附將往死之其友曰子事君而不見譏焉今君難吾子死之意者其不可乎朱厲附曰始我以爲君不吾知也

今君死而我不死是果不知我也吾將死之以激天下不知其臣者遂往死之

楚莊王獵於雲夢射料雉得之申公子倍攻而奪之王將殺之大夫諫曰子倍自好也爭王雉必有說王姑察之不出三月子倍病而死郢之戰楚大勝晉歸而賞功申公子倍之弟進請賞於王曰人之有功也車下王曰奚謂也對曰臣之兄讀故記曰射料雉者不出三月必死臣之兄爭而得之故天死也王命發平府而視之於記果有焉乃厚賞之

劉向說苑卷第四

貴德

聖人之於天下百姓也其猶赤子乎饑者則食之寒者則衣之將之養之育之長之唯恐其不至於大也詩曰蔽芾甘棠勿剪勿伐召伯所茇傳曰自陝以東者周公主之自陝以西者召公主之召公迷職當桑蠶之時不欲變民事故不入邑中舍於甘棠之下而聽斷焉陝間之人皆得其所是故後世思而歌詠之善之故言之言之不足故嗟嘆之嗟嘆之不足故詠歌之夫詩思然後積積然後滿滿然後發發由其道

TIFFEN Color Control Patches



劉向說苑卷第四

貴德

聖人之於天下百姓也其猶赤子乎饑者則食之寒者則衣之將之養之育之長之唯恐其不至於大也詩曰蔽芾甘棠勿剪勿伐召伯所茇傳曰自陝以東者周公主之自陝以西者召公主之召公迷職當桑蠶之時不欲變民事故不入邑中舍於甘棠之下而聽斷焉陝間之人皆得其所是故後世思而歌詠之善之故言之言之不足故嗟嘆之嗟嘆之不足故詠歌之夫詩思然後積積然後滿滿然後發發由其道

TIFFEN Color Control Patches



而致其位焉百姓嘆其美而致其敬甘棠之不伐也
政教惡乎不行孔子曰吾於甘棠見宗廟之敬也甚
尊其人必敬其位順安萬物古聖之道幾哉仁人之
德教也誠惻隱於中惻恤於內不能已於其心故其
治天下也如救溺人見天下強陵弱衆暴寡劫孤羸
露死傷係虜不忍其然是以孔子歷七十二君與道
之一行而得施其德使民生於全育悉庶安土萬物
熙熙各樂其終卒不遇故瞽瞍而泣哀道不行德澤
不洽於是現作春秋明素王之道以示後人思施其
惠未嘗輟忘是以百王尊之志士法焉論其文章傳

今不絕德及之也詩曰載馳載驅周爰咨謀此之謂
也聖王布德施惠非求報於百姓也郊望禘嘗非求
報於鬼神也山致其高雲雨起焉水致其深蛟龍生
焉君子致其道德而福祿歸焉夫有陰德者必有陽
報有隱行者必有昭名古者溝防不修水爲人害禹
鑿龍門開伊瀆平治水土使民得陸處百姓不親五
品不違契教以君臣之義父子之親夫婦之辨長幼
之序田野不修民食不足后稷教之闢地墾草糞土
樹穀令百姓家給人足故三后之後無不王者有陰
德也周室衰禮義廢孔子以三代之道教導於後世



繼嗣至今不絕者有隱行也周頌曰豐年多黍多稌亦有高廩萬億及秬爲酒爲醴烝畀祖妣以洽百禮降福孔偕禮記曰上牲損則用下牲下牲損則祭不備物以其舛之爲不樂也故聖人之於天下也譬猶一堂之上也今有滿堂飲酒者有一人獨索然向隅而泣則一堂之人皆不樂矣聖人之於天下也譬猶一堂之上也有一人不得其所者則孝子不敢以其物薦進

魏武侯浮西河而下中流顧謂吳起曰美哉乎河山之固也此魏國之寶也吳起對曰在德不在險昔三苗氏左洞庭右彭蠡德義不修而禹滅之夏桀之居左河濟右太華伊闕在其南羊腸在其北修政不仁湯放之殷紂之國左孟門而右太行常山在其北大河經其南修政不德武王伐之由此觀之在德不在險若君不修德船中之人盡敵國也武侯曰善

武王克殷召太公而問曰將柰其士衆何太公對曰臣聞愛其人者兼屋上之高憎其人者惡其餘胥咸劉厥敵使靡有餘何如王曰不可太公出邵公入王曰爲之柰何邵公對曰有罪者殺之無罪者活之何如王曰不可邵公出周公入王曰爲之柰何周公曰

使各居其宅田其田無變舊新唯仁是親百姓有過
在予一人武王曰廣大乎平天下矣凡所以貴士君
子者以其仁而有德也

孔子曰里仁爲美擇不處仁焉得智夫仁者必怒然
後行行一不義殺一無罪雖以得高官大位仁者不
爲也夫大仁者愛近以及遠及其有所不措則虧小
仁以就大仁大仁者恩及四海小仁者止於妻子妻
子者以其知營利以婦人之恩撫之飾其內情雖盡
其偽孰知其非其雖當時蒙榮然士君子以爲大辱
故其工籟堯符里齋析其智非無所識也然而爲聖

王所誅者以無德而尚利也豎刁易牙毀體殺子以
干利卒爲賊於齊故人臣不仁篡弒之亂生人臣而
仁國治主榮明主察焉宗廟大寧夫人臣猶貴仁况
於人主乎故桀紂以不仁失天下湯武以積德有海
上是以聖王貴德而務行之孟子曰推恩足以及四
海不推恩不足以保妻子古人所以大過人者無他
焉善推其所爲而已

晏子飲景公酒令器必新家老曰財不足請斂於民
晏子曰止夫樂者上下同之故天子與天下諸侯與
境內自大夫以下各與其僚無有獨樂今上樂其樂

下傷其背是獨樂者也不可

齊桓公比伐山戎氏其道過燕君逆而出境桓公問管仲曰諸侯相逆固出境乎管仲曰非天子不出境桓公曰然則燕君畏而失禮也寡人之道而使燕君失禮乃割燕君所至之地以與燕君諸侯聞之皆朝於齊詩云靖恭爾位好是正直神之聽之介爾景福此之謂也

景公探爵傲穀弱故反之晏子聞之不待請而入是景公汗出惕然晏子曰君胡爲者也景公曰我探爵傲穀弱故反之晏子逡巡比面再拜而賀曰吾君有正始受之統濫煩文除民疾存亡繼絕以應天德天下幸甚臣聞往者泰有十失其一尚存治獄吏是也昔秦之時滅文學好武勇賤仁義之士貴治獄之吏正言謂之誹謗誦過謂之妖言故盛服先王不用於世忠良切言皆鬱於胸譽諛之聲日滿於耳虛美蕪心實禍蔽塞此乃秦之所以亡天下也方今海內賴陛下厚恩無金革之危饑寒之患父子夫婦戮力安家天下幸甚然太平之未洽者獄亂之也夫獄天下之命死者不可生斷者不可屬書曰與其殺不辜寧失不經今治獄吏則不然上下相驅以刻爲明深者

獲公名平者多後患故治獄吏皆欲入死非憎人也
自安之道在人之死是以死人之血流離於市被刑
之徒比肩而立大辟之計歲以萬數此聖人所以傷
太平之未洽凡以是也人情安則樂生痛則思死捶
楚之下何求而不得故囚人不勝痛刑飾誣詞以示
之吏治者利其然則指道以明之上奏恐却則鍛煉
而屬內之蓋奏當之成雖卑陶聽之猶以爲死有餘
罪何則成練之者衆而文致之罪明也是以獄吏專
爲深刻殘賊而無理偷爲一切不顧國患此世之大
賊也故俗語云蓋地作獄議不可入刻木爲吏期不

可對此皆疾吏之風悲痛之階也故天下之患莫深
於獄敗法亂政離親塞道莫甚乎治獄之吏此臣所
謂一尚存也臣聞鳥鵲之卵不毀而後鳳凰集誹謗
之罪不誅而後良言進故傳曰山藪蕪疾川澤納污
國君舍垢天之道也臣昧死上聞願陛下察誹謗聽
切言開天下之口廣箴諫之路改亡秦之一失遵文
武之嘉德省法制寬刑罰以廢煩獄則太平之風可
興於世福履和樂與天地無極天下幸甚書奏皇帝
善之後卒於臨淮太守

晉平公春築臺叔向曰不可古者聖王貴德而務施



緩刑辟而趨民時今春築臺是春民時也夫德不施則民不歸刑不緩則百姓愁使不歸之民役愁怨之百姓而又奪其時是重竭也夫牧百姓養育之而重竭之豈所以定命安存而稱爲人君於後世哉平公曰善乃罷臺矣

趙簡子春築臺於邯鄲天雨而不息謂左右曰可無趨種乎尹鐸對曰公事急厝種而蠶之臺夫雖欲趨種不能得也簡子惕然乃釋臺罷役曰我以臺爲急不如民之急也民以不爲臺故知吾之愛也

中行獻子將伐鄆范文子曰不可得志於鄆諸侯皆

我憂必懼長郤至又曰得鄆是兼國也兼國則王者固多憂乎文子曰王者感其德而遠人歸故無憂今我寡德而有王者之功故多憂今子見無土而欲富者樂乎哉

季康子謂子游曰仁者愛人乎子游曰然人亦愛之乎子游曰然康子曰鄆子產死鄆人丈夫捨玃珮婦人舍珠珥夫婦巷哭三月不聞竿瑟之聲仲尼之死吾不聞魯國之愛夫子奚也子游曰譬子產之與夫子其猶浸水之與天雨乎浸水所及則生不及則死斯民之生也必以時雨旣以生莫愛其賜故曰譬子

產之與夫子也猶浸水之與天雨乎

中行穆子圍鼓鼓人有以城反者不許軍吏曰師徒不勤可得城奚故不受曰有以吾城反者吾所甚惡也人以城來我獨奚好焉賞所甚惡是失賞也若所好何若不賞是失信也奚以示民鼓人又請降使人視之其民尚有食也不聽鼓人告食盡力竭而後取之克鼓而反不戮一人

孔子之楚有漁者獻魚甚強孔子不受獻魚者曰天暑遠市賣之不售思欲垂之不若獻之君子孔子再拜受使弟子掃除將祭之弟子曰夫人將棄之今吾

子將祭之何也孔子曰吾聞之務施而不腐餘財者聖人也今受聖人之賜可無祭乎

鄭伐宋宋人將與戰華元殺羊食士其御羊斟不與焉及戰曰疇昔之羊羹子為政今日之事我為政與華元馳入鄭師宋人敗績

楚王問莊辛曰君子之行奈何莊辛對曰居不為垣墻人莫能毀傷行不從周衛人莫能暴害此君子之行也楚王復問君子之富奈何對曰君子之富假貸人不德也不責也其食飲人不使也不役也親戚愛之衆人喜之不肖者事之皆欲其壽樂而不傷於患

此君子之富也楚王曰善

丞相西平侯于定國者東海下邳人也其父號曰于公爲縣獄吏決曹掾決獄平法未嘗有所寃郡中離立祠命曰于公祠東海有孝婦無子少寡養其姑甚謹其姑欲嫁之終不肯其姑告隣之人曰孝婦養我甚謹我哀其無子守寡日久我老累丁壯奈何其後母自經死母女告吏曰孝婦殺我母吏捕孝婦孝婦辭不殺姑吏欲毒治孝婦自誣服具獄以上府于公以爲養姑十年以孝聞此不殺姑也太守不聽數爭

不能得於是于公辭疾去吏太守竟殺孝婦郡中枯旱三年後太守至卜求其故于公曰孝婦不當死前太守強殺之咎當在此於是殺牛祭孝婦冢太守以下自至焉天立大雨歲豐熟郡中以此益敬重于于公築治廬舍謂匠人曰爲我高門我治獄未嘗有所寃我後世必有封者令容高蓋駟馬車及子封爲西平侯

凡人之性莫不欲善其德然而不能爲善德者利敗之也故君子羞言利名言利名尚羞之况居而求利者也



周天子使宓父毛伯求金於諸侯春秋譏之故天子
好利則諸侯貪諸侯貪則大夫鄙大夫鄙則庶人盜
上之變下猶風之靡草也故爲人君者明貴德而賤
利以道下下之爲惡尚不可止今隱公貪利而身自
漁濟上而行入僧以此化於國人國人安得不解於
義解於義而縱其欲則災害起而臣下僻矣故其元
年始書顛言災將起國家將亂云爾

孫卿曰夫聞者忘其身者也忘其親者也忘其君者
也行須臾之怒而圖終身之禍然乃爲之是忘其身
也家室離散親戚被戮然乃爲之是忘其親也君上

之所致惡刑法之所大禁也然乃犯之是忘其君也
今禽獸猶知近父母不忘其親也人而忘其身內忘
其親上忘其君是不若禽獸之仁也凡聞者皆自以
爲是而以他人爲非已誠是也人誠非也則是已君
子而彼小人也夫以君子而與小人相賊害是人之
所謂以狐白補犬羊身塗其炭豈不過甚矣哉以爲
智乎則愚莫大焉以爲利乎則害莫大焉以爲榮乎
則辱莫大焉人之有聞何哉比之狂惑疾病乎則不
面目人也而好惡多同人之聞誠愚惑失道者也
詩云式號式呼俾晝作夜言闐行也

子路持劍孔子問曰由安用此乎子路曰善古者固
善之不善古者固以自衛孔子曰君子以忠爲質
以仁爲衛不出環堵之內而聞千里之外不善以忠
化寇暴以仁圍何必持劍乎子路曰由也請攝齊以
事先生矣

樂羊爲魏將以攻中山其子在中山中山隱其子示
樂羊樂羊不爲衰志攻之愈急中山因烹其子而遺
之樂羊食之盡一杯中山見其誠也不忍與其戰果
下之遂爲魏文侯開地文侯賞其功而疑其心孟孫
儀得齊使秦西巴持歸其母隨而鳴秦西巴不忍縱
而與之孟孫怒而逐秦西巴居一年召以爲太子傅
左右曰夫秦西巴有罪於君今以爲太子傅何也孟
孫曰夫以一麀而不忍又將能忍吾子乎故曰巧詐
不如拙誠樂羊以有功而見疑秦西巴以有罪而益
信由仁與不仁也

智伯遜自衛三卿燕于藍臺智襄子戲韓康子而侮
段規智果聞之諫曰主弗備難難必至曰難將由我
我不爲難誰敢與之對曰異於是夫卻氏有車轅之
難趙有孟姬之讒樂有叔祁之訴范中行有函冶之
難皆主之所知也夏書有之曰一人三失怨豈在明



不見是圖周書有之曰怨不在大亦不在小夫君子能動小物故無大患今主一謀而媿人君相又弗備曰不敢與難毋乃不可乎噫不可不懼蚋蟻蜂蕪皆能害人况君相乎不聽自是五年而有晉陽之難段規反而殺智伯于師遂滅智氏

智襄子爲室美士蒞夕焉伯曰室美矣夫對曰美則美矣抑臣亦有懼也智伯曰何懼對曰臣以秉筆奉君記有之曰高山浚源不生草木松柏之地其上不肥今土木勝人臣懼其不安人也室成三年而智氏亡


劉向說苑卷第五



劉向說苑卷第六

復恩


孔子曰德不孤必有鄰夫施德者貴不德受恩者尚
必報是故臣勞勩以爲君而不求其賞君持施以牧
下而無所德故易曰勞而不怨有功而不德厚之至
也君臣相與以市道接君懸祿以待之臣竭力以報
之逮臣有不測之功則主加以重賞如主有超異
之恩則臣必死以復之孔子曰北方有獸其名曰螿
前足鼠後足兔是獸也甚矣其愛蛋蛋巨虛也食得
甘草必齧以遺蛋蛋巨虛蛋蛋巨虛見人將來必負



劉向說苑卷第六

復恩

孔子曰德不孤必有鄰夫施德者貴不德受恩者尚
必報是故臣勞勩以爲君而不求其賞君持施以牧
下而無所德故易曰勞而不怨有功而不德厚之至
也君臣相與以市道接君懸祿以待之臣竭力以報
之逮臣有不測之功則主加之以重賞如主有超異
之恩則臣必死以復之孔子曰北方有獸其名曰螿
前足鼠後足兔是獸也甚矣其愛蛋蛋巨虛也食得
甘草必齧以遺蛋蛋巨虛蛋蛋巨虛見人將來必負



曆以走麋非性之愛豈啻巨虛也爲其假足之故也
二獸者亦非性之愛麋也爲其得甘草而遺之故也
夫禽獸昆蟲猶知比假而相有報也況於士君子之
欲興名利於天下者乎夫臣不復君之恩而苟營其
私門禍之原也君不能報臣之功而憚刑賞者亦亂
之基也夫禍亂之原基由不報恩生矣

趙襄子見圍於晉陽罷圍賞有功之臣五人高赫無
功而受上賞五人皆怒張孟談謂襄子曰晉陽之中
赫無大功今與之上賞何也襄子曰吾在拘厄之中
不失臣主之禮唯赫也子雖有功皆驕寡人與赫上

賞不亦可乎仲尼聞之曰趙襄子可謂善賞士乎賞
一人而天下之人臣莫敢失君臣之禮矣

晉文公亡時陶叔狐從文公反國行三賞而不及陶
叔狐陶叔狐見咎犯曰吾從君而亡十有三年顏色
黎黑手足胼胝今君反國行三賞而不及我也意者
君忘我與我有大故與子試爲我言之君咎犯言之
文公文公曰嗟我豈忘是子哉夫高明至賢德行全
誠耽我以道說我以仁暴浣我行昭明我名使我爲
成人者吾以爲上賞防我以禮諫我以誼蕃援我使
我不得爲非數引我而請於賢人之門吾以爲次賞

夫勇壯強禦難在前則居前難在後則居後免我於患難之中者晉文以爲之次且子獨不聞乎死人者不如存人之身亡人者不如存人之國三行賞之後而勞苦之士次之夫勞苦之士是子固爲首矣豈敢忘子哉周內史叔與闕之曰文公其霸乎昔聖王先德而後力文公其當之矣詩云率禮不越此之謂也晉文公入國至於河令棄籩豆茵席顏色黎黑手足胼胝者在後咎犯聞之中夜而哭文公曰吾亡也十有九年矣今將反國夫子不喜而哭何也其不欲吾反國乎對曰籩豆茵席所以官者也而棄之顏色黎

黑手足胼胝所以執勞苦而皆後之臣聞國君蔽士無所取忠臣大夫蔽避無所取忠友今至於國臣在所蔽之中矣不勝其哀故哭也文公曰禍福利害不與咎氏同之者有如白水祝之乃洗璧而盟介子推曰獻公之子九人唯君在耳天未絕晉必將有主主晉祀者非君而何唯二三子者以爲己力不亦誣乎文公卽位賞不及推推母曰盍亦求之推曰尤而效之罪又甚焉且出怨言不食其食其母曰亦使知之推曰言身之文也身將隱安用文其母曰能如是與若俱隱至死不復見推從者憐之乃懸書宮門曰有

龍矯矯頃失其所五蛇從之周徧天下龍餓無食一蛇割股龍反其淵安其壤土四蛇入穴皆有處所一蛇無穴號於中野文公出見書曰嗟此介子推也吾方憂王室未圖其功使人召之則亡遂求其所在聞其入綿上山中於是文公表綿上山中而封之以爲介推田號曰介山

晉文公出亡周流天下舟之僑去虞而從焉文公反國擇可爵而爵之擇可祿而祿之舟之僑獨不與焉文公酌諸大夫酒酒酣文公曰二三子盍爲寡人賦乎舟之僑進曰君子爲賦小人請陳其辭辭曰有龍

矯矯頃失其所一蛇從之周流天下龍反其淵安寧其處一蛇者就獨不得其所文公罷然曰子欲爵耶請待旦日之期子欲祿耶請今命廩人舟之僑曰請而得其賞庶者不受也言盡而名至仁者不爲也今天油然作雲沛然下雨則苗草興起莫之能禦今爲一人言施一人猶爲一塊上下雨也土亦不生之矣遂歷階而去文公求之不得終身誦甫田之詩

祁吉有陰德於孝宣皇帝徵時孝宣皇帝卽位衆莫知吉亦不言吉從大將軍長史轉遷至御史大夫宣帝聞之將封之會吉病甚將使人加紳而封之及其



生也太子太傅夏侯勝曰此未死也臣聞之有陰德者必饗其樂以及其子孫今此未獲其樂而病其非其死病也後病果愈封爲博陽侯終饗其樂

魏文侯攻中山樂羊將已得中山還反報文侯有喜功之色文侯命主書曰群臣賓客所獻書操以進主將軍還走北面而再拜曰中山之舉也非臣之力君之功也

平原君既歸趙楚使春申君將兵救趙魏信陵君亦矯奪晉鄙軍往救趙未至秦急圍邯鄲邯鄲急且降

平原君患之邯鄲傳舍吏子李談謂平原君曰君不憂趙亡乎平原君曰趙亡卽勝虜何爲不憂李談曰邯鄲之民炊骨易子而食之可謂至困而君之後宮百數婦妾荷綺縠厨餘粱肉士民兵盡或剗木爲矛戟而君之器物鐘磬自恣若使秦破趙君安得有此使趙而全君何患無有君誠能令夫人以下編於士卒間分功而作之家所有盡散以饗食士方其危苦時易爲惠耳於是平原君如其計而勇敢之士三千人皆出死因從李談赴秦軍秦軍爲却三十里亦會楚魏救至秦軍遂罷去談死封其父爲孝侯

秦繆公嘗出而亡其駿馬自往求之見人已殺其馬
方共食其肉繆公謂曰是吾駿馬也諸人皆懼而起
繆公曰吾聞食駿馬肉不飲酒者殺人即以次飲之
酒殺馬者皆慙而去居三年晉攻秦繆公聞之往時
食馬肉者相謂曰可以出死報食馬得酒之恩矣遂
潰圍繆公卒得以解難勝晉獲惠公以歸此德出而
福反也

智伯與趙襄子戰於晉陽下而死智伯之臣豫讓者
怒以其精氣能使襄主動心乃漆身變形吞炭更聲
襄主將出豫讓偽爲死人處於梁下駟馬驚不進襄
主動心使使視梁下得豫讓襄主重其義不殺也又
嘗爲抵罪被刑人赭衣入繕宮襄主動心則曰必豫
讓也襄主執而問之曰子始事中行君智伯殺中行
君子不能死還反事之今吾殺智伯乃漆身爲厲吞
炭爲啞欲殺寡人何與先行異也豫讓曰中行君衆
人畜臣臣亦衆人事之智伯朝士待臣臣亦朝士爲
之用襄子曰非義也子壯士也乃自置車庫中水漿
毋入口者三日以禮豫讓讓自知遂自殺也

晉遂樂盈之族命其家臣有敢從者死其臣曰辛俞
從之吏得而將殺之君曰命汝無得從敢從何也辛



俞對曰臣聞三世仕於家者君之二世者主之事君以死事主以勤爲其賜之多也今臣三世於樂氏受其賜多矣臣敢畏死而忘三世之恩哉晉君釋之

留侯張良之大父開地相韓昭侯宣惠王襄哀王父平相釐王悼惠王悼惠王二十三年平卒二十歲秦滅韓良年少未官事韓韓破良家童三百人弟死不葬良悉以家財求刺客刺秦王爲韓報讐以大父父五世相韓故遂學禮淮陽東見滄海君得力士爲鐵椎重百二十斤秦皇帝東遊良與客狙擊秦皇帝於博浪沙誤中副車秦皇帝大怒大索天下求購甚急

良更易姓名深亡匿後卒隨漢報秦

鮑叔死管仲舉上枉而哭之泣下如雨從者曰非君父子也此亦有說乎管仲曰非夫子所知也吾嘗與鮑子負販於南陽吾三辱於市鮑子不以我爲怯知我之欲有所明也鮑子嘗與我有所說王者而三不見聽鮑子不以我爲不肖知我之不遇明君也鮑子嘗與我賙財分貨吾自取多者三鮑子不以我爲貪知我之不足於財也生我者父母知我者鮑子也士爲知己者死而况爲之哀乎

晉趙盾舉韓厥晉君以爲中軍尉趙盾死子朔嗣爲



卿至景公三年趙朔爲晉將朔取成公姊爲夫人大
夫屠岸賈欲誅趙氏初趙盾在時夢見叔帶持龜要
而哭甚悲已而哭拊手且歌盾卜之占兆絕而後好
趙史援占曰此甚惡非君之身及君之子然亦君之
咎也至于趙朔世益衰屠岸賈者始有寵於靈公及
至於晉景公而賈爲司寇將作難乃治靈公之賊以
致趙盾徧害諸將曰趙穿弑靈公盾雖不知徧爲首
賊臣殺君子孫在朝何以懲罪請誅之韓厥曰靈公
過賊趙盾在外吾先君以爲無罪故不誅今諸君將
誅其後是非先君之意而後妄誅妄誅謂之亂臣有

大事而君不聞是無君也屠岸賈不聽厥告趙朔趨
亡趙不肯曰子必不絕趙祀朔死且不恨韓厥許

諾稱疾不請而擅與諸將攻趙氏於下宮殺

趙朔趙括趙嬰

其朔妻成公姊有遺腹走


公宮匿後生男乳朔

嬰持亡匿山中居十五年

晉景公疾卜之曰大業之後不達者爲祟景公疾問

韓厥韓厥知趙孤在乃曰大業之後在晉絕祀者其

趙氏乎夫自中衍皆嬴姓也中衍人而鳥喙降佐殷
帝大戊及周天子皆有明德下及幽厲無道而叔帶
去周適晉事先君文侯至於成公世有立功未嘗有



絕祀今及吾君獨滅之趙宗國人哀之故見龜策唯
君圖之景公問云趙高有後子孫乎韓厥具以實對
於是景公乃與韓厥謀立趙孤兒召而匿之宮中諸
將入問疾景公因韓厥之業以脅諸將而見趙孤孤
名曰武諸將不得已乃曰昔下宮之難屠岸賈爲之
燔以君令并命群臣非然孰敢作難微君之疾群臣
固且請立趙後今君有令群臣之願也於是召趙武
程嬰攜拜諸將軍將軍遂返與程嬰趙武攻屠岸賈
滅其族復與趙武田也如故故人安可以無恩夫有
恩於此攻復於彼非程嬰則趙孤不全非韓厥則趙
穆不復韓厥可謂不忘恩矣

北郭騷踵見晏子曰竊悅先生之義願乞所以養母
者晏子使人分倉粟府金而遺之辭金而受粟有間
晏子見疑於景公出奔北郭子召其友而告之曰吾
悅晏子之義而嘗乞所以養母者吾聞之曰養及親
者身更其難今晏子見疑吾將以身白之遂造公庭
求復者曰晏子天下之賢者也今去齊國齊國必侵
矣方必見國之侵也不若先死請絕頸以白晏子遂
趨而逃因自殺也公聞之大駭乘馳而自追晏子及
之國郊請而反之晏子不得已而反之聞北郭子之

以死白已也太息而歎曰嬰不肖罪過固其所也而士以身明之哀哉

吳赤市使於智氏假道於衛竈文子具紆綈三百製將以送之大夫豹曰吳雖大國也不壞交假之道則亦敬矣又何禮焉竈文子不聽遂致之吳赤市至於智氏既得事將歸吳知伯命造舟爲梁吳赤市曰吾聞之天子濟於水造舟爲梁諸侯維舟爲梁大夫方舟方舟臣之職也且教太甚必有故使人視之視則用兵在後矣將以襲衛吳赤市曰衛假吾道而厚贈我我見難而不告是與爲謀也稱疾而留使人告衛

衛人警戒知伯聞之乃止

楚魏會於晉陽將以伐齊齊王患之使人召淳于髡曰楚魏謀欲伐齊願先生與寡人共憂之淳于髡大笑而不應王復問之又復大笑而不應三問而不應王怫然作色曰先生以寡人國爲戲乎淳于髡對曰臣不敢以王國爲戲也臣笑臣隣之祠田也以奮飯與一鮒魚其祝曰下田洿耶得穀百車蟹螺者宜禾臣笑其所以祠者少而所求者多王曰善賜之千金革車百乘立爲上卿

東閭子嘗富貴而後乞人問之曰公何爲如是曰吾



自知吾嘗相六七年未嘗薦一人也吾嘗富三千萬者再未嘗富一人也不知士出身之咎然也孔子曰物之難矣小大多少各有怨惡數之理也人而得之在於外假之也

齊懿公之爲公子也與邴歃之父爭田不勝及卽位乃搆而刑之而使歌爲僕奪庸織之妻而使織爲參乘公游於申池二人浴於池歃以鞭扶織織怒歃曰人奪女妻而不敢怒一扶女庸何傷織曰孰與別其父而不痛奚若乃謀殺公納之竹中

楚人獻鼈於鄧靈公公子家見公子宋之食指動謂

子家曰我如是必嘗異味及食大夫鼈召公子宋而不與公子宋怒藥指於鼎嘗之而出公怒欲殺之公子宋與公子家謀先逐弒靈公子夏曰春秋者記君不君臣不臣父不父子不子者也此非一日之事也有漸以一焉




國立中央圖書館 臺南 分館





2025.02.08 NATIONAL CENTRAL LIBRARY, TAIWAN, R.O.C.







2025.08.28 NATIONAL CENTRAL LIBRARY, TAIWAN, R.O.C



2025.02.05 NATIONAL CENTRAL LIBRARY, TAIWAN R.O.C



1875 31828, NATIONAL CENTRAL LIBRARY, TAIPEI, R.O.C.





202501 NATIONAL CENTRAL LIBRARY, TAINAN, R.O.C.

30.12.17.43



劉向龍苑卷第七

政理

政有三品王者之政化之霸者之政威之強者之政
帶之夫此三者各有所施而化之爲貴矣夫化之不
變而後刑之夫至於刑者則非王者之所得已也是
以聖王先德教而後刑罰立榮耻而明防禁崇禮義
之節以示之賤貨利之弊以變之修近理內政極
之禮壹妃匹之際則莫不慕義理之榮而惡貪亂之
耻其所由致之者化使然也

季孫問於孔子曰如殺無道以就有道何如孔子曰



子爲政焉用殺子欲善而民善矣君子之德風也小人之德草也草上之風必偃言明其化而已也治國有二機刑德是也王者尚其德而希其刑霸者刑德並濟強國先其刑而後德夫刑德者化之所由興也德者養善而進關者也刑者懲惡而禁後者也故德化之崇者至於賞刑罰之甚者至於誅夫誅賞者所以別賢不肖而列有功與無功也故誅賞不可以異誅賞懸則善惡亂矣夫有功而不賞則善不勸有過而不誅則惡不懼善不勸而能以行化乎天下者未嘗聞也書曰罪力賞罰此之謂也

水濁則魚困令苛則民亂城峭則必崩岸疎則必隳故夫治國譬若張琴大絃急則小絃絕矣故曰急譬銜者非千里御也有聲之聲不過百里無聲之聲延及四海故祿過其功者損名過其實者削情行合而民副之禍福不虛至矣詩云何其處也必有與也何其久也必有以也此之謂也

公叔文子爲楚令尹三年民無敢入朝公叔子見曰嚴矣文子曰朝廷之嚴也寧云妨國家之治哉公叔子曰嚴則下暗下暗則上讒讒暗不能相通何國之治也蓋聞之也順針縵者成帷幕合升斗者實倉廩



并小流而成江海明主者有所受命而不行未嘗有所不受也

衛靈公謂孔子曰有語寡人爲國家者謹之於廟堂之上而國家治矣其可乎孔子曰可愛人者則人愛之惡人者則人惡之知得之己者亦知得之人所謂不出於環堵之室而知天下者知反之己者也

子貢問治民於孔子孔子曰懔懔焉如以腐索御奔馬子貢曰何其畏也孔子曰夫通達之國皆人也以道導之則吾言也不以道導之則吾讐也若何而毋畏

齊桓公謂管仲曰吾欲舉事於國昭然如日月無惡夫愚婦皆曰善可乎仲曰可然非聖人之道桓公曰何也對曰夫短絆不可以汲深井知鮮不可以與聖人之言慧士可與辯物智士可與辯無方聖人可與辯神明夫聖人之所以爲非衆人之所及也民知十已則尚與之爭曰不如吾也百已則喪其過千已則誰而不信是故民不可稍而掌也可井而牧也不可暴而殺也可麾而致也衆不可戶說也可舉而示也衛靈公問於史鯨曰政孰爲務對曰大理爲務聽獄不中死者不可生也斷者不可屬也故曰大理爲務



少焉子路見公公以史鮪言告之子路曰司馬爲務
兩國有難兩軍相當司馬執枹以行之一闕不當死
者數萬以殺人爲非也此其爲殺人亦衆矣故曰司
馬爲務少焉子貢入見公以二子言告之子貢曰不
識哉昔禹與有扈氏戰三陳而不服禹於是脩教一
年而有扈氏請服故曰去民之所事奚獄之所聽兵
革之不陳奚鼓之所鳴故曰教爲務也

齊桓公出獵逐鹿而走入山谷之中見一老公而問
之曰是爲何答對曰爲愚公之谷桓公曰何故對曰
以臣名之桓公曰今視公之儀狀非愚人也何爲以
公名對曰臣請陳之臣故畜犇牛生子而大賣之而
買駒少年曰牛不能生馬遂持駒去傍隣聞之以臣
爲愚故名此谷爲愚公之谷桓公曰公誠愚矣夫何
爲而與之桓公遂歸明日朝以告管仲管仲正衿再
拜曰此夷吾之愚也使堯在上咎繇爲理安有取人
之駒者乎若有見暴如是吏者又必不與也公知獄
訟之不正故與之耳請退而修政孔子曰弟子記之
桓公霸君也管仲賢佐也猶有以智爲愚者也况不
及桓公管仲者也

魯有父子訟者康子曰殺之孔子曰未可殺也夫民



不知子父訟之不善者久矣是則上過也上有道是人亡矣康子曰夫治民以孝爲本今殺一人以戮不孝不亦可乎孔子曰不孝而誅之是虐殺不辜也三軍大敗不可誅也獄訟不治不可刑也上陳之教而先服之則百姓從風矣躬行不從而後侯之以刑則民知罪矣夫一仞之墻民不能踰百仞之山童子升而遊焉陵遲故也今是仁善之陵遲久矣能謂民弗踰乎詩曰俾民不迷昔者君子導其百姓不使迷是以威厲而不至刑錯而不用也於是訟者闕之乃請無訟

魯哀公問政於孔子對曰政有使民富且壽哀公曰何謂也孔子曰薄賦歛則民富無事則遠罪遠罪則民壽公曰若是則寡人貧矣孔子曰詩云愷悌君子民之父母未見其子富而父母貧者也

文王問於呂望曰爲天下若何對曰王國富民霸國富士僅存之國富大夫亡道之國富倉府是謂上溢而下泄又王曰善對曰宿善不祥是日也發其倉府以賑鰥寡孤獨

武王問於太公曰治國之道若何太公對曰治國之道愛民而已曰愛民若何曰利之而勿害成之勿欺

生之勿殺與之勿奪樂之勿苦喜之勿怒此治國之道使民之誼也愛之而已矣民失其所務則害之也農失其時則敗之也有罪者重其罰則殺之也重賊斂者則奪之也多徭役以罷民力則苦之也勞而擾之則怒之也故善爲國者遇民如父母之愛子兄之愛弟聞其饑寒爲之哀見其勞苦爲之悲

武王問於太公曰賢君治國何如對曰賢君之治國其政平其吏不苛其賦斂節其自奉薄不以私善害公法賞賜不加於無功刑罰不施於無罪不因喜以賞不因怒以誅害民者有罪進賢舉過者有賞後宮不荒女謁不聽上無姦惡下不陸害不幸官室以費財不多觀游臺池以罷民不雕文刻鏤以逞耳目官無腐蠹之蔽國無流餓之民此賢君之治國也武王曰善哉

武王問於太公曰爲國而數更法令者何也太公曰爲國而數更法令者不法法以其所善爲法者也故令出而亂亂則更爲法是以其法令數更也

成王問政於尹逸曰吾何德之行而民親其上對曰使之以時而敬順之忠而愛之布令信而不食言王曰其度安至對曰如臨深淵如履薄冰王曰懼哉對



曰天地之間四海之內善之則畜也不善則讐也夏
殷之臣反讐梁紂而臣湯武風沙之民自攻其主而
歸神農氏此君之所明知也若何其無懼也

仲尼見梁君梁君問仲尼曰吾欲長有國吾欲列都
之得吾欲使民安不惑吾欲使士竭其力吾欲使日
月當時吾欲使聖人自來吾欲使官府治為之奈何
仲尼對曰千乘之君萬乘之主問於丘者多矣不嘗
有如主君問丘之術也然而盡可得也丘聞兩君
相親則長有國君惠臣忠則列都之得毋疑母
釋罪人則民不惑益士祿賞則竭其力尊天敬鬼則

日月當時善為刑罰則聖人自來尚賢使能則官府
治梁君曰豈有不然哉

子貢曰葉公問政於夫子夫子曰政在附近而來遠
魯哀公問政於夫子夫子曰政在於論臣齊景公問
政於夫子夫子曰政在於節用三君問政於夫子夫
子應之不同然則政有異乎孔子曰夫荆之地廣而
都狹民有離志焉故曰在於附近而來遠哀公有臣
三人內比周以惑其君外郵距諸侯賓客以蔽其明
故曰政在論臣齊景公奢於臺榭淫於苑囿五官之
樂不解一旦而賜人百乘之家者三故曰政在於節



用此三者政也詩不云乎亂離斯瘼爰其適歸此傷
離散以爲亂者也匪其止共惟王之叩此傷姦臣蔽
主以爲亂者也相亂蔑資曾莫應我師此傷奢侈不
節以爲亂者也察此三者之所欲政其同乎哉

公儀休相魯魯君死左右請閉門公儀休曰止池淵
吾不稅蒙山吾不賦苛令吾不布吾已閉心矣何閉
於門哉

子產相鄭簡公謂子產曰內政毋出外政毋入夫衣
囊之不美車馬之不飭子女之不潔寡人之醜也國
家之不治封疆之不正天子之醜也子產相鄭終簡

公之身內無國中之亂外無諸侯之患也

子產之從政也擇能而使之馮簡子善斷事子太叔
善決而文公孫揮知四國之爲而辨於其大夫之族
姓變而立至又善爲辭令裨謀善謀於野則獲於邑
則否有事乃載裨謀與之適野使謀可否而告馮簡
子斷之使公孫揮爲之辭令成乃受子太叔行之以
應對賓客是以鮮有敗事也

董安于治晉陽問政於塞老塞老曰曰忠曰信曰敢
董安子曰安忠乎曰忠於主曰安信乎曰信於令曰
安敢乎曰敢於不善人董安于曰此三者足矣



魏文侯使西門豹往治於鄆告之曰必全功成名布
義豹曰敢問全功成名布義爲之奈何文侯曰子往
矣是無邑不有賢豪辯博者也無邑不有好揚人之
惡蔽人之善者也往必問豪賢者因而親之其辯博
者因而師之問其好揚人之惡蔽人之善者因而察
之不可以特聞從事夫耳聞之不如目見之目見之
不如足踐之足踐之不如手辨之人始入官如入晦
室久而愈明明乃治治乃行

宓子賤治單父彈鳴琴身不下堂而單父治巫馬期
亦治單父以星出以星入日夜不處以身親之而單
父亦治巫馬期問其故於宓子賤宓子賤曰我之謂
任人子之謂任力任力者固勞任人者固佚人曰宓
子賤則君子矣佚四肢全耳目平心氣而百官治任
其數而已矣巫馬期則不然斲性事情勞煩教詔雖
治猶未至也

孔子謂宓子賤曰子治單父而衆說語丘所以爲之
者曰不齊父其父子其子恤諸孤而哀喪紀孔子曰
善小節也小民附矣猶未足也曰不齊也所父事者
三人所兄事者五人所友者十一人孔子曰父事三
人可以教孝矣兄事五人可以教弟矣友十一人可

以教學矣中節也中民附矣猶未足也曰此地民有賢於不齊者五人不齊事之皆教不齊所以治之術孔子曰欲其大者乃於此在矣昔者堯舜清徵其身以聽觀天下務求賢人夫舉賢者百福之宗也而神明之主也不齊之所治者小也不齊所治者大其與堯舜繼矣

宓子賤為單父宰辭於夫子夫子曰毋迎而距也毋望而許也許之則失守距之則蔽塞譬如高山深淵仰之不可極度之不可測也子賤曰善敢不承命乎宓子賤為單父宰過於陽晝曰子亦有以送僕乎陽晝曰吾少也賤不知治民之術有釣道二焉請以送子子賤曰釣道奈何陽晝曰夫叔輪錯餌迎而吸之者陽橋也其為魚薄而不美若存若亡若食其不食者魴也其為魚也博而厚味宓子賤曰善於是木至單父冠蓋迎之者交接於道子賤曰車驅之車驅之夫陽晝之所謂陽橋者至矣於是至單父請其耆老尊賢者而與之共治單父

孔子弟子有孔蔑者與宓子賤皆仕孔子往過孔蔑問之曰自子之仕者何得何亡孔蔑曰吾自仕者未有所得而有所亡者三曰王事若繁學焉得習以是



學不得明也所亡者一也奉祿少繫繫不足及親戚
親戚益疏矣所亡者二也公事多急不得弔死視病
是以朋友益疏矣所亡者三也孔子不說而復往見
子賤曰自子之仕何得何言子賤曰自吾之仕未有
所亡而所得者三始謂之文今變而行之是學日益
明也所得者一也奉祿雖少習焉得及親戚是以親
戚益親也所得者二也公事雖急夜勤弔死視病是
以朋友益親也所得者三也孔子謂子賤曰君子哉
若人君子哉若人魯無君子者斯焉取斯

晏子治東阿三年景公召而歎之曰吾以子爲可而

使子治東阿今子治而亂子退而自察也寡人將加大
誅於子晏子對曰臣請改道易行而治東阿三年
不治臣請死之景公許之於是明年上計景公迎而
賀之曰甚善矣子之治東阿也晏子對曰前臣之治
東阿也屬託不行貨賂不至陂池之魚以利貧民當
此之時民無饑者而君反以罪臣今臣之後治東阿
也屬託行貨賂至并會賦歛倉庫少內便事左右陂
池之魚入於權家當此之時饑者過半矣君乃反迎
而賀臣愚不能復治東阿願乞骸骨避賢者之路再
拜便辟景公乃下席而謝之曰子強復治東阿東阿

者子之東阿也寡人無復與焉

子路治蒲見於孔子曰由願受教孔子曰蒲多壯士又難治也然吾語汝恭以敬可以攝勇寬以正可以容衆恭以潔可以親上

子貢爲信陽令辭孔子而行孔子曰力之順之因子之時無奪無伐無暴無盜子貢曰賜少日一作事君

子君子固有盜者耶孔子曰夫以不肖伐賢是謂奪也以賢伐不肖是謂伐也緩其令急其誅是謂暴也取人善以自爲己是謂盜也君子之盜豈必當財幣乎吾聞之曰知爲吏者奉法利民不知爲吏者枉法

以侵民此皆怨之所由生也聽官莫如平聽財莫如廉廉平之守不可攻也匿人之善者是謂蔽賢也揚人之惡者是謂小人也內相教而外相謗者是謂不足親也言人之善者有所得而無所亡傷也言人之惡者無所得而有所傷也故君子慎言語矣毋先已而後人擇言出之令口如耳

楊朱見梁王言治天下如運諸掌然梁王曰先生有一妻一妾不能治三畝之園不能芸言治天下如運諸手掌何以楊朱曰臣有之君不見夫羊乎百羊而群使五尺童子荷杖而隨之欲東而東欲西而西君

且使堯率一羊舜荷杖而隨之則亂之始也臣聞之夫吞舟之魚不遊淵鴻鶴高飛不就汗池何則其志極遠也黃鍾大呂不可從繁奏之舞何則其音疏也將治大者不治小成大功者不小苛此之謂也

景差相鄒鄒人有冬涉水者出而脛寒後景差過之下陪乘而載之覆以上祗晉叔向聞之曰景子爲人國相豈不固哉吾聞良吏居之三月而溝渠修十月而津梁成六畜且不濡足而况人乎

魏文侯問李克曰爲國如何對曰臣聞爲國之道食有勞而祿有功使有能而賞必行罰必當文侯曰吾

賞罰皆當而民不與何也對曰國其有淫民乎臣聞之曰奪淫民之祿以來四方之士其父有功而祿其子無功而食之出則乘車馬衣美裘以爲榮華入則修筮墨鐘石之聲而安其子女之樂以亂鄉曲之教如此者奪其祿以來四方之士此之謂奪淫民也

齊桓公問於管仲曰國何患管仲對曰患夫社鼠桓公曰何謂也管仲對曰夫社束木而塗之鼠因往託焉燻之則恐燒其木灌之則恐敗其塗此鼠所以不可得殺者以社故也夫國亦有社鼠人主左右是也內則蔽善惡於君上外則竇權重於百姓不誅之則



爲亂誅之則爲人主所察據腹而有之此亦國之社鼠也人有酤酒者爲器甚潔清置表甚長而酒酸不售問之里人其故里人云公之狗猛人挈器而入且酤公酒狗迎而噬之此酒所以酸不售之故也夫國亦有猛狗用事者也有道術之士欲明萬衆之主而用事者迎而噬之此亦國之猛狗也左右爲社鼠用事者爲猛狗則道術之士不得用矣此治國之所患也

齊侯問於晏子曰爲政何患對曰患善惡之不分公曰何以察之對曰審擇左右左右善則百僚各得其所宜而善惡分孔子聞之曰此言也信矣善言進則不善無由入矣不進善言則善無由入矣

復棄之君朝齊桓公問治民焉復棄之君不對而循口操矜抑心桓公曰與民共甘苦饑寒乎夫以我爲聖人也故不用言而論因禮之千金

晉文公時翟人有封狐文豹之皮者文公喟然嘆曰封狐文豹何罪哉以其皮爲罪也大夫樂枝曰地廣而不平財聚而不散獨非狐豹之罪乎文公曰善哉說之樂枝曰地廣而不平人將平之財聚而不散人將爭之於是列地以分民散財以賑貧



晉文侯問政於舅犯舅犯對曰分熟不如分腥分腥不如分地割以分民而益其爵祿是以上得地而民知富上失地而民知貧古之所謂致師而戰者其此之謂也

晉侯問於士文伯曰三月朔日有蝕之寡人學悟焉詩所謂彼日而蝕于何不滅者何也對曰不善政之謂也國無政不用善則日必蝕於日月之災故不可不慎也政有三而已一曰因民二曰擇人三曰從時延陵季子游於晉入其境曰嘻暴哉國乎入其都曰嘻力屈哉國乎立其朝曰嘻亂哉國乎從者曰夫子

之入晉境未久也何其名之不疑也延陵季子曰然吾入其境田畝荒穢而不休雜增崇高吾是以知其國之暴也吾入其都新室惡而故室美新墻卑而故墻高吾是以知其民力之屈也吾立其朝君能視而不下問其臣善伐而不上諫吾是以知其國之亂也齊之所以不如魯者太公之賢不如伯禽伯禽與太公俱受封而各之國三年太公來朝周公問曰何治之疾也對曰尊賢先疏後親先義後仁也此霸者之迹也周公曰太公之澤及五世五年伯禽來朝周公問曰何治之難對曰親親者先內後外先仁後義也

此王者之迹也周公曰魯之澤及十世故魯有王迹者仁厚也齊有霸迹者武政也齊之所以不如魯也太公之賢不如伯禽也

景公好婦人而丈夫飾者國人盡服之公使吏禁之曰女子而男子飾者裂其衣斷其帶裂衣斷帶相望而不止晏子見公曰寡人使吏禁女子而男子飾者裂其衣斷其帶相望而不止者何也對曰君使服之於內而禁之於外猶懸牛首於門而求買馬肉也公曰不使內勿服則外莫敢為也公曰善使內勿服不使外勿服則外莫敢為也公曰善使內勿服不使外勿服則外莫敢為也

齊人甚好穀擊相犯以為樂禁之不止晏子患之乃為新車良馬出與人相犯也曰穀擊者不祥臣其祭祀不順居處不敬乎下車棄而去之然後國人乃不為故曰禁之以制而身不先行也民不肯止故化其心莫若教也

魯國之法魯人有贖臣妾於諸侯者取金於府子重贖人於諸侯而還其金孔子聞之曰賜失之矣重人之舉事也可以移風易俗而教導可施於百姓非獨適其身之行也今魯國富者寡而貧者衆贖而受金則為不廉不受則後莫復贖自今以來魯人不復贖



矣孔子可謂過於化矣故老子曰見小曰明

孔子見季康子康子未說孔子又見之宰予曰吾聞
之夫子曰王公不聘不勅今吾子之見司寇也
矣孔子曰魯國以衆相陵以兵相暴之日久矣
司不治聘我者孰大乎於是魯人聞之曰聖人將
可以不自爲刑罰乎自是之後國無爭者

孔子謂弟子曰遠山十里螻蛄之聲猶尚存耳政事
無如禮之矣古之魯俗塗里之間羅門之羅收門之
漁獨得於禮是以孔子善之夫塗里之間富家蓋
者出羅門之羅有羅者取多無親者取少收門之

有親者取巨無親者取小

春秋曰四民均則王道興而百姓寧所謂四民者士
農工商也婚姻之道廢則男女之道悖而淫佚之路
興矣

劉向說苑卷第七

劉向說苑卷第八

尊賢

人君之欲平治天下而垂榮名者必尊賢而下士易
曰自上下下其道大光又曰以貴下賤大得民也夫
明王之施德而下下也將懷遠而致近也夫朝無賢
人猶鴻鵠之無羽翼也雖有千里之望猶不能致其
意之所欲至矣是故游江海者託於船致遠道者託
於乘欲霸王者託於賢伊尹呂尚管夷吾百里奚此
霸王之船乘也釋父兄與子孫非疏之也任庖人鈞
屠與仇讎僕虜非阿之也持社稷立功名之道不得



劉向說苑卷第八

尊賢

人君之欲平治天下而垂榮名者必尊賢而下士易
曰自上下下其道大光又曰以貴下賤大得民也夫
明王之施德而下下也將懷遠而致近也夫朝無賢
人猶鴻鵠之無羽翼也雖有千里之望猶不能致其
意之所欲至矣是故游江海者託於船致遠道者託
於乘欲霸王者託於賢伊尹呂尚管夷吾百里奚此
霸王之船乘也釋父兄與子孫非疏之也任庖人鈞
屠與仇讎僕虜非阿之也持社稷立功名之道不得



不然也猶大匠之爲宮室也量小大而知材木矣比
功校而知人數矣是故呂尚聘而天下知商將亡而
周之王也管夷吾百里奚任而天下知齊秦之必霸
也豈特船乘哉夫成王霸固有入亡國破家亦固有
人桀用千莘紂用惡來宋用唐鞅齊用蘇秦秦用趙
高而天下知其亡也非其人而欲有功譬其若尾三
之日而欲夜之長也射魚指天而欲發之當也雖舜
禹猶亦一作亦猶困而又况乎俗主哉

春秋之時天子微弱諸侯力政皆叛不朝秦暴彘強
劫弱南夷與北狄交侵中國之不絕若綫桓公於是

用管仲鮑叔隰朋賈豈無竄威三存亡國一繼絕世
救中國攘戎狄卒會荆蠻以尊周室霸諸侯晉文公
用咎犯先軫陽處父強中國敗強楚合諸侯朝天子
以顯周室楚莊王用叔孫救司馬子反將軍子重征
陳從鄭敗強晉無敵於天下秦穆公用百里子蹇叔
子王子廖及由余據有雍州擄敗西戎吳用延州萊
季子并冀州揚威于雞父鄒僖公富有千乘之國貴
爲諸侯治義不順人心而取弑於臣者不先得賢也
至簡公用子產裨謀世叔行人子羽賊臣陸正臣違
去強楚合中國國家安寧二十餘年無強楚之患故

虞有宮之奇晉獻公爲之終夜不寐楚有子玉得臣
文公爲之側席而坐遠乎賢者之厭難折衝也夫宋
襄公不用公子目夷之言大辱於楚曹不用僖負羸
之諫敗死於戎故共惟五始之要治亂之端在乎審
已而任賢也國家之任賢而吉任不肖而凶按往世
而視已事其必然也如合符此爲人君者不可以不
慎也國家僭亂而良臣見魯國大亂季友之賢見僖
公即位而任季子魯國安寧外內無憂行政二十一
年季子之卒後邾擊其南齊伐其北魯不勝其急將
乞師於楚以取全耳或作身故傳曰愚之起必自此始

也公子買不可使成術公子遂不聽君命而擅之晉
內侵於臣下外困於兵亂弱之患也僖公之性非前
二十一年常賢而後乃漸變爲不肖也此季子存之
所益亡之所損也夫得賢失賢其損益之驗如此而
人主忽於所用甚可疾痛也夫智不足以見賢無可
奈何矣若智能見之而能能決猶豫不用而大者
死亡小者亂傾此甚可非取也以求殤公不知孔父
之賢平安知孔父死已必死趨而救之趨而救之者
是知其賢也以魯莊公不知季子之賢平安知疾將
死召季子而授之國政授之國政者是知其賢也此



二君知能見賢而皆不能用故宋殤公以殺死魯莊公以賊嗣使宋殤晏任孔父魯莊素用季子乃將靖隣國而况自存乎

鄒子說梁王曰伊尹故有莘氏之媵臣也湯立以爲三公天下之治太平管仲故成陰之狗盜也天下之庸夫也齊桓公得之爲仲父百里奚道之於路傳賣五羊之皮秦穆公委之以政寧戚故將車人也叩膝行歌於康之衢桓公任以國司馬喜頤脚於宋而卒相中山范曄折臂拉齒於魏而後爲應侯太公望故老嫗之出夫也朝歌之屠佐也棘津迎客之舍人也

年七十而相周九十而封齊故詩曰韮絲之萋在於曠野良工得之以爲緝紵良工不得枯死于野此七士者不遇明君聖主幾行乞丐枯死於中野譬猶絲絲之萋矣

眉睫之微接而形于色聲音而風疑作風感而動乎心疑作風窸威擊牛角而商歌桓公聞而舉之鮑龍跪石而登疑作風唯孔子爲之下車堯舜相見不違桑陸文王舉太公不以日久故聖賢之接也不待久而親能者之相見也不待試而知矣故士之接也非必與之臨財分貨乃知其廉也非必與之犯難法危乃知其勇也舉事



决斷是以知其勇也取與有讓是以知其廉也故見
虎之尾而知其大於狸也見象之牙而知其大於牛
也一節見則百節知矣由此觀之以所見可以占未
發觀小節固足以知大體矣

禹以夏王桀以夏亡湯以殷王紂以殷亡闔廬以吳
戰勝無敵於天下而夫差以見禽於越文公以晉國
霸而厲公以見弑於匡麗之宮威王以齊強於天下
而湣王以弑死於廟梁穆公以秦顯名尊號而二世
以劫於望夷其所以君王者同而功迹不等者所任
異也是故成王處權櫛而朝諸侯周公用事也趙武

宣王年五十而薨死於沙丘任李充故也桓公得管
仲九合諸侯一匡天下失管仲任豎刁易牙身死不
葬為天下笑一人之身榮辱俱施焉在所任也故魏
有公子無忌削地復得趙任藺相如秦兵不敢出鄗
陵任唐睢國獨特立楚有申包胥而昭王反位齊有
田單襄王得國由此觀之國無賢佐俊士而能以成
功立名安危繼絕者未嘗有也故國不務大而務得
民心佐不務多而務得賢俊得民心者民往之有賢
佐者士歸之文王請除炮烙之刑而殷民從湯去張
網者之三面而夏民從越王不斲舊冢而吳人服以

其所爲之順於民心也故聲同則處異而相應德合則未見而相親賢者立於本朝則天下之豪相率而趨之矣何以知其然也曰管仲桓公之賦也鮑叔以爲賢於已而進之爲相七十言而說乃聽遂使桓公除報讎之心而委國政焉桓公垂拱無事而朝諸侯鮑叔之力也管仲之所以能北走桓公無自危之心者同聲於鮑叔也紂殺王子比干箕子被髮而佯狂陳靈公殺泄冶而鄧元去陳自是之後殷莸於周陳亡於楚以其不比干泄冶而失箕子與鄧元也燕昭王得郭隗而鄒衍樂毅以齊趙至蘇子屈景以周楚

至於是舉兵而攻齊接閔王於首燕校地計衆非與齊鈞也然所以能信意至於此者由得士也故無常安之國無恒治之民得賢者則安昌失之者則危亡自古及今未有不然者也明鏡所以照形也往古所以知今也夫知惡往古之所以危亡而不務襲迹於其所以安昌則未有異乎却走而求遠前人也太公知之故舉微子之後而封比干之墓夫聖人之於死尚如是其厚也况當世而生生存者乎則其弗失可識矣

齊景公問於孔子曰秦穆公其國小處僻而霸何也

對曰其國小而志大雖處僻而其政中其舉果其謀
和其令不偷親舉五段大夫於係纜之中與之語三
日而授之政以此取之雖王可也霸則小矣

或曰將謂桓公仁義乎殺凡而立非仁義也將謂桓
公恭儉乎與婦人同輿馳於邑中非恭儉也將謂桓
公清潔乎閨門之內無可嫁者非清潔也此三者亡
國失君之行也然而桓公兼有之以得管仲隰朋九
合諸侯一匡天下卑朝周室爲五霸長以其得賢佐
也夫管仲隰朋任豎刁易牙身死不齊蟲流尸一
人之身榮辱俱施者何哉其所任異也由此觀之則

任佐急矣周公且白屋之士所下者七十人而天下
之士皆至晏子所與同衣食者百人而天下之士亦
至仲尼修道行理文章而天下之士亦至矣伯牙子
鼓琴鍾子期聽之方鼓而志在太山鍾子期曰善哉
乎鼓琴巍巍乎若太山少選之間而志在流水鍾子
期復曰善哉乎鼓琴湯湯乎若流水鍾子期死伯牙
破琴絕絃終不復鼓琴以爲世無足爲鼓琴者非獨
鼓琴若此也賢者亦然雖有賢者而無以接之賢者
奚由盡忠哉驥不自至千里者待伯樂而後至也
周威公問於審子曰取士有道乎對曰有窮者達之

亡者存之廢者起之四方之士則四面而至矣窮者不達亡者不存廢者不起四方之士則四面而畔矣夫城固不能自守兵利不能自保得士而失之必有其間夫士存則君尊士亡則君卑周威公曰士壹至如此乎對曰君不聞夫楚平王有士曰楚僕胥丘負容王將殺之出亡之晉晉人用之是為城濮之戰又有士曰苗賁皇王將殺之出亡走晉晉人用之是為鄢陵之戰又有士曰上解于王將殺之出亡走晉晉人用之是為兩堂之戰又有士曰伍子胥王殺其父兄出亡走吳閻閻用之於是興師而襲郢故楚之大得罪於梁鄭宋衛之君猶未遽至於此也此四得罪於其士三暴其民骨一亡其國由是觀之士存則國存士亡則國亡子胥怒而亡之申包胥怒而存之士胡可無貴乎

哀公問於孔子曰人何若而可取也孔子對曰母取拊者母取健者母取口銳者哀公曰何謂也孔子曰拊者大給利不可盡用健者必欲兼人不可以為法也口銳者多誕而寡信後恐不驗也夫弓矢和調而後求其中焉馬慈惠順然後求其良材焉人必忠信重厚然後求其知能焉今人不忠信重厚而多知

能如此人者譬猶豺狼與不可以身近也是故先其仁信之誠者然後視之於是有知能者然後任之故曰親仁而使能夫取人之術也觀其言而察其行夫言者所以抒其匈而發其情者也能行之士必能言之是故先觀其言而揆其行夫以言揆其行雖有姦軌之人無以逃其情矣哀公曰善

周公攝天子位七年布衣之士執贄所師見者十二人窮巷白屋所先見者四十九人時進善者百人教士者千人官朝者萬人當此之時誠使周公駢而且怪則天下賢士至者寡矣苟有至者則必貪而尸祿

者也尸祿之臣不能存君矣

齊桓公設庭燎爲士之欲造見者朞年而士不至於是東野鄙人有以九九之術見者桓公曰九九何足以見乎鄙人對曰臣非以九九爲足以見也臣聞主君設庭燎以待士朞年而士不至夫士之所以不至者君天下賢君也四方之士皆自以論而不及君故不至也夫九九薄能耳而君猶禮之况賢於九九乎夫太山不辭壤石江海不逆小流所以成大也詩云先民有言詢于芻蕘言博謀也桓公曰善乃因禮之朞月四方之士相攜而並至詩曰自堂徂基自羊徂



牛言以內及外以小及大也

齊景公使宋至於岐隄之上登高以望太息而嘆曰昔我先君桓公長轂八百乘以霸諸侯今我長轂三千乘而不敢久處於此者豈其無管仲歟弦章對曰臣聞之水廣則魚大君明則臣忠昔有桓公故有管仲今桓公在此則車下之臣盡管仲也

趙簡子游於河而樂之歎曰安得賢士而與處焉舟人古乘晚而對曰夫珠玉無足去此數千里而所以能來者人好之也今士有足而不來者此是吾君不好之乎趙簡子曰吾門左右客千人朝食不足暮收市征暮食不足朝收市征吾尚可謂不好士乎舟人古乘對曰鴻鶴高飛遠翔其所恃者六翮也背上之毛腹下之毳無尺寸之數去之蒲把飛不能爲之益卑益之蒲把飛不能爲之益高不知門下左右客千人者有六翮之用乎將盡毛毳也

齊宣王坐淳于髡侍宣王曰先生論寡人何好淳于髡曰古者所好四而王所好三焉宣王曰古者所好何與寡人所好淳于髡曰古者好馬王亦好馬古者好味王亦好味古者好色王亦好色古者好士王獨不好士宣王曰國無士耳有則寡人亦說之矣淳于

見曰古者駢駟騏驎今無有王選於衆王好馬矣古者有豹象之胎今無有王選於衆王好味矣古者有毛麇西施今無有王選於衆王好色矣王必將待堯舜禹湯之士而後好之則禹湯之士亦不好王矣宣王嘿然無以應

衛君問於田讓曰寡人封侯盡千里之地賞賜盡御府繒帛而士不至何也田讓對曰君之賞賜不可以功及也君之誅罰不可以理避也循舉杖而呼狗張弓而祝雞矣雖有香餌而不能致者害之必也

宗衛相齊遇逐罷歸會名門尉田饒等二十有七人

而問焉曰士大夫誰能與我赴諸侯者乎田饒等皆伏而不對宗衛曰何士大夫之易得而難用也饒對曰非士大夫之難用也是君不能用也宗衛曰不能用士大夫何若田饒對曰厨中有臭肉則門下無死士令夫三升之覆不足於士而君厲鶩有餘粟繞素綺繡靡麗堂楮從風雨弊而士曾不得以錄衣果園梨栗後宮婦人摭以相擲而士曾不得一嘗且夫財者君之所輕也死者士之所重也君不能用所輕之財而欲使士致所重之死豈不難乎哉於是宗衛面有慚色逡巡避席而謝曰此衛之過也

魯哀公問於孔子曰當今之時君子誰賢對曰衛靈公
公曰吾聞之其閔門之內姑姊妹無別對曰臣觀
於朝廷未觀於堂陛之間也靈公之弟曰公子暴卒
其知足以治千乘之國其信足以守之而靈公愛之
又有士曰王林國有賢人必進而任之無不達也不
能達退而與分其祿而靈公尊之又有士曰慶足國
有大事則進而治之無不濟也而靈公說之史鱸去
衛靈公邸舍三月琴瑟不御待史鱸之入也而後入
臣是以知其賢也

介子推行年十五而相期仲尼聞之使人往視還曰
廊下有二十五俊士堂上有二十五老人仲尼曰合
二十五人之智智於湯武并二十五人之力力於彭
祖以治天下其固免矣乎

孔子聞居喟然而嘆曰銅鞮伯華而無死天下其有
定矣子路曰願聞其爲人也何若孔子曰其幼也敏
而好學其壯也有勇而不屈其老也有道而能以下
人子路曰其幼也敏而好學則可其壯也有勇而不
屈則可夫有道又誰下哉孔子曰由不知也吾聞之
以衆攻寡而無不消也以貴下賤無不得也昔在周
公且制天下之政而下士七十人豈無道哉欲得士



之故也夫有道而能下於天下之士君子乎哉

魏文侯從中山奔命安邑田子方從太子擊遇之下車而趨子方坐乘如故告太子曰爲我請君待我朝謁太子不悅因謂子方曰不識貧窮者驕人富貴者驕人乎子方曰貧窮者驕人富貴者安敢驕人人主驕人而亡其國吾未見以國待亡者也大夫驕人而亡其家吾未見以家待亡者也貧窮者若不得意納履而去安往不得貧窮乎貧窮者驕人富貴者安敢驕人太子及文侯道田子方之語文侯嘆曰微吾子之故吾安得聞賢人之言吾下子方以行得而友之

自吾友子方也君臣益親百姓益附吾是以得友士之功我欲伐中山吾以武下樂羊三年而中山爲獻於我我是以得有武之功吾所以不少進於此者吾未見以智驕我也若得以智驕我者豈不及古之人乎

晉文侯行地登隧大夫皆扶之隨會不扶文侯曰會夫爲人臣而忍其君者其罪奚如對曰其罪重死文侯曰何謂重死對曰身死妻子爲戮焉隨會曰君奚獨問爲人臣忍其君者而不問爲人君而忍其臣者耶文侯曰爲人君而忍其臣者其罪何如隨會對曰

為人君而忌其臣者智士不為謀辯士不為言仁士
不為行勇士不為死文侯援綏下車辭大夫曰寡人
有腰臂之病願諸大夫勿罪也

齊將軍田贖出將張生郊送曰昔者克讓許由以天
下洗耳而不受將軍知之乎曰唯然知之伯夷叔齊
辭諸侯之位而不為將軍知之乎曰唯然知之於陸
仲子辭三公之位而傭為人灌園將軍知之乎曰唯
然知之智過去君弟變姓名免為庶人將軍知之乎
曰唯然知之孫叔敖三去相而不悔將軍知之乎曰
唯然知之此五大夫者名辭之而實羞之今將軍方

吞一國之權提鼓擁旌被堅執銳旋回十萬之師擅
斧鉞之誅實非以士之所羞者驕士田贖曰今日諸
君皆為贖相也酒脯而先生獨教之以聖人之大
道謹聞命矣

魏文侯見段干木立倦而不敢息及見翟黃踞堂而
與之言翟黃不說文侯曰段干木官之則不肯祿之
則不受今汝欲官則相至欲祿則上卿既受吾賞又
責吾禮毋乃難乎

孔子之鄉遭程子於塗傾蓋而語終日有闕顧子路
曰取束帛一以贈先生子路不對有間又顧曰取束



帛一以贈先生子路屑然對曰由聞之也士不中而見女無媒而嫁君子不行也孔子曰由詩不云乎野有蔓草零露漙漙兮有美一人清揚婉兮邂逅相遇適我願兮今程子天下之賢士也於是不贈終身不見大德毋踰閑小德出入可也

齊桓公使管仲治國管仲對曰賤不能臨貴桓公以爲上卿而國不治桓公曰何故管仲對曰貧不能使富桓公賜之齊國市租一年而國不治桓公曰何故對曰疏不能制親桓公立以爲仲父齊國大安而遂霸天下孔子曰管仲之賢不得此三權者亦不能使

其君南面而霸矣

桓公問於管仲曰吾欲使魯齊於酒肉腐於俎得無害於霸乎管仲對曰此極非其貴者耳然亦無害於霸也桓公曰何如而害霸管仲對曰不知賢害霸知而不用害霸用而不任害霸任而不信害霸信而復使小人參之害霸桓公曰善

魯人攻鄭曾子辭於鄭君曰請出冠罷而後復來請姑毋使狗豕入吾舍鄭君曰寡人之於先生也人無不聞今魯人攻我而先生去我我胡守先生之舍魯人果攻鄭而敝之罪十而曾子之所爭者九魯師罷



鄒君復修曾子舍而後迎之

宋司城子罕之貴子章也入與共食出與同衣司城子罕亡子章不從子罕來復召子章而貴之左右曰君之善子章也君亡不從來又復貴之君獨不愧於君之患臣乎子罕曰吾唯不能用子章故至於亡今吾之得復也尚是子章之遺德餘教也吾故貴之且我之亡也吾臣之創迹授樹以從我者莫益於吾亡哉

楊因見趙簡主曰臣居鄉三逐事君五去聞君好士故走來見趙簡主聞之絕食而嘆蹙而行左右進諫居鄉三逐是不容衆也事君五去是不忠上也今君有士見過八矣簡主曰子不知也夫美女者醜婦之仇也盛德之士亂世所疏也正直之行邪枉所憎也遂出見之因授以爲相而國大治由是觀之遠近之人不可以不察也

應侯與賈午子坐聞其故琴之聲應侯曰今日之琴一何悲也賈午子曰夫張急調下故使人悲耳急張者良材也調下者官卑也取夫良材而卑官之安能無悲乎應侯曰善哉

十三年諸侯舉兵以伐齊齊王聞之惕然而恐召其



群臣大夫告曰有智爲寡人用之於是博士淳于髡
仰天大笑而不應王復問之又大笑不應三笑不應
王輒然作色不說曰先生以寡人語爲戲乎對曰臣
非敢以大王語爲戲也臣笑臣鄰之祠田也以一盞
飯一壺酒三鮓魚祝曰蟹粿者宜禾滄邪者百車傳
之後世洋洋有餘臣笑其賜鬼薄而請之厚也於是
王乃立淳于髡爲上卿賜之千金革車百乘與平諸
侯之事諸侯聞之立罷其兵休其士卒遂不敢攻齊
此非淳于髡之力乎

田忌去齊奔楚楚王郊迎至舍問曰楚萬乘之國也

齊亦萬乘之國也常欲相并爲之奈何對曰易知耳
齊使申孺將則楚發五萬人使上將軍將之至禽將
軍首而反耳齊使田居將則楚發二十萬人使上將
軍將之分別而相去也齊使盼子將楚發四封之內
王自出將而忌從相國上將軍爲左右司馬如是則
王僅得存耳於是齊使申孺將楚發五萬人使上將
軍至擒將軍首反於是齊王忿然乃更使盼子將楚
悉發四封之內王自出將田忌從相國上將軍爲左
右司馬益王車屬九乘僅得免耳至舍王北而正領
齊社問曰先生何知之早也田忌曰申孺爲人侮賢

者而輕不肖者賢不肖者俱不爲用是以亡也困居
爲人尊賢者而賤不肖者賢者負任不肖者退是以
分別而相去也丐子之爲人也尊賢者而愛不肖者
賢不肖俱負任是以王僅得存耳

魏文侯觴大夫於南陽飲酣文侯喟然嘆曰吾獨無
豫讓以爲臣蹇重舉酒進曰臣請浮君文侯曰何以
對曰臣聞之有命之父母不知孝子有道之君不知
忠臣夫豫讓之君亦何如哉文侯曰善愛浮而欲之
譬而不讓曰無管仲鮑叔以爲臣故有豫讓之功也
趙簡子曰吾欲得范中行氏良臣史儼曰安用之簡

子曰良臣人所願也又何問焉曰君以爲無良臣故
也夫事君者諫過而薦可章善而替否獻能而進賢
朝夕誦善拜而納之聽則進否則退今范中行氏之
良臣也不能匡相其君使至於難出在於外又不能
入亡而棄之何良之爲若不棄君安得之夫良將營
其君使復其位死而後止何曰以來若未能乃非良
也簡子曰善

子路問於孔子曰治國何如孔子曰在於尊賢而賤
不肖子路曰范中行氏尊賢而賤不肖其亡何也曰
范中行氏尊賢而不能去也賤不肖而不能去也賢



者知其不已用而怨之不肯者知其賤已而譬之賢者怨之不肯者譬之怨讐並前中行氏雖欲無亡得乎

晉荆戰於郟晉師敗績荀林父將歸請死昭公將許之士貞伯曰不可城濮之役晉勝于荆文公猶有憂色曰子玉猶存憂未歇也因獸猶闕况國相乎及荆殺子玉乃喜曰莫予毒也今天或者大辱晉也林父之事君進思盡忠退思補過社稷之衛也今殺之是重荆勝也昭公曰善乃使復將

劉向說苑第八





國立中央圖書館 臺灣分館





RESERVED NATIONAL CENTRAL LIBRARY, TAIWAN, R.O.C.



國立中央圖書館

NATIONAL CENTRAL LIBRARY, TAIWAN R.O.C.



國立中央圖書館臺灣分館





國立中央圖書館藏

24.13.127-4



劉向說苑卷第九

正諫

易曰王臣蹇蹇匪躬之故人臣之所以蹇蹇焉難而諫其君者非爲身也將欲以匡君之過矯君之失也君有過失者危亡之萌也見君之過失而不諫是輕君之危亡也夫輕君之危亡者忠臣不忍爲也三諫而不用則去不去則身亡身亡者仁人所不爲也是故諫有五一日正諫二曰降諫三曰忠諫四曰懇諫五曰諷諫孔子曰吾其從諷諫矣乎夫不諫則危君固諫則危身與其危君寧危身危身而終不用則諫



亦無功矣。智者度君權時，調其緩急而處其宜，上不敢危君，下不以危身故。在國而國不危，在身而身不殆。昔陳靈公不聽泄冶之諫而殺之，曹羈三諫曹君不聽而去。春秋序義，雖俱賢而曹羈合禮。

齊景公遊於海上而樂之，六月不歸。令左右曰：「敢有言先歸者，致死不赦。」嬖嬖趨進諫曰：「君樂治海，而上六月不歸，彼僮有治國者，君且安得樂此海也？」景公援箴將斫之，嬖嬖趨進撫衣待之曰：「君奚不斫也？昔者桀殺鬻龍，逢紂殺王子比干，君之賢非此二主也。臣之材亦非此二子也。君奚不斫以臣參此二人？」

不亦可乎？景公說遂歸，中道聞國人譁，不內矣。

楚莊王立為君三年，不聽朝，乃令於國曰：「寡人惡為人臣而遽諫其君者，今寡人有國家，立社稷，有諫則死，無救蘇從曰：處君之高爵，食君之厚祿，愛其死而不諫，其君則非忠臣也。」乃入諫，莊王立鼓鐘之間，左伏楊姬，右擁越姬，左拥榘，右朝服，曰：「吾鼓鐘之不暇，何諫之聽？」蘇從曰：「臣聞之，好道者多資，好樂者多迷。好道者多糧，好樂者多亡。荆國亡無日矣。」死，臣敢以告王。王曰：「善。」左執蘇從，右手抽陰刀，劍鐘鼓之懸，明日授蘇從為相。

晉平公好樂多其賦欲下治城郭曰敢有諫者死國
人憂之有咎犯者見門大夫曰臣聞主君好樂故以
樂見門大夫入言曰晉人咎犯也欲以樂見平公曰
內之止坐殿上則出鐘磬竿瑟坐有頃平公曰客子
爲樂咎犯對曰臣不能爲樂臣善隱平公召隱士十
一人咎犯曰隱臣竊願昧死御平公曰請咎犯申其
左臂而誦五指平公問於隱官曰占之爲何隱官皆
曰不知平公曰歸之咎犯則申其一指曰是一也便
游諸壺而峻城闕二也柱梁木續士民無相三也侏
儒有餘酒而死士渴四也民有飢色而馬有粟秩五
也近臣不敢諫遠臣不得達平公曰善乃屏鐘鼓除
竿瑟遂與咎犯參治國

孟嘗君將西入秦賓客諫之百通則不聽也曰以人
事諫我我盡知之若以鬼道諫我我則殺之謁者入
曰有客以鬼道聞曰請客入客曰臣之來也過於淄
水上見一土耦人方與木梗人語木梗謂土耦人曰
子先土也持子以爲耦人遇天大雨水潦並至子必
沮壞應曰我沮乃反吾其耳今子東園之桃也刻子
以爲梗遇天大雨水潦并至必浮子泛泛乎不知所
止今秦西塞之國也有虎狼之心恐其有木梗之患



於是孟嘗君遂恐而退而無以應卒不敢西歸秦
吳王欲伐荆告其左右曰敢有諫者死舍人有少孺
子者欲諫不敢則懷操彈於後園露沾其衣如是者
三且吳王曰子來何苦沾衣如此對曰園中有樹其
上有蟬蟬高居悲鳴飲露不知螳螂在其後也螳螂
委身曲附欲取蟬而不知黃雀在其後也黃雀延頸
欲啄螳螂而不知彈丸在其下也此三者皆務欲得
其前利而不顧其後之有患也吳王曰善哉乃罷其
兵

楚莊王欲伐陽夏師久而不罷群臣欲諫而莫敢莊

王獵於雲夢椒舉進諫曰王所以多得獸者馬也而
王國亡王之馬豈可得哉莊王曰善不殺知拙強國
之可以長諸侯也知得地之可以爲富也而忘吾民
之不用也明目飲諸大夫酒以椒舉爲上客罷陽夏
之師

秦始皇帝太后不謹李卽嫪毐封以爲長信侯爲生
子子毒專國事浸益驕奢與侍中左右貴臣俱博飲
酒辯爭言而開瞋目大叱曰吾乃皇帝之假父也囊
人子何敢乃與我亢所與鬪者走行白皇帝皇帝大
怒毒懼誅因作亂賊咸陽宮毒敗始皇乃取毒四支



車裂之取其兩弟囊撲殺之取皇太后還之于青陽
官一本作下令曰敢以太后事諫者戮而殺之從蒺
藜其莽肉幹回支而積之闕下諫而死者二十七人
矣齊客茅焦乃往上謂曰齊客茅焦願上諫皇帝皇
帝使使者出問客得無以太后事諫也茅焦曰然使
者還白曰果以太后事諫皇帝曰走往告之若不見
闕下積死人耶使者問茅焦茅焦曰臣聞之天有二
十八宿今死者已有二十七人矣臣所以來者欲滿
其數耳臣非畏死人也走入白之茅焦邑子同食者
盡負其物行亡使者入白之皇帝大怒曰是子故

來犯吾禁趣炊鑊湯烹之是安得積闕下乎趣召之
入皇帝按劍而坐口正沫出使者召之入茅焦不肯
疾行足趣相過耳使者趣之茅焦曰臣至前則死矣
君獨不能忍吾須臾乎使者極哀之茅焦至前再拜
謁起稱曰臣聞之夫有生者不諱死有國者不諱亡
諱死者不可以得生諱亡者不可以得存死生存亡
聖主所欲急聞也不也下欲聞之不皇帝曰何謂
也茅焦對曰陛下有子也陛下不自知耶皇帝
曰何等也願聞之茅焦曰陛下車裂假父有嫉妬
之心盡撲兩弟有不慈之名遷母於陽宮有不孝之

行從薨棄於諫士有桀計之治今天下聞之盡瓦解
無嚮秦者臣竊恐秦亡為陛下危之所言已畢乞行
就賢乃解衣伏質皇帝下殿左手接之右手麾左右
曰赦之先生就衣今願受事乃立焦薦仲父爵之上
卿皇帝立駕千乘萬騎空左方自行迎太后賁陽宮
歸於咸陽太后大喜乃大置酒待茅焦及飲太后曰
抗枉令直使敗吏成安秦之社稷使妾母子復得相
會者盡茅君之力也

楚莊王築層臺延石千里延壤百里士有反三月之
糧者大臣諫者七十二人皆死矣有諸御已者違楚

百里而耕謂其糶曰吾將入見於王其糶曰以命予
吾聞之說人主者皆聞暇之人也然且至而死矣今
子特草茅之人耳諸御已曰若與予同耕則比力也
至於說人主不與子比智矣委其耕而入見莊王莊
王謂之曰諸御已來汝知諫取諸御已曰君有義之
用有法之行且已聞之士負水者平木負繩者正君
受諫者聖君築層臺延石千里延壤百里民之粟各
血成於通塗然且未敢諫也已何敢諫乎願臣愚竊
聞昔者虞不用宮之奇而晉并之陳不用子家羈而
楚并之曹不用僂負攜而宋并之萊不用子猛而齊

并之吳不用子胥而越并之秦人不用蹇叔之言而
秦國危桀殺鬪龍逢而湯得之紂殺王子比干而武
王得之宣王殺杜伯而周室此三天子六諸侯皆
不能尊賢用辯士之言故天子下遠趨而出楚
王遽而追之曰已子反矣吾將用子之諫先日說寡
人者其說也不足以動寡人之心又危一作色加諸寡
人故皆至而死今子之說足以動寡人之心又不危
加諸寡人故吾將用子之諫明日令曰亡入諫者
吾將與爲兄弟遂解層臺而罷民楚人歌之曰蕲乎
蕲乎無諸御已訖無子乎蕲乎蕲乎無諸御已訖無

人乎

齊桓公謂鮑叔曰寡人欲鑄大鐘昭寡人之名焉寡
人之行豈避克舜哉鮑叔曰敢問君之行桓公曰昔
者吾圍譚三年得而不自與者仁也吾北伐孤竹刻
令支而反者武也吾爲葵丘之會以偃天下之兵者
文也諸侯抱美玉而朝者九國寡人不愛者義也然
則文武仁義寡人盡有之矣寡人之行豈避克舜哉
鮑叔曰君直言臣直對昔者公子糾在上位而不讓
非仁也昔太公之言而侵魯境非義也壇場之上誦
於一劔非武也婦嬖不韜懷推非文也凡爲不善過



於物而不自知者無天禍必有人害天處高其聽甚
下除君過言天口聞之桓公曰寡人有過乎平記之
是社稷之福也子不幸教費有大罪以辱社稷

楚昭王欲之荆臺游

子綦進諫曰荆臺之游左

洞庭之陟右彭蠡之水南望嶺山下臨方淮其樂使
人遺老而忘死人君游者盡以亡其國願大王勿往
遊焉王曰荆臺乃吾地也有地而游之子何為絕我
游乎怒而擊之於是令尹子西駕安車四馬徑於殿
下曰今日荆臺之游不可不觀也王登車而指其背
曰荆臺之游與子生之矣步馬十里引轡而止曰

臣不敢下車願得有道大王肯城之子士曰

令尹子西曰臣聞之為人臣而忠其君者爵祿不足

以賞也為人臣而諛其君者刑罰不足以誅也若司

馬子綦者忠臣也若臣者諛臣也願大王殺臣之軀

罰臣之家而釋司馬子綦王曰若能止聽公子獨

能禁我游耳後世游之無有極時奈何令尹子西曰

欲禁後世易耳願大王山陵崩隴為陵於荆臺未嘗

有持鐘鼓管絃之樂而游於父之墓上者也於是王

罷車卒不游荆臺今羅先置孔子從魯聞之曰美哉

令尹子西諫之於十里之前而權之於百世之後者



也

荆文王得如黃之狗簡籬之罅以敗於雲夢三月不
反得舟一作之姬淫恭年不聽朝保申諫曰先王卜
以臣爲保吉今王得如黃之狗簡籬之罅敗於雲澤
三月不反及得舟之姬淫恭年不聽朝王之罪也皆
備伏將答王王曰不穀免於楫櫓託於諸侯矣願請
變更而無答保申曰臣承先王之命不敢廢王不文
皆廢先王之命也臣寧得罪於王無負於先王王
曰敬諾乃席王王伏保申束細箭五十筥而加之王
肯如此者再謂王起矣王曰有答之名一也遂致之

保申曰臣聞之君子耻之小人痛之耻之不覺痛之
何益保申趨出欲自流乃請罪於王王曰此不穀之
過保將何罪王乃變行從保申殺如黃之狗折簡籬
之罅逐舟之姬務治平荆兼國三一今荆國廣大至
於此者保申敢極言之功也蕭何王陵聞之曰聖主
能奉先世之業而以成功名者其惟荆文王乎故天
下舉之至今明主忠臣孝子以爲法

晉平公使叔向聘於吳吳人弑舟以逆之左五百人
右五百人有繡衣而豹裘者有錦衣而狐裘者叔向
歸以告平公平公曰吳其亡乎奚以敬舟奚以敬民



叔向對曰君爲馳成之臺上可以發千兵下可以陳鐘鼓諸侯聞君者亦曰奚以敬臺奚以敬民所敬各異也於是平公乃罷臺

景公爲臺臺成又欲爲鐘晏子諫曰君不勝欲爲臺今復欲爲鐘是重斂於民民之哀矣夫斂民之哀而以爲樂不祥景公乃止

景公有馬其圉人殺之公怒按戈將自擊之晏子曰此不知其罪而死臣請爲君數之令知其罪而殺之公曰諾晏子果戈而誦之曰汝爲吾君養馬而殺之而罪當死汝使吾君以馬之故殺圉人而罪又當死汝使吾君以馬故殺人圉於四隣諸侯汝罪又當死公曰夫子釋之夫子釋之勿傷吾仁也

景公好弋使燭雛主鳥而亡之景公怒而欲殺之晏子曰燭雛有罪請數之以其罪乃殺之景公曰可於是乃召燭雛數之景公前曰汝爲吾君主鳥而亡之是一罪也使吾君以鳥之故殺人是二罪也使諸侯聞之以吾君重鳥而輕士是三罪也數燭雛罪已畢請殺之景公曰止勿殺而謝之

景公正晝披髮乘六馬御婦人以出正閭剛踰擊其馬而反之曰爾非吾君也公慙而不朝晏子睹裔救



而問曰君何故不朝對曰昔者君正晝被髮乘六馬御婦人出正閭刑跪擊其馬而反之曰爾非吾君也公慙而反不果出是以不朝晏子入見公曰昔者寡人有罪被髮乘六馬以出正閭刑跪擊其馬而反之曰爾非吾君也寡人以天子大夫之賜得率百姓以守宗廟今見戮於刑跪以辱社稷吾猶可以齊於諸侯乎晏子對曰君無惡焉臣聞之下無直辭上無隱民多諱言君有驕行古者明君在上下有直辭君上好善民無諱言今君有失行而刑跪有直辭是君之福也故臣來慶請賞之以明君之好善禮之以明君之受諫公笑曰可乎晏子曰可於是令刑跪倍資無正時朝無事

景公飲酒移於晏子家前驅報問曰君至晏子披玄端立於門曰諸侯得微有故乎國家得微有故乎君何為非時而夜辱公曰酒醴之味金石之聲願與夫子樂之晏子對曰夫布薦席陳簋簋者有人臣不敢與焉公曰移於司馬穰苴之家前驅報問曰君至司馬穰苴介冑操戟立於門曰諸侯得微有兵乎大臣得微有叛者乎君何為非時而夜辱公曰酒醴之味金石之聲願與夫子樂之對曰夫布薦席陳簋簋者

有人臣不敢與焉公曰移於梁丘據之家前驅報聞
曰君至梁丘據左操瑟右擊箏行歌而至公曰樂哉
今夕吾飲酒也微彼二子者何以治吾國微此一臣
者何以樂吾身賢聖之君皆有益友無偷樂之臣景
公弗能及故兩用之僅得不亡

吳以伍子胥孫武之謀西破強楚北威齊晉南伐越
越王勾踐迎擊之敗吳於姑蘇傷闔廬將軍却闔廬
謂太子夫差曰忘勾踐殺而父乎夫差對曰不敢
莫夕闔廬死夫差既立爲王以伯嚭爲太宰習戰射
三年伐越敗於夫湫越王勾踐乃以兵五千人一作八

棲於會稽山上使大夫種厚幣遺吳太宰嚭以請和
委國爲臣妾吳王將許之伍子胥諫曰越王爲人能
辛苦今王不滅彼必悔之吳王不聽用太宰嚭計與
越平其後五年吳王聞齊景公死而大臣爭寵新君
弱乃與師北伐齊子胥諫曰不可勾踐食不重味晝
死問疾且能用此人不死必爲吳患今越腹心之
疾齊猶疥癬耳而王不先越乃齊伐齊不亦謬乎吳
王不聽代齊大敗齊師於陵遂與鄒魯之君會以
歸益踈子胥之言其後四年吳將復北伐齊越王勾
踐用子貢之謀乃率其衆以助吳而重寶以獻遺太

宰嚭太宰嚭既數受越賂其愛信越殊甚日夜爲言於吳王王信用嚭之計伍子胥諫曰夫越腹心之疾今信其游辭僞詐而貪齊譬猶石田無所用之整庚曰古人有願越不恭是商所以興也願王釋齊而先越不然將悔之無及也已吳王不聽使子胥於齊子胥謂其子曰吾諫王王不我用吾今見吳之滅矣女貞吳俱亡無爲也乃屬其子於齊鮑氏而歸報吳王太宰嚭既與子胥有隙因說曰子胥爲人剛暴少思其怨望猶賊爲禍也深恨前日王欲伐齊子胥以爲不可王卒伐之而有大力子胥計謀不用乃反怨望今王又復伐齊子胥專使強諫沮毀用事微倖異之欺以自勝其計謀耳今王自行悉國中武力以伐齊而子胥諫不用因輟伴病不行王不可不備此起禍不難且臣使人微伺之其使齊也乃屬其子於鮑氏夫人臣內不得意外交諸侯自以先王謀臣今不用常怏怏願王早圖之吳王曰微子之言吾亦疑之乃使使賜子胥屬餼之劍曰子以此死子胥曰嗟乎讒臣宰嚭爲亂王願反誅我我令若父霸又若立時諸子弟爭立我以死爭之於先王幾不得立若旣立欲分其國與我我顧不敢當然若之何聽讒而殺長者



乃告舍人曰必樹吾墓上以梓令可以爲器而抉吾
眼著之吳東門以觀越寇之滅吳也乃自刺殺吳王
聞之大怒乃取子胥尸盛以鸚夷革浮之江中吳人
憐之乃爲立祠於江上因名曰胥山後十餘年越襲
吳吳王還與戰不勝使大夫行成於越不許吳王將
死曰吾以不用子胥之言至於此令死者無知則已
死者有知吾何面目以見子胥也遂蒙絮覆面而自
刎

齊簡公有臣曰諸御鞅諫曰公曰田常其宰予此二
人者甚相憎也臣恐其相攻相攻雖叛而危之不可

秦公鄰曰秦善韓魏而攻趙者必王之事秦不如韓
魏也是使王歲以六城事秦也坐而地盡來年秦復
秦割王將予之乎不予是棄前功而挑秦禍也予之
即無地而給之語曰強者善攻而弱者不能守今坐
而聽秦秦兵不弊而多得地是強秦而弱趙也以益
強之秦而割愈弱之趙兵計固不止矣且王之地有
盡而秦之求無已以有盡之地給無已之求其勢必
無趙矣計未定樓緩從秦才趙王與樓緩計之曰予
秦地與無予孰吉緩辭讓曰此非臣之所能知也王
曰雖然試言公之私樓緩對曰亦聞夫公文文伯母

平公父文伯仕於魯病死女子爲自殺於房中者二人其母聞之不肯哭也其相室曰焉有子死而不哭者乎其母曰孔子賢人也廷於魯而是人不隨也今死而婦人爲自殺者二人若是者必其於長者薄而於婦人厚也故從母言是爲賢母從妻言是必不免爲妬婦其言一也言者異則人心變矣今臣新從秦來而言易子則非計也言予之惡王以臣爲秦也故不敢對使臣得爲大王計不如予之王曰嗾虞卿聞之曰此飾說也王慎勿予樓緩聞之往見王王又以虞卿之言告樓緩樓緩對曰不然虞卿得其一不得

也忠臣不敢避誅以直諫故事無廢業而功流於萬世也臣誠願披腹心而效愚忠恐大王不能用之臣誠願大王少加意念月思之心於臣乘之言夫以一縷之任係千鈞之重上懸之無極之高下垂之不測之淵雖其愚之人且猶知哀其將絕也馬方駭而重驚之係方絕而重鎮之係絕於天不可復結墜之淵難以復出其出不出間不容髮誠能用臣乘言一舉必脫必心所欲爲危如重卵難於上天變所欲爲易於反掌安於太山今欲極天命之壽筭無窮之樂保萬乘之勢不出反掌之易以居太山之安乃欲乘



重卯之危走上天之難此愚臣之所大惑也人性有
畏其影而惡其迹者却肯而走無益也不知就陰而
止影滅迹絕欲人勿聞莫若勿言欲人勿知莫若勿
爲欲湯之冷令一人吹之百人揚之無益也不如絕
薪止火而已不絕之於彼而救之於此譬猶挽薪救
火也養由基楚之善射者也去楊葉百步百發百中
楊葉之小而加百中焉可謂善射矣所止乃百步之
中耳比於臣未知揮弓持矢也福生有基禍生有胎
納其基絕其胎禍何從來哉泰山之溜穿石引繩久
之乃以掣木水非石之鑽繩非木之鋸也而漸靡使
之然夫銖銖而稱之至石必差寸寸而度之至丈必
過石稱丈量徑而寡失夫十圍之木始生於蘗可引
而絕可擢而拔據其未生先其未形磨礪砥礪不見
其損有時而盡種樹畜長不見其益有時而大積德
修行不知其善有時而用行惡爲非棄義背理不知
其惡有時而亡臣誠願大王孰計而身行之此百王
不易之道也吳王不聽卒死丹徒

吳王欲從民飲酒伍子胥諫曰不可昔白龍下清泠
之淵化爲魚漁者豫且射中其目白龍上訴天帝天
帝曰當是之時若安置而形白龍對曰我下清泠之



淵化爲魚天帝曰魚因人之所射也若是豫且何罪夫白龍天帝貴畜也豫且宋國賤臣也白龍不化豫且不射今棄萬乘之位而從布衣之士飲酒臣恐其有豫且之患矣王乃止

孔子曰良藥苦於口利於病忠言逆於耳利於行故武王誇誇而昌紂嘿嘿而亡君無誇誇之臣父無誇誇之子兄無誇誇之弟夫無誇誇之婦士無誇誇之友其亡可立而待故曰君失之臣得之父失之子得之兄失之弟得之夫失之婦得之士失之友得之故無亡國破家悖父亂子放兄棄弟狂夫淫婦絕交敗

友

晏子復於景公曰朝居嚴乎公曰朝居嚴則易害於治國家哉晏子對曰朝居嚴則下無言下無言則上無聞矣下無言則謂之暗上無聞則謂之聾聾暗則非害治國家如何也且合菽粟之微又庸倉廩合疏縷之緯以成幃幕太山之高非一石也累卑然後高也夫治天下者非一士之言也固有受而不用惡有距而不入者哉

劉向說苑卷第九



劉向說苑卷第十

敬慎

存亡禍福其要在身聖人重誠敬慎所忽中庸曰莫見乎隱莫顯乎微故君子能慎其獨也諺曰誠無垢思無辱夫不誠不思而以存身全國者亦難矣詩曰戰戰兢兢如臨深淵如履薄冰此之謂也昔成王封周公周公辭不受乃封周公子伯禽於魯將辭去周公戒之曰去矣子其無以魯國驕士矣我文王之子也武王之弟也今王之叔父也又相天子吾於天下亦不輕矣然嘗一沐而三握髮一食而三吐哺猶恐



劉向說苑卷第十

敬慎

存亡禍福其要在身聖人重誠敬慎所忽中庸曰莫見乎隱莫顯乎微故君子能慎其獨也諺曰誠無垢思無辱夫不誠不思而以存身全國者亦難矣詩曰戰戰兢兢如臨深淵如履薄冰此之謂也昔成王封周公周公辭不受乃封周公子伯禽於魯將辭去周公戒之曰去矣子其無以魯國驕士矣我文王之子也武王之弟也今王之叔父也又相天子吾於天下亦不輕矣然嘗一沐而三握髮一食而三吐哺猶恐



失天下之士吾聞之曰德行廣大而守以恭者榮土
地博裕而守以儉者安祿位尊盛而守以卑者貴人
衆兵強而守以畏者勝聰明獻智而守以愚者益博
聞多記而守以淺者廣此六守者皆謙德也夫貴爲
天子富有四海不謙者先天下亡其身桀紂是也可
不慎乎故易曰有一道大足以守天下中足以守國
家小足以守其身謙之謂也夫天道毀滿而益謙地
道變滿而流謙鬼神害滿而福謙人道惡滿而好謙
是以衣成則缺袿官成則缺隅屋成則加錯示不成
者天道然也易曰謙亨君子有終吉詩曰湯降不遲

聖教日躋其戒之哉子其無以魯國驕士矣

孔子讀易至於損益則喟然而嘆子夏避席而問曰
夫子何爲嘆孔子曰夫自損者益自益者缺吾是以
嘆也子夏曰然則學者不可以益乎孔子曰否天之
道成者未嘗得久也夫學者以虛受之故曰得苟接
知持滿則天下之善言不得入其耳矣昔堯履天子
之位猶允恭以持之虛靜以待下故百載以逾盛迄
今而益章昆吾自滅而滿意窮高而不衰故當時而
虧敗迄今而逾惡是非損益之徵與吾故曰謙也者
致恭以存其位者也夫豐明而動故能大苟大則虧



矣吾戒之故曰天下之善言不得入其耳矣日中則
昃月盈則食天地盈虛與時消息是以聖人不敢當
盛升輿而遇三人則下二人則軾調其盈虛故能長
久也子夏曰善請終身誦之

孔子觀於周廟而有欹器焉孔子問守廟者曰此爲
何器對曰蓋爲右坐之器孔子曰吾聞右坐之器滿
則覆虛則欹中則正有之乎對曰然孔子使子路取
水而試之滿則覆中則正虛則欹孔子喟然嘆曰嗚
呼惡有盈而不覆者哉子路曰敢問持滿有道乎孔
子曰持滿之道挹而損之子路曰損之有道乎孔子

曰高而能下滿而能虛富而能儉貴而能卑智而能
愚勇而能怯辯而能訥博而能淺明而能闇是謂損
而不極能行此道唯至德者及之易曰不損而益之
故損自損而終故益

常擬有疾老子往問焉曰先生疾甚矣無遺教可以
語諸弟子者乎常擬曰子雖不問吾將語子常擬曰
過故鄉而下車子知之乎老子曰過故鄉而下車非
謂其不忘故耶常擬曰噫是已常擬曰過喬木而趨
子知之乎老子曰過喬木而趨非謂敬老耶常擬曰
噫是已張其口而示老子曰吾舌存乎老子曰然吾



蕭存乎老子曰亡常撰曰子知之乎老子曰夫之
存也豈非以其治之柔耶齒之亡也豈非以其剛耶
常撰曰嘻是已天下之事已盡矣無以復語于哉

韓平子問於叔向曰剛與柔孰堅對曰臣年八十矣
齒再墮而舌尚存老聃有言曰天下之至柔馳騁乎
天下之至堅又曰人之生也柔弱其死也剛強萬物
草木之生也柔脆其死也枯槁因此觀之柔弱者生
之徒也剛強者死之徒也夫生者毀而必復死者破
而愈亡吾是以知柔之堅於剛也平子曰善哉然則
子之行何從叔向曰臣亦柔耳何以剛為平子曰柔
能無以利害身則辱安從至乎官怠於官成病加於
少愈禍生於懈惰孝衰於妻子察此四者慎終如始
詩曰靡不有初鮮克有終

單快曰國有五寒而冰凍不與焉一曰政外二曰女
厲三曰謀泄四曰不敬卿士而國家敗五曰不能治
內而務外此五者一見雖祠無福除禍必得致福則
貧

孔子曰存亡禍福皆在已而已天災地妖亦不能殺
也昔者殷王帝辛之時爵生烏於城之隅工人占之
曰凡小以生巨國家必社王名必倍帝辛喜爵之德



不治國家亢暴無極外寇乃至遂亡殷國此逆天之時詭福反爲禍至殷王武丁之時先王道缺刑法弛桑穀俱生於朝七日而大拱工人占之曰桑穀者野物也野物生於朝意朝亡乎武丁恐駭側身修行思昔先王之政典滅國繼世舉逸民明養老之道三年之後遠方之君重譯而朝者六國此迎天時得禍反爲福也故妖孽者天所以警天子諸侯也惡夢者所以警士大夫也故妖孽不勝善政惡夢不勝善行也至治之極禍反爲福故太甲曰天作孽猶可違自作孽不可違

之是絕屬無別也長兒子魚曰不然吾聞仁者無餘愛忠臣無餘祿吾聞知伯之死而動吾心餘祿之加於我者至今尚存吾將往依之反而死

衛懿公有臣曰弘演遠使未還狄人攻衛其民曰君之所與祿位者鶴也所富者官人也君使官人與鶴戰余焉能戰遂潰而去狄人追及懿公於濮澤殺之盡食其肉獨舍其肝弘演至報使於肝畢呼天而號盡哀而止曰臣請爲表因自刺其腹內懿公之肝而死齊桓公聞之曰衛之亡也以無道今有臣若此不可不存於是

羊尹文者荆之歐鹿苑者也。司馬子期獵於雲夢戴
旗之長掩地羊尹文拔劍齊諸軫而斷之。貳車抽弓
於軫授矢於箭引而未發也。司馬子期伏戰而問曰
吾有罪於夫子乎。對曰臣以君旗掩地故也。國君之
旗齊於軫大夫之旗齊於軾。今子期同有名大夫而
滅三等文之斷也不亦可乎。子期悅載之王。所王曰
吾聞有斷子之旗者其人安在。吾將殺之。子期以文
之言告王。悅使文爲江南令而大治。

卞莊子好勇養母戰而三北交遊非之。國君辱之及
母死三年久與魯戰卞莊子請從。見於魯將軍曰初

賢方伯強楚主會諸侯。背叛天子失道出居于鄭。文
公於是憫中國之微。任咎犯先軫陽處父。奮愛百姓
厲養戎士。四年政治內定。則舉兵而伐衛。執曹伯還
敗強楚。威震天下。明王法率諸侯而朝。天子莫敢不
聽。天下曠然。平定周室尊顯。故曰大功之効在於用
賢。積道浸章。浸明文公於是顯功立期。至意得湯武
之心。作而忘其衆。一年三用師。且弗休息。遂進而
許。兵亟弊不能服罷諸侯而歸。自此而怠政事。爲狄
泉之盟。不親至。信衰誼缺。如羅不補。威武講折。不信
則諸侯不朝。鄆遂叛。夷狄內侵。衛遷於商丘。故曰衰



滅之道在於得意而怠浸蹇浸示

田子方侍魏文侯坐太子擊趨而入見賓客群臣皆起田子方獨不起文侯有不說之色太子亦然田子方稱曰爲子起歟無如禮何不爲子起歟無如罪何請爲子誦楚恭王之爲太子也將出之雲夢過大夫工尹工尹遂趨避家人之門中太子下車從之家人之門中曰子大夫何爲其若是吾聞之敬其父者不兼其子兼其子者不祥莫大焉子大夫何爲其若是工尹曰向吾望見子之而今而後記子之心審如此汝將何之文侯曰善太子擊前誦恭王之言誦三過

而請習之

子贛之承或在途見道側巾弊布擁裳而衣棄其名曰丹綽子贛問焉曰此至承幾何嘿然不對子贛曰人問乎已而不應何也屏其擁蒙而言曰望而讓入者仁乎觀而不識者智乎輕侮人者義乎子贛下車曰賜不仁過問三言可復聞乎曰是足於子矣吾不告子於是子贛恭偶則賦五偶則下

孫叔敖爲楚令尹一國吏民皆來賀有一老父衣赭衣冠白冠不弔孫叔敖正衣冠而出見之謂老父曰楚王不知臣不肯使臣受吏民之垢人盡來賀子



獨後來弔豈有說乎父曰有說身已貴而驕人者民去之位已高而擅權者君惡之祿已厚而不知足者患處之孫叔敖再拜曰敬受命願聞餘教父曰位已高而意益下官益大而心益小祿已厚而慎不敢取君謹守此三者足以治楚矣

魏安釐王十一年秦昭王謂左右曰今時韓魏與秦孰強對曰不如秦強王曰今時如耳魏齊與孟嘗芒卯孰賢對曰不如孟嘗芒卯之賢王曰以孟嘗芒卯之賢率強韓魏以攻秦猶無秦寡人何也今以無能如耳魏齊而率弱韓魏以伐秦其無秦寡人何亦明矣

左右皆曰然申旗伏瑟而對曰王之料天下過矣當六晉之時智氏最強滅范中行氏又率韓魏之兵以圍趙襄子於晉陽決晉水以灌晉陽之城不滿者三板智伯行水魏宣子御韓康子為驂乘智伯曰吾始不知水可以亡人國也乃今知之汾水可以灌安邑絳水可以灌平陽魏宣子肘韓康子康子履魏宣子之足肘足接於車上而智氏分身死國亡為天下笑今秦雖強不過智氏韓魏雖弱尚賢其在晉陽之下也此方其用肘足之時願王之必勿易也於是秦王恐

魏公子牟東行獲侯送之曰先生將去舟之山東矣
獨無一言以教舟乎魏公子牟曰微君言之牟幾忘
語君君知夫官不與勢期而勢自至乎勢不與富期
而富自至乎富不與貴期而貴自至乎貴不與驕期
而驕自至乎驕不與罪期而罪自至乎罪不與死期
而死自至乎穰侯曰善敬受明教

高上尊賢無以驕人聰明聖智 以窮人資給疾速

無以先人剛毅勇猛無以勝人 如則問不能則學

雖智必實然後辯之雖能必讓 為之故士雖聰

明聖智自守以愚功被天下自守 讓勇力距世自

守以佚富有天下自守以廉此所謂高而不危滿而
不溢者也

齊桓公為大臣具酒期以日中管仲後至桓公舉觴
以飲之管仲半棄酒桓公曰期而後至飲而棄酒於
禮可乎管仲對曰臣聞酒入舌出舌出者言失言失
者身棄臣計棄身不如棄酒桓公笑曰仲父起就坐
楚恭王與晉厲公戰於鄆陵之時司馬子反渴而求
飲豎穀陽持酒而進之子反曰退酒也穀陽曰非酒
也子反又曰退酒也穀陽又曰非酒也子反受而飲
之醉而寢恭王欲復戰使人召子反子反辭以心疾



於是恭王駕往入帳聞酒臭曰今日之戰所恃者司馬司馬至醉如此是亡吾國而不恤吾衆也吾無以復戰矣於是乃誅子反以爲戮還師夫穀陽之進酒也非以妬子反忠愛之而適足以殺之故曰小忠大忠之賊也小利大利之殘也好戰之臣不可不察也羞小耻以構大怨貪小利以亡大衆春秋有其戒晉先軫是也先軫欲要功獲名則以秦不假道之故請要秦師襄公曰不可夫秦伯與吾先君有結先君一日薨而與師擊之是孤之負吾先君敗隣國之交而失孝子之行也先軫曰先君薨而不爭贈是無哀吾

喪也與師徑吾地而不假道是弱吾孤也且柩耳尚薨屋無哀吾喪也與師卜曰大國師將至請擊之則聽先軫典兵要之薇擊之匹馬隻輪無脫者大結怨構禍於秦接刃流血伏尸暴骸靡爛國家十有餘年卒喪其師舉禍及大夫憂累後世故好戰之臣不可不察也

魯哀公問孔子曰子聞忘之甚者徒而忘其妻有諸乎孔子對曰此非忘之甚者也忘之甚者忘其身哀公曰可得聞與對曰昔夏桀貴爲天子富有天下不修禹之道毀壞辟法裂絕世紀荒淫于樂沉酗于酒



其臣有左師觸龍者諂諛不止湯誅桀左師觸龍者
身死四支不同壇而居此忘其身者也哀公愀然變
色曰善

孔子之周觀於太廟右陛之前有金人焉三緘其口
而銘其背曰古之慎言人也戒之哉戒之哉無多言
多言多敗無多事多事多患安樂必戒無行所侮勿
謂何傷其禍將長勿謂何害其禍將大勿謂何殘其
禍將然勿謂莫聞天妖伺人災變不滅炎炎奈何涓
涓不塞將成江河縣縣不絕將成網羅青青不伐將
尋斧柯誠不能慎之禍之根也曰是何傷禍之門也

強梁者不得其死好勝者必遇其敵盜怨主人民害
其貴君子知天下之不可蓋也故後之下之使人慕
之執雌持下莫能與之爭者人皆趨彼我獨守此衆
人惑感我獨不從內藏我知不與人論技我雖尊高
人莫害我夫江河長百谷者以其平下也天道無親
常與善人戒之哉戒之哉孔子顏謂弟子曰乞此
言雖鄙而中事情詩曰戰戰兢兢如臨深淵如履薄
冰行身如此豈以口遇禍哉

魯哀侯棄國而走齊齊侯曰君何年之少而棄國之
蚤魯哀侯曰臣始爲太子之時人多諫臣臣受而不



用也人多愛臣臣愛而不近也是則內無聞而外無
輔也是猶秋蓬惡於根本而美於枝葉秋風一起根
且拔矣

孔子行遊中路聞哭者聲其音甚悲孔子曰擗之驅
之前有異人音少進見之丘吾子也擁鎌帶索而哭
孔子辟車而下問曰夫子非有喪也何哭之悲也丘
吾子對曰吾有三失孔子曰願聞三失丘吾子曰吾
少好學問周遍天下還後吾親亡一失也事君奢驕
諫不遂是二失也厚交友而後絕三失也樹欲靜乎
風不定子欲養乎親不待往而不來者年也不可

再見者親也請從此辭則自刎而死孔子曰弟子記
之此足以爲戒也於是弟子歸養親者十三人

孔子論詩至於正月之六章懼然曰不達時之君子
豈不殆哉從上依世則廢道違上離俗則危身世不
與善已獨由之則曰非妖則孽也是以樊毅聞龍逢
紂殺王子比干故賢者不遇時常恐不終焉詩曰謂
天盖高不敢不踴謂地蓋厚不敢不踣此之謂也

孔子見羅者其所得者皆黃口也孔子曰黃口盡得
大爵獨不得何也羅者對曰黃口從大爵者不得大
爵從黃口者可得孔子顧謂弟子曰君子慎所從不



得其人則有羅網之患

修身正行不可以不慎嗜欲使行虧詭譎亂正心衆口使意回憂患生於所忽禍起於細微汗辱難消酒敗事不可復追不深念遠慮後悔當幾何夫微幸者伐性之斧也嗜欲者逐禍之馬也謾謾者窮辱之舍也取慮於人者趨禍之路也故曰去微幸務處信節嗜欲無取慮於人則稱爲君子名聲長存怨生於不報禍生於多福安危存於自處不困在於蚤豫存亡在於得人慎終如始乃能長久能行此五者可以全身已所不欲勿施於人是謂要道也

顏回將西游問於孔子曰何以爲身孔子曰恭敬忠信可以爲身恭則免於衆敬則人愛之忠則人與之信則人恃之人所愛人所與人所恃必免於患矣可以臨國家何况於身乎故不比數而比跡察亦遠乎不脩中而脩外不亦反乎不先慮事臨難乃謀不亦晚乎

凡司其身必慎五本一曰柔以仁二曰誠以信三曰富而貴毋敢以驕人四曰恭以敬五曰寬以靜思此五者則無凶命曰能治敬以助天時凶命不至而禍不來敬人者非敬人也自敬也貴人者非貴人也自




貴也昔者吾嘗見天雨金石與血吾嘗見四月十日
並出有與天滑吾嘗見高山之崩深谷之壑大都王
宮之破大國之滅吾嘗見高山之爲裂深淵之沙竭
貴人之車裂吾嘗見稠林之無木平原爲谿谷君子
爲御僕吾嘗見江河乾爲坑正冬采榆葉仲夏雨雪
霜千乘之君萬乘之主死而不葬是故君子敬以成
其名小人敬以除其刑奈何無戒而不慎五本哉
魯有恭士名曰札記行年七十其恭益甚冬日行陰
夏日行陽市次不敢不行參行必隨坐必危一食之
間三起不羞見衣裘相之士則爲之禮魯君問曰札

子年甚長矣不可釋恭乎札記對曰君子好恭以成
其名小人學恭以除其刑對君之坐豈不安哉尚有
差跌一食之上豈不美哉尚有哽噎今若記所謂幸
者也固未能自必鴻鵠飛冲天豈不高哉增繳尚得
而加之虎豹爲猛人尚食其肉席其皮譽人者少惡
人多行年七十常恐齋贊之加於記者何釋恭爲
咸回學於子路三年回恭敬不已子路問其故何也
回對曰臣聞之行者比於鳥上畏鷹鷂下畏網羅夫
人爲善者少爲讒者多若身不死安知禍罪不施行
年七十常恐行飾之虧回是以恭敬待大命子路稽

首曰君子哉

新向見苑卷第十





國立中央圖書館 臺灣分館





國立中央圖書館 臺灣分館



2013.01.01 NATIONAL CENTRAL LIBRARY, TAIWAN P.012





國立中央圖書館 臺灣分館


10131771-5



劉向說苑卷第十一

善說

孫卿曰夫談說之術齊莊以立之端誠以處之堅強以持之譬稱以論之分別以明之歡忻憤滿以送之寶之珎之貴之神之如是則說常無不行矣夫是之謂能貴其所貴傳曰唯君子為能貴其所貴也詩云無易由言無曰苟矣鬼谷子曰人之不善而能矯之者難矣說之不行言之不從者其辯之不明也既明而不行者持之不固也既固而不行者未中其心之所善也辯之明之持之固之又中其人之所善其言



神而珍白而分能入於人之心如此而說不行者天下未嘗聞也此之謂善說子貢曰出言陳辭身之得失國之安危也詩云辭之繹矣民之莫矣夫辭者人之所以自通也主父偃曰人而無辭安所用之昔子產脩其辭而趙武致其敬王孫滿明其言而楚莊以慙蘇秦行其說而六國以安蒯通陳說而身得以全夫辭者乃所以尊君重身安國全性者也故辭不可不脩而說不可不善

趙使人謂魏王曰爲我殺范痤吾請獻七十里之地魏王曰諾使吏捕之圍而未殺痤自上屋騎危謂使者曰與其以死痤市不如以生痤市有如痤死趙不與王地則王柰何故不若與定割地然後殺痤魏王曰善痤因上書信陵君曰痤故魏之免相也趙以地殺痤而魏王聽之有如強秦亦將襲趙之欲則君且柰何信陵君言於王而出之

吳人入荆召陳懷公懷公召國人曰欲與荆者左欲與吳者右逢滑當公而進曰吳未有福荆未有禍公曰國勝君出非禍而奚對曰小國有是猶復而况大國乎楚雖無德亦不斬艾其民吳日弊兵暴骨如莽未見德焉天其或者正訓荆也禍之適吳何日之有



陳侯從之

桓公立仲父致大夫曰善吾者入門而右不善吾者入門而左有中門而立者桓公問焉對曰管子之知可與謀天下其強可與取天下君恃其信乎內政委焉外事斷焉驅民而歸之是亦可奪也桓公曰善乃謂管仲政則卒歸於子矣政之所不及唯子是匡管仲故築三歸之臺以自傷於民

齊宣王出獵於社山社山父老十三人相與勞王王

曰父老苦矣謂左右賜父老田不祖父老皆拜闕丘先生不拜王曰父老以爲少耶謂左右復賜父老無

徭役父老皆拜闕丘先生又不拜王曰拜者去不拜者前曰寡人今日來觀父老幸而勞之故賜父老田不祖父老皆拜先生獨不拜寡人自以爲少故賜父老無徭役父老皆拜先生又獨不拜寡人得無有過乎闕丘先生對曰惟聞大王來遊所以爲勞大王望得壽於大王望得富於大王望得貴於大王王曰天殺生有時非寡人所得與也無以壽先生倉粟雖實以備遺害無以富先生大官無缺小官卑賤無以貴先生闕丘先生對曰此非人臣所敢望也願大王選良富家子有脩行者以爲吏平其法度如此臣少可

以得壽焉春秋冬夏振之以時無煩擾百姓如是臣
可少得以富焉願大王出令令少者敬長長者敬老
如是臣可少得以貴焉今大王幸賜臣田不相然則
倉粟將虛也賜臣無筭役然則官府無使焉此固非
人臣之所敢望也齊王曰善願請先生為相

孝武皇帝時汾陰得寶鼎而獻之於甘泉宮羣臣賀
上壽曰陛下得周鼎侍中虞丘壽王獨曰非周鼎上
聞之召而問曰朕得周鼎群臣皆以為周鼎而壽王
獨以為非何也壽王有說則生無說則死對曰臣壽
王安敢無說臣聞夫周德始產于后稷長於公劉大
於太王成於文武顯於周公德澤上洞天下漏泉無
所不通上天報應鼎為周出故名曰周鼎今漢自高
祖繼周亦昭德顯行布恩施惠六合和同至陛下之
身逾盛天瑞並至徵祥畢見昔始皇帝親出鼎於彭
城而不能得天昭有德寶鼎自至此天之所以予漢
乃漢鼎非周鼎也上曰善羣臣皆稱萬歲是日賜虞
丘壽王黃金十斤

晉獻公之時東郭氏有祖朝者上書獻公曰草茅臣
東郭氏祖朝願請聞國家之計獻公使使出告之曰
肉食者已慮之矣藿食者尚何與焉祖朝對曰大王



獨不聞古之將曰桓司馬者朝朝其君舉而晏御呼
車騶亦呼車御肘其騶曰子何越云爲乎何爲騶呼
車騶謂其御曰當呼者呼乃吾事也子當御正子之
轡銜耳子今不正轡銜使馬卒然驚妄操道中行人
必逢大敵下車免劍涉血履肝者固吾事也子寧能
碎子之轡下佐我乎其禍亦及吾身與有深憂吾安
得無呼車哉今大王曰食肉者已處之矣糞食者尚
何與焉設使食肉者一旦失計於廟堂之上若臣等
之糞食者寧得無肝膽塗地於中原之野與其禍亦
及臣之身臣與其憂深臣安得無與國家之計乎

獻公召而見之三日與語無復憂者乃立以爲師也
客謂梁王曰惠子之言事也善譬王使無譬則不能
言矣王曰諾明日見謂惠子曰願先王言事則直言
耳無譬也惠子曰今有人於此而不知彈者曰彈之
狀何若應曰彈之狀如彈則論乎王曰未論也於是
應曰彈之狀如弓而以竹爲弦則知乎王曰可知
矣惠子曰夫說者固以其所知論其所不知而使人
知之今王曰無譬則不可矣王曰善

孟嘗君寄客於齊王三年而不見用故客反謂孟嘗
君曰君之寄臣也三年而不見用不知臣之罪也君



之過也孟嘗君曰寡人聞之縷因針而入不因針而急嫁女因媒而成不因媒而親夫子之材必薄矣尚何怨乎寡人哉客曰不然臣聞周氏之營韓氏之盧天下疾狗也見菟而指屬則無失菟矣望見而放狗也則累世不能得菟矣狗非不能屬之者罪也孟嘗君曰不然昔華舟祀梁戰而死其妻悲之向城而哭隅爲之崩城爲之弛君子誠能刑於內則物應於外矣夫土壤且可爲忠况有食穀之君乎客曰不然臣見鷦鷯巢於蓬蒿者之髮毛建之女工不能爲也可謂完堅矣大風至則若折如破子死者何也其所託者使然也且夫狐者人之所攻也鼠者人之所燻也臣未嘗見穰狐見攻社鼠見燻也何則所託者然也於是孟嘗君復屬之齊齊王使爲相

陳子說梁王梁王說而疑之曰子何爲去陳侯之國而教小國之孤於此乎陳子曰夫善亦有道而過亦有時昔傳說衣褐帶劍而築於糝傳之城武丁夕夢旦得之時王也寤臧飯牛康衢擊車輻而歌頌見桓公得之時霸也百里奚自賣五羊之皮爲秦人虜穆公得之時強也論若三子之行未得爲孔子駿徒也今孔子經營天下南有陳蔡之阨而北干景公三坐



而五立未嘗離也孔子之時不行而景公之時怠也以孔子之聖不能以時行說之意亦獨能如之何乎林既表韋衣而朝齊景公齊景公曰此君子之服也小人之服也林既遽巡而作色曰夫服事何足以端士行乎昔者荆爲長綱危冠令尹子西出焉齊短衣而蓬僎之冠管仲隰朋出焉越文身髻髮范蠡大夫種出焉西戎左衽而椎結由余亦出焉即如君言衣狗裘者當犬吠衣羊裘者當羊鳴且君衣狐裘而朝意者得無爲變乎景公曰子真爲勇悍矣今未嘗見子之奇辯也一鄰之關也千乘之勝也林既曰不知生於楚逃之吳吳受而相之發兵攻楚墮平王之墓伍子胥生於楚吳善用之蠶黃生於楚走之晉治七十二縣道不拾遺民不妄得城郭不閉國無盜賊蠶黃生於楚而晉善用之今者臣之來逢公子皙濊水之上辭言上士可以託色中士可以託辭下士可以託財三言者固可得而託身耶又不知公子皙將何治也於是楚王發使一駟副使二乘追公子皙濊水之上子皙還重於楚遂伯玉之力也故詩曰誰能享魚漣之釜鶩執將西歸懷之好音此之謂也物之相得固微甚矣



叔向之弟羊舌虎善樂達達有罪於晉晉誅羊舌虎
叔向爲之奴既而祁奚曰吾聞小人得位不爭不義
君子所憂不救不祥乃往見范桓子而說之曰聞善
爲國者賞不過刑不濫賞過則懼及淫人刑濫則懼
及君子與不幸而過寧過而賞淫人無過而刑君子
故堯之刑也殛鯀於羽山而用禹周之刑也僇管蔡
而相周公不濫刑也桓子乃命史出叔向救人之患
者行危苦而不避煩辱猶不能免今祁奚論先王之
德而叔向得免焉學豈可已哉

張祿掌門見孟嘗君曰衣新而不舊倉庾盈而不虛

生於楚逃之吳吳受而相之發兵攻楚墮平王之墓
伍子齊生於楚吳善用之蠶黃生於楚走之晉治
七十二縣道不拾遺民不妄得城郭不閉國無盜賊
蠶黃生於楚而晉善用之今者臣之來逢公子皆濫
水之上辭言上士可以託色中士可以託辭下士可
以託財三言者固可得而託身耶又不知公子皆將
何治也於是楚王發使一駟副使二乘追公子皆濫
水之上子皆還重於楚遂伯玉之力也故詩曰誰能
齊魚漚之釜蓄孰將西歸懷之好音此之謂也物之
相得固微甚矣

叔向之弟羊舌虎善樂達達有罪於晉晉誅羊舌虎叔向爲之奴既而祁奚曰吾聞小人得位不爭不義君子所憂不救不祥乃往見范桓子而說之曰聞善爲國者賞不過刑不濫賞過則懼及濫人刑濫則懼及君子與不幸而過寧過而賞濫人無過而刑君子故堯之刑也殛鯀於羽山而用禹周之刑也僇管蔡而相周公不濫刑也桓子乃命吏出叔向救人之患者行危苦而不避煩辱猶不能免今祁奚論先王之德而叔向得免焉學豈可已哉

張祿掌門見孟嘗君曰衣新而不舊倉庾盈而不虛

爲之有道君亦知之乎孟嘗君曰衣新而不舊則是脩也倉庾盈而不虛則是富也爲之柰何其說可得聞乎張祿曰願君貴則舉賢富則振貧若是則衣新而不舊倉庾盈而不虛矣孟嘗君以其言爲然說其意辯其辭明日使人奉黃金百斤文織百純進之張先生先生辭而不受後先生復見孟嘗君孟嘗君曰前先生幸教文曰衣新而不舊倉庾盈而不虛爲之有說汝亦知之乎文竊說教故使人奉黃金百斤文織百純進之先生以補門內之不贍者先生曷爲辭而不受乎張祿曰君將徂君之偶錢發君之庾粟以



補士則衣弊履穿而不贍耳何暇衣新而不舊倉吏
盈而不虛乎孟嘗君曰然則爲之奈何張祿曰夫秦
者四塞國也遊宦者不得入焉願君爲吾爲丈尺之
書寄我與秦王我往而遇乎國君之入也往而不遇
乎雖人求間謀因不遇臣矣孟嘗君曰微聞命矣因
爲之書寄之秦王往而大遇謂秦王曰自祿之來入
大王之境田疇益辟吏民蓋治然而大王有一不得
者大王知之乎王曰不知曰夫山東有相所謂孟嘗
君者其人賢人天下無急則已有急則能收天下英
又雄俊之士與之合交連友者疑獨此耳然則大王
以不爲我友之手秦王曰敬受命奉千金以遺孟嘗
君孟嘗君輟食容之而寤曰此張生之所謂衣新而
不舊倉吏盈而不虛者也

莊周貧者性貸粟於魏文侯曰待吾邑粟之來而獻
之周曰乃今者周之來見道傍牛蹄中有鮒魚焉大
息謂周曰我尚可活也周曰湏我爲汝南見楚王決
江淮以溉汝鮒魚曰今吾命在盆甕之中耳乃爲我
覓楚王決江淮以溉我汝則求我枯魚之肆矣今周
以貧故來貸粟而曰湏我邑粟來也而賜臣卽來亦
求臣備肆矣文侯於是乃發粟百鍾送之莊周之室

晉平公問叔向曰歲饑民疫翟人攻我我將若何對曰歲饑來年而反矣疾疫將止矣翟人不足患也公曰患有大於此者乎對曰夫大臣重祿而不極諫近臣畏罪而不敢言左右頌寵於小官而君不知此誠患之大者也公曰善於是令國中曰欲有諫者爲隱左右言及國吏罪

趙簡子攻陶有二人先登死於城上簡子欲得之陶君不與求益疽謂陶君曰簡子將掘君之墓以與君之百姓市曰踰邑梯城者將舍之不者將掘其墓朽首揚其灰未朽者辜其尸陶君懼請効二人之尸以

爲和

子貢見太宰嚭太宰嚭問曰孔子何如對曰臣不足以知之太宰曰子不知何以事之對曰惟不知故事之夫子其猶夫山林也百姓各足其材焉太宰嚭曰子增夫子乎對曰夫子不可增也夫賜其猶一累壤也以一累壤增大山不益其高且爲不知太宰嚭曰然則子有所酌也對曰天下有大樽而子獨不酌焉不識誰之罪也

趙簡子問子貢曰孔子爲人何如子貢對曰賜不能識也簡子不說曰夫子事孔子數十年終棄而去之



寡人問子子曰不能識何也子貢曰賜譬湯者之飲
江海知足而已孔子猶江海也賜則奚足以識之簡
子曰善哉子貢之言也

齊景公謂子貢曰子謙師曰臣師仲尼公曰仲尼賢
乎對曰賢公曰其賢何若對曰不知也公曰子知其
賢而不知其奚若可乎對曰今謂天高無少長愚智
皆知高高幾何皆曰不知也是以知仲尼之賢而不
知其奚若

蘧裏子謂仲尼曰先生委質以見人主七十君矣而
無所通不識世無明君乎意先生之道固不通乎仲
尼不對異日裏子見子路曰嘗問先生以道先生不
對知而不對則隱也隱則安得爲仁若信不知安得
爲聖子路曰建天下之鳴鍾而撞之以挺豈能發其
聲乎哉君問先生無乃猶以挺撞乎

衛將軍文子問子貢曰季文子三窮而三通何也子
貢曰其窮事賢其通舉窮其富分貧其貴禮賤窮以
事賢則不侮通而舉窮則忠於朋友富而分貧則宗
族親之貴而禮賤則百姓戴之其得之固道也失之
命也曰失而不得者何也曰其窮不事賢其通不舉
窮其富不分貧其貴不禮賤其得之命也其失之固



道也

子路問於孔子曰管仲何如人也子曰大人也子路曰昔者管子說襄公襄公不說是不辯也欲立公子糾而不能是無能也家殘於齊而無憂色是不慈也桎梏而居檻車中無愀色是無愧也事所射之君是不貞也召忽死之管子不死是無仁也夫子何以大之子曰管仲說襄公襄公不說管子非不辯也襄公不知說也欲立子糾而不能非無能也不遇時也家殘於齊而無憂色非不慈也知命也桎梏居檻車而無愀色非無愧也自裁也事所射之君非不貞也知權也召忽死之管子不死非無仁也召忽者人臣之材也不死則三軍之虜也死之則名聞天下夫何為不死哉管子者天子之佐諸侯之相也死之則不免為溝中之瘠不死則功復用於天下夫何為死之哉由汝不知也

晉平公問於師曠曰咎犯與趙衰孰賢對曰陽處父欲臣文公因咎犯三年不達因趙衰三日而達智不知其士衆不智也知而不言不忠也欲言之而不敢無勇也言之而不聽不賢也

趙簡子問於成摶曰五羊殖者賢大夫也是行



奚然對曰臣搏不知也簡子曰吾聞之子與友親子而不知何也搏曰其爲人也數變其十五年也廉以不匿其過其二十也仁以喜義其三十也爲晉中軍尉勇以喜仁其年五十也爲邊城將遠者復親今臣不見五年矣恐其變是以不敢知簡子曰果賢大夫也每變益上矣

劉向說苑卷第十一

劉向說苑卷第十二

秦使

春秋之辭有相反者四既曰大夫無違事不得擅生事矣又曰出境可以安社稷利國家者則專之可也既曰大夫以君命出進退在大夫矣又曰以君命出聞喪徐行而不反者何也曰此義者各止其科不轉移也不得擅生事者謂平生常經也專之可者謂救危除患也進退在大夫者謂將帥用兵也徐行而不反者謂出使道聞君親之喪也公子子結擅生事春秋不非以爲救莊公危也公子遂擅生事春秋譏之



奚然對曰臣搏不知也簡子曰吾聞之子與友親子而不知何也搏曰其爲人也數變其十五年也廉以不匿其過其二十也仁以喜義其三十也爲晉中軍尉勇以喜仁其年五十也爲邊城將遠者復親今臣不見五年矣恐其變是以不敢知簡子曰果賢大夫也每變益上矣

劉向說苑卷第十一

劉向說苑卷第十二

秦使

春秋之辭有相反者四既曰大夫無違事不得擅生事矣又曰出境可以安社稷利國家者則專之可也既曰大夫以君命出進退在大夫矣又曰以君命出聞喪徐行而不反者何也曰此義者各止其科不轉移也不得擅生事者謂平生常經也專之可者謂救危除患也進退在大夫者謂將帥用兵也徐行而不反者謂出使道聞君親之喪也公子子結擅生事春秋不非以爲救莊公危也公子遂擅生事春秋譏之




以爲倍公無危事也故君有之而不專救是不忠也
君無危而擅生事是不臣也傳曰詩無通故易無通
吉春秋無通義此之謂也

趙王遣使者之楚方鼓瑟而遣之誠之曰必如吾言
使者曰王之鼓瑟未嘗悲若此也王曰宮商固方調
矣使者曰調則何不書其柱耶王曰天有燥濕絃有
緩急宮商移徙不可知是以不書使者曰明君之使
人也任之以事不制以辭遭吉則賀之凶則吊之今
楚趙相去千有餘里吉凶憂患不可豫知猶柱之不
可書也詩云莘莘征夫每懷靡及

楚莊王舉兵伐宋宋告急晉景公欲發兵救宋伯宗
諫曰天方開楚未可伐也乃求壯士得霍人解揚字
子虎往命宋母陽道過鄭鄭新興與楚親乃執解揚而
獻之楚楚王厚賜與約使反其言令宋趣降三要解
揚乃許於是楚乘揚以樓車令呼宋使降遂倍楚約
而致其晉君命曰晉方悉國兵以救宋宋雖急慎毋
降楚晉兵今至矣楚莊王大怒將烹之解揚曰君能
制命爲義臣能受命爲信受吾君命以出雖死無二
王曰汝之許我已而倍之其信安在解揚曰死以許
王欲以成吾君命臣不恨也何謂楚君曰爲人臣無

忘盡忠而得死者楚王諸弟皆諫王赦之於是莊王卒赦解揚而歸之晉爵之爲上卿故後世言霍虎齊攻魯子貢見哀公請求救於吳公曰奚先君寶之用子貢曰使吳費吾寶而與我師是不可恃也於是使揚幹庶筓之弓六牲子貢謂吳王曰齊爲無道欲使周公之後不血食且魯賦五百邾賦三百不識以此蓋齊吳之利與非與吳王懼乃與師救魯諸侯曰齊伐周公之後而吳救之遂朝於吳

魏文侯封太子擊於中山三年使不往來舍人趙介唐進稱曰爲人子三年不聞父問不可謂孝爲人父三年不嗔子不可謂慈君何不遣人使犬國乎太子曰願之矣未得可使者倉唐曰臣願奉使侯何嗜好太子曰侯嗜晨鳧好北犬於是乃遣倉唐繹北犬奉晨鳧獻於文侯倉唐至上謁曰孽子擊之使者不敢當大夫之朝請以燕聞奉晨鳧敬獻庖厨繹北犬敬上消人文侯悅曰擊愛我知吾所嗜好吾所好召倉唐而見之曰擊無恙乎倉唐曰唯唯如是者三乃曰君出太子而封之國君名之非禮也文侯怵然爲之變容問曰子之君無恙乎倉唐曰臣來時拜送書於庭文侯顧指左右曰子之君長執與是倉唐曰禮



擬人必於其倫諸侯無偶無所擬之曰長大孰與寡
人倉唐曰君賜之外府之裘則能勝之賜之斥帶則
更其造文侯曰子之君何業倉唐曰業詩文侯曰
於詩何好倉唐曰好展風黍離文侯自讀展風曰鷓
彼展風鬱彼北林未見君子憂心欽欽如何如何忘
我實多文侯曰子之君以我忘之乎倉唐曰不敢時
思耳文侯復讀黍離曰彼黍離離彼稷之苗行邁靡
靡中心搖搖知我者謂我心憂不知我者謂我何求
悠悠蒼天此何人哉文侯曰子之君怨乎倉唐曰不
敢時思耳文侯於是遺倉唐賜太子衣一襲勅倉唐

以鷓鳴時至太子起拜受賜發篋視衣盡顛倒太子
曰趣早駕君侯召擊也倉唐曰臣來時不受命太子
曰君侯賜擊衣不以爲寒也欲召擊無誰與謀故勅
子以鷓鳴時至詩曰東方未明顛倒衣裳顛之倒之
自公召之遂西至謁文侯大喜乃置酒而稱曰夫遠
賢而近所愛非社稷之長策也乃出少子擊封中山
而復太子擊故曰欲知其子視其友欲知其君視其
所使趙倉唐一使而文侯爲慈父而擊爲孝子太子
乃稱詩曰鳳凰于飛嗚嗚其羽亦集爰止藹藹王多
吉士維君子使媚于天子舍人之謂也



楚莊王欲伐晉使豚尹親焉反曰不可伐也其憂在
上其樂在下且賢臣在焉曰沈駒明年又使豚尹觀
反曰可矣初之賢人死矣諂諛多在君之慮者其君
好樂而無禮其下危處以怨上上下下離心與師伐之
其民必先反莊王從之果如其言矣

梁王贊其群臣而議其過任座進諫曰主君國廣以
大民堅而衆國中無賢人辯士柰何王曰寡人國小
以狹民弱臣少寡人獨治之安所用賢人辯士乎任
座曰不然昔者齊無故起兵攻魯魯君患之召其相
曰爲之柰何相對曰夫柳下惠少好學長而嘉智主

昔者試召使於齊魯君曰吾子棄士也身自使於齊

齊不聽夫柳下惠特布衣韋帶之士也使之又何益
乎相對曰臣聞之乞火不得不望其炮矣今使柳下
惠於齊縱不解於齊兵終不愈蓋攻於魯矣魯君乃
曰然乎相即使人召柳下惠來入門祛衣不趨魯君
置席而立曰寡人所謂飢而求黍糲渴而穿井者未
能以歡喜見子今國事急百姓恐懼願藉子大夫
使齊柳下惠曰諾乃東見齊侯齊侯曰魯君將懼乎
柳下惠曰臣君不懼齊侯忿然怒曰吾望而魯城茫
若類失亡國百姓發屋伐木以救城郭吾視若魯君



類吾國子曰不懼何也柳下惠曰臣之君所以不懼者以其先人出周封於魯君之先君亦出周封於齊相與出周南門刺羊而約曰自從上孫敢有相攻者令其罪若此刺羊矣臣之君固以知羊不懼矣不然百姓非不急也齊侯乃解兵三百里夫柳下惠特布衣草帶之士至解齊釋魯之難奈何無賢士聖人乎陸賈從高祖定天下名爲有口辯士居左右常使諸侯及高祖時中國初定尉佗平南越因王之高祖使陸賈賜尉佗印爲南越王陸生至尉佗惟結筭器見陸生陸生因說佗曰足下中國人親戚昆弟墳墓在

百其元今足下棄反天性捐冠帶欲以區區之越與天子抗衡爲敵國禍且及身矣且夫秦失其政諸侯豪傑並起惟漢王先入關據咸陽項籍倍約自立爲西楚霸王諸侯皆屬可謂至疆然漢王起巴蜀鞭笞天下劫諸侯遂誅項羽滅之五年之間海內平定此非人力天之所建也天子聞君王王南越不助天下誅暴逆將相欲移兵而誅王天子憐百姓新勞苦且休之遣臣授君王印剖符通使君王宜郊迎北面稱臣乃欲以新造未集之越屈強於此漢誠聞之掘燒君王先人家墓夷種宗族使一偏將將十萬衆臨越越



劉歆王已降漢如反覆手耳於是尉佗乃蹶然起坐
謝陸生曰居蠻夷中久殊失禮我因問陸生曰我孰
與蕭何曹參韓信賢陸生曰王似賢復問我孰與皇
帝賢陸生曰皇帝起豐沛討暴秦誅強楚為天下興
利除害繼五帝三王之業統理中國中國之人以億
計地方萬里居天下之膏腴人衆車與萬物殷富政
由一家自天地剖判未嘗有也今王衆不過數十萬
皆竄夷疇距山海之間譬若漢一郡何可乃比於漢
王尉佗大笑曰吾不起中國故王此使我居中國何
遽不若漢乃大悅陸生與留飲數月曰越中無足與

語至生來令我日聞所不聞焉陸生囊中裝直千金
佗送亦千金陸生拜尉佗為南越王令稱臣奉漢約
歸報高祖大悅拜為太中大夫

晉楚之君相與為好會於宛丘之上宋使人往之晉
楚大夫曰趣以見天子禮見於吾君我為見子焉使
者曰冠雖弊宜加其上履雖新宜居其下周室雖微
諸侯未之能易也師升宋城臣猶不更臣之服也揖
而去之諸大夫瞿然遂以諸侯之禮見之

越使諸發執一枝梅遺梁王梁王之臣曰韓子顧謂
左右曰惡有以一枝梅以遺列國之君者乎請為二



三子慙之出謂諸發曰大王有命客冠則以禮見不冠則否諸發曰彼越亦天子之封也不得冀竟之州乃處海垂之際屏外蕃以爲居而蛟龍又與我爭焉是以剪髮文身爛然成章以像龍子者將避水神也今大國其命冠則見以禮不冠則否假令大國之使時過弊邑弊邑之君亦有命矣曰客必剪髮文身然後見之於大國何如意而安之願假冠以見意如不安願無變國俗梁王聞之披衣出以見諸發令逐韓子詩云維君子使媚于天子君此之謂也

梁王使吳王謂行人曰吾聞晏嬰蓋北方之辯於辭習於禮者也命饋者客見則稱天子明日晏子有事行人曰天子請見晏子愾然者三曰臣受命弊邑之君將使於吳王之所不佞而迷惑入于天子之朝敢問吳王惡乎存然後吳王曰夫差請見見以諸侯之禮

景公使晏子使於楚楚王進橘置削晏子不削而并食之楚王曰橘當去削晏子對曰臣聞之賜人主前者瓜挑不削橘柚不削今萬乘無教臣不敢削然臣非不知也

晏子將使荆荆王聞之謂左右曰晏子賢人也今方



來欲辱之何以也左右對曰爲其來也臣請縛一人過王而行於是荆王與晏子立語有縛一人過王而行王曰何爲者也對曰齊人也王曰何坐曰坐盜王曰齊人固盜乎晏子反顧之曰江南有橘齊王使人取之而植之於江北生不爲橘乃爲枳所以然者何其土地使之然也今齊人居齊不盜來之荆而盜得無土地使之然乎荆王曰吾欲傷子而反自中也

晏子使楚晏子短楚人爲小門於大門之側而延晏子晏子不入曰使至狗國者從狗門入今臣使楚不當從此門領者更從大門入見楚王王曰齊無人耶

晏子對曰齊之臨淄三百闔張袂成帷揮汗成雨此有繼踵而在何爲無人王曰然則何爲使子晏子對曰齊命使各有所主其賢者使賢主不肖者使不肖主嬰最不肖故宜使楚耳

秦楚戰兵秦王使人使楚楚王使人戲之曰子來亦卜之乎對曰然卜之謂何對曰吉楚人曰噫甚矣子之國無良龜也王方殺子以爰鍾其言如何使者曰秦楚戰兵吾王使我先窺我死而不還則吾王知警戒整齊兵以備楚是吾所謂吉也且使死者而無知也又何憂於鍾死者而有知也吾豈錯秦相楚哉我



將使楚之鍾鼓無聲鍾鼓無聲則將無以整齊其士卒而理君軍夫殺人之使絕人之謀非古之通議也子大夫試執計之使者以報楚王楚王赦之此之謂造命

楚使使聘於齊齊王饗之梧宮使者曰大哉梧子王曰江漢之魚吞舟大國之樹必巨使何怪焉使者曰昔燕攻齊邊雒路渡濟橋焚雜門擊齊左而虛其右王歇絕頸而死於杜山公孫差格死於龍門飲馬于淄澠定獲乎環邪王與太后奔于莒逃於城陽之山當此之時則梧之大何如乎王曰陳先生對之陳子曰臣不如小教王曰刀先生應之刀教曰使者問魯之年耶昔者荆平王爲無道加諸申氏殺子胥父與其兄子胥被髮乞食於吳閭廬以爲將相三年將吳兵復擊平楚戰勝乎柏舉級頭百萬蒙瓦奔鄭王保於隨引師入郢軍雲行乎郢之都子胥親射宮門掘平王冢答其墳數以其罪曰吾先人無罪而子殺之士卒人加百焉然後止當若此時梧可以爲其相矣蔡使師強王堅使於楚楚王聞之曰人名多章章者獨爲師強王堅乎趣見之無以次視其人狀疑其名而醜其聲又惡其形楚王大怒曰今蔡無人乎國可



伐也有人不違乎國可伐也端以此人誠寡人乎國可伐也故發二使見三謀伐者祭也

趙簡子將襲衛使史黯往視之期以一月六日而後反簡子曰何其久也黯曰謀利而得害由不察也今蓬伯玉爲相也爲佐爲孔子爲客子貢使令於君前其聽易曰渙其群元吉渙者賢也群者象也元者吉之始也渙其群元吉者其佐多賢矣簡子按兵而不動耳

魏文侯使舍人毋擇獻鶴於齊侯毋擇行道失之徒獻空籠見齊侯曰寡君使臣毋擇獻鶴道飢渴臣出而飲食之而鶴飛冲天遂不復反念思非無錢以買鶴也惡有爲其君使輕易其幣者乎念思非不能拔劍劍頭腐肉暴骨於中野也爲吾君貴鶴而賤士也念思非不敢走陳蔡之間也惡絕兩君之使故不敢愛身逃死來獻空籠唯主君斧質之誅齊侯大悅曰寡人今者得茲言三賢於鶴遠矣寡人有都郊地百里願獻于大夫以爲湯沐邑毋擇對曰惡有爲其君使而輕易其幣而利諸侯之地乎遂出不反



劉向說苑卷第十二

劉向說苑卷第十三

權謀

聖王之舉事必先諱之於謀慮而後考之於著龜白
屋之士皆闕其謀翊莖之役咸盡其心故萬舉而無
遺籌失策傳曰衆人之智可以測天兼聽獨斷惟在
一人此大謀之術也謀有二端上謀知命其次知事
知命者預見存亡禍福之原早知盛衰廢興之始防
事之未萌避難於無形若此人者居亂世則不害於
其身在乎太平之世則必得天下之權彼知事者亦
尚矣見事而知得失成敗之分而究其所終極故無



劉向說苑卷第十二

劉向說苑卷第十三

權謀

聖王之舉事必先諳之於謀慮而後考之於著龜白
屋之士皆闢其謀翊莖之役咸盡其心故萬舉而無
遺籌失策傳曰衆人之智可以測天兼聽獨斷惟在
一人此大謀之術也謀有二端上謀知命其次知事
知命者預見存亡禍福之原早知盛衰廢興之始防
事之未萌避難於無形若此人者居亂世則不害於
其身在乎太平之世則必得天下之權彼知事者亦
尚矣見事而知得失成敗之分而究其所終極故無



敗業廢功孔子曰可與適道未可與權也夫非知命
知事者孰能行權謀之術夫權謀有正有邪君子之
權謀正小人之權謀邪夫正者其權謀公故其爲百
姓盡心也誠彼邪者好私尚利故其爲百姓也詐夫
詐則亂誠則平是故堯之九臣誠而能興於朝其四
臣詐而誅於野誠者隆至後世詐者當身而滅知命
知事而能於權謀者必察誠詐之原而以處身焉則
是亦權謀之術也夫知者舉事也滿則慮謙平則慮
險安則慮危曲則慮直由重其深惟恐不及是以百
舉而不陷也

楊子曰事之可以之生可以之死可以之富者其傷行者也事
之可以之生可以之死可以之富者其傷行者也事
智而不知命故其知多疑語曰知命者不惑晏嬰是
也

趙簡子曰晉有澤鳴犢犢魯有子丘吾殺此三人則
天下可圖也於是乃召澤鳴犢犢任之以政而殺之
使人聘孔子於魯孔子至河臨水而觀曰美哉水洋洋
乎丘之不濟於此命也夫子路趨進曰敢問奚謂
也孔子曰夫澤鳴犢犢魯晉國之賢大夫也趙簡子之
未得志也與之同聞見及其得志也殺之而後從政



故丘聞之刺胎楚天則麒麟不至乾澤而激蛟龍不
遊覆巢毀卵則鳳凰不翔丘聞之君子重傷其類者
也

孔子與齊景公坐左右白曰周使來言周廟燔齊景
公出問曰何廟也孔子曰是釐王廟也景公曰何以
知之孔子曰詩云皇皇上帝其命不忒天之與人必
報有德禍亦如之夫釐王變文武之制而作玄黃宮
室與馬奢侈不可振也故天殃其廟是以知之景公
曰天何不殃其身曰天以文王之故也若殃其身文
王之祀無乃絕乎故殃其廟以章其過也左右入報
曰居釐王廟也景公大驚起再拜曰善哉聖人之智
豈不大乎

齊桓公與管仲謀伐莒謀未發而聞于園桓公怪之
以問管仲管仲曰國必有聖人也桓公歎曰歎日之
役者有執柘杵而上視者意其是耶乃令復役無得
相代少焉東郭垂至管仲曰此必是也乃令饋者延
而進之分級而立管仲曰子言伐莒者也對曰然管
仲曰我不言伐莒子何故言伐莒對曰臣聞君子善
謀小人善意臣竊意之也管仲曰我不言伐莒子何
以意之對曰臣聞君子有三色優然喜樂者鍾鼓之



色愀然清靜者綏經之色勃然充滿者此兵革之色也日者臣望君之在臺上也勃然充滿此兵革之色君吁而不吟所言者莒也君舉臂而指所當者莒也臣竊慮小諸侯之未服者其惟莒乎臣故言之君子曰凡耳之聞以聲也今不聞其聲而以其容與臂是東郭垂不以耳聽而聞也桓公管仲雖善謀不能隱聖人之聽於無聲視於無形東郭垂有之矣故桓公乃尊祿而禮之

晉太史屠餘見晉國之亂見晉平公之驕而無德義也以共國法歸周周威公見而問焉曰天下之國其孰先亡對曰晉先亡威公問其說對曰臣不敢直言示晉公以天妖日月星辰之行多不當曰是何能然示以人事多不義百姓多怨曰是何傷示以鄰國不服賢良不興曰是何害是不知所以存所以亡故臣曰晉先亡居三年晉果亡威公又見屠餘而問焉曰孰次之對曰中山次之威公問其故對曰天生民令有辨有辨人之義也所以異於禽獸麋鹿也君臣上下所以立也中山之俗以晝爲夜以夜繼日男女切躋固無休息淫昏康樂歌謳好悲其主弗知惡此亡國之風也臣故曰中山次之居二年中山果亡威公



又見屠餘而問曰孰次之屠餘不對威公因請屠餘曰君次之威公懼求國之長者得欒囂田邑而禮之又得史理趙奚以爲諫臣去苛令三十九物以告屠餘屠餘曰其尚終君之身臣聞國之典也天道之賢人典之極諫之士國之亡也天典之亂人與善決者威公薨九月不得葬周乃分而爲二故有道者言不可不重也

齊侯問於晏子曰當今之時諸侯孰危對曰莒其亡乎公曰奚故對曰地侵於齊貨竭於晉是以亡也

智伯從韓魏之兵以攻趙圍晉陽之城而澆之城不

澆者三板締魏謂智伯曰韓魏之君必反矣智伯曰何以知之對曰夫勝趙而三分其地今城未沒者三板曰竄生蠱人馬相食城降有日矣而韓魏之君無善志而有憂色是非反何也明日智伯謂韓魏之君曰疵言君之反也韓魏之君曰必勝趙而三分其地今城將勝矣夫二家雖愚不棄美利而借約爲難不可成之事其勢可見也是疵必爲趙說君且使君疑二主之心而解於攻趙也今君聽議臣之言而離二主之交爲君惜之智伯出欲殺締疵締逃韓魏之君果反



魯公索氏將祭而亡其牲孔子聞之曰公索氏比及三年必亡矣後一年而亡弟子問曰昔公索氏亡牲天子曰比及三年必亡矣今期年而亡夫子何以知其將亡也孔子曰祭之爲言索也索也者盡也乃老子所以自盡於親也至祭而亡其牲則餘所亡者多矣吾以此知其將亡也

蔡侯宋公鄭伯朝於晉蔡侯謂叔向曰子亦奚以語我對曰蔡言地計衆不若宋鄭其車馬衣裘侈於二國諸侯其有國祭者乎處期年荆伐蔡而殘之白圭之中山中山王欲留之固辭而去又之齊齊王

亦欲留之又辭而去人問其辭白圭曰二國將亡其所學者國有五盡故莫之必忠則言盡矣莫之必舉則名盡矣莫之必愛則親盡矣行者無穰居者無食則財盡矣不能用人又不能自用則功盡矣國有此五者毋幸必亡中山與齊皆當此若使中山之與齊也聞五盡而更之則必不亡也其患在不聞也雖聞又不信也然則人主之務在乎善聽而已矣

下蔡威公閉門而哭三日三夜泣盡而繼以血旁鄰窺牆而問之曰子何故而哭悲若此乎對曰吾國且亡曰何以知也應之曰吾聞病之將死也不可爲良



醫國之將亡也不可為計謀吾數諫吾君君不用是以知國之將亡也於是窺墻者聞其言則舉宗而去之於楚居數年楚王果舉兵伐蔡窺墻者為司馬將兵而往來虜甚眾問曰得無有昆弟故人乎見威公縛在虜中問曰若何以至於此應曰吾何以不至於此且吾聞之也言之者行之之役也行之者言之主也汝能行我能言汝為主我為役吾亦何以不至於此哉窺墻者乃言之於楚王遂解其縛與俱之楚故曰能言者未必能行能行者未必能言

管仲有疾桓公往問之曰仲父若棄寡人吾才可使從政乎對曰不可堅刁自刑以求入君其身之忍難何有於君公曰然則易牙可乎對曰易牙解其子以食君其子之忍將何有於君若用之必為諸侯笑及桓公歿堅刁易牙乃作難桓公死六十日蟲出於戶而不收

石乞侍坐於屈建屈建曰白公其為亂乎石乞曰是何言也白公至於室無營所下士者三人與已相若臣者五人所與同衣食者千人白公之行若此何故為亂屈建曰此建之所謂亂也以君子行則可於國家行過禮則國家疑之且苟不難下其臣必不難高



其君矣建是以知夫子將為亂也處十月白公果為

亂

韓昭侯造作高門屈宜咎曰昭侯不出此門曰何也
曰不時吾所謂不時者非時日也人固有利不利昭
侯審利矣不作高門往年秦拔宜陽明年大旱民饑
不以此時恤民之急也而顧反蓋奢此所謂福不重
至禍必重來者也高門成昭侯卒竟不出此門

田子頽自六術至乎平陵城下見人子問其父見人
父問其子田子方曰其以平陵反乎互闢行於內然
後施於外子頽欲使其眾甚矣後果以平陵叛

晉人已勝智氏歸而繕甲砥真楚王恐召梁公弘曰
晉人已勝智氏矣歸而繕甲兵其以我為事乎梁公
曰不患害其在吳乎夫吳君恤民而同其勞使其民
重上之令而人輕其死以從上使如厲之戰臣登山
以望之見其用百姓之信必也勿已乎其備之若何
不聽明年闔廬襲郢

楚莊王欲伐陳使人視之使者曰陳不可伐也莊王
曰何故對曰其城郭高溝壑深蓄積多其國寧也王
曰陳可伐也夫陳小國也而蓄積多蓄積多則賦歛
重賦歛重則民怨上矣城郭高溝壑深則民力罷矣



與師伐之遂取陳

石益謂孫伯曰吳將亡矣吾子亦知之乎孫伯曰晚矣子之知之也吾何爲不知石益曰然則子何以不諫孫伯曰昔桀罪諫者紂焚聖人剖王子比干之心素氏之婦絡而失其紀其妻告之怒棄之夫亡者豈斯人知其過哉

孝宣皇帝之時霍氏奢靡茂陵徐先生曰霍氏必亡夫在人之右而奢亡之道也孔子曰奢則不遜夫不遜者必侮上侮上者逆之道也出人之右人必害之今霍氏秉權天下之人疾害之者多矣夫天下害之

而又以逆道行之不亡何待乃上書言霍氏奢靡陛下即愛之宜以時抑制無使至於亡書三上輒報聞其後霍氏果滅董忠等以其功封人有爲徐先生上書曰臣聞客有過主人者見竈直埃傍有積薪客謂主人曰曲其埃遠其積薪不者將有火患主人嘿然不應居無幾何家果失火鄉聚里中人哀而救之火幸息於是殺牛置酒燔爨灼爛者在上行餘各用功次坐而反不錄言曲埃者向使主人聽客之言不費牛酒終無火患今茂陵徐福數上書言霍氏且有變宜防絕之向使福說得行則無裂地出爵之費而國



安乎自如今往事既已而福稱不得與其功惟陛下
察客徒新曲壞之策而使居燔燬灼爛之右書奏工
使人賜徐福帛十四拜為郎

齊桓公將伐山戎孤竹使人請助於魯魯君遣莒臣
而謀皆曰師行數千里入蠻夷之地必不反矣於是
魯許助之而不行齊已伐山戎孤竹而欲移兵於魯
管仲曰不可諸侯未親今又伐遠而還誅近鄰鄰國
不親非霸王之道君之所得山戎之寶器者中國之
所鮮也不可以不進周公之廟乎桓公乃分山戎之
寶獻之周公之廟明年起兵伐莒魯下令丁男悉發
五尺童子皆至孔子曰聖人轉禍為福報怨以德此
之謂也

中行文子出亡至邊從者曰為此畜夫者君人也胡
不休焉且待後車者文子曰異日吾好音此子遺吾
琴吾好佩又遺吾玉是不非吾過者也自容於我者
也吾恐其以我求客也遂不入後車入門文子問齊
夫之所在執而殺之仲尼聞之曰中行文子背道失
義以亡其國然後得之猶活其身道不可遺也若此
衛靈公禘祫以與婦人游子貢見公公曰衛其亡乎
對曰昔者夏桀殺紂不任其過故亡成湯文武知任



其過故輿衛奚其云也

智伯請地於魏宣子宣子不予任增曰何為不予宣子曰彼無故而請地吾是以不予任增曰彼無故而請地者無故而與之是重欲無厭也彼喜必又請地於諸侯諸侯不與必怒而伐之宣子曰善遂與地智伯喜又請地於趙趙不與智伯怒圍晉陽韓魏合趙而反智氏智氏遂滅

楚莊王與晉戰勝之懼諸侯之畏已也乃築爲五仞之臺臺成而鷓諸侯請約莊王曰茂薄德之人也諸侯請爲觴乃仰而曰將將之臺官官其謀我言而不當諸侯伐之於是遠者來朝近者入賓

吳王夫差破越又將伐陳楚大夫皆懼曰昔闔廬能用其衆故破我於柘皋今聞夫差又甚焉子西曰二三子恤不相睦也無患吳矣昔闔廬食不貳味處不重席擇不取費在國天有災親戚之因而供之在軍食熟者半而後食其所嘗者卒乘必與焉是以民不罷勞死知不曠今夫差次有臺榭陂池焉宿有妃嬪嬪御焉一日之行所欲必成玩好必從珍異是聚夫羞先自敗已焉能敗我

越破吳諸師於楚以伐晉楚王與大夫皆懼將許之




左史倚相曰此恐吾攻已故示我不病請為長數千
乘卒三萬與分吳地也莊王聽之遂取東國

陽虎為難於魯走之齊請師攻魯齊侯許之鮑文子
曰不可也陽虎欲齊師破齊師破大臣必多死於是
欲奮其詐謀夫虎有寵於季氏而將殺季孫以不利
魯圍而容其求焉今君富於季氏而大於魯國茲陽
虎所欲傾覆也魯免其疾而君又收之母乃害乎齊
君乃執之免而奔晉

湯欲伐桀伊尹曰請阻之貢職以觀其動桀怒起九
夷之師以伐之伊尹曰未可彼尚猶能起九夷之師
是罪在我也湯乃謝罪請服復入貢職明年又不供
貢職桀怒起九夷之師九夷之師不起伊尹曰可矣
湯乃興師伐而殘之遷桀南巢氏焉

武王伐紂過隧斬所過水折舟過谷發梁過山焚萊
示民無返志也至於有戎之隧大風折旆散宜生諫
曰此其妖與武王曰非也天落兵也風震而乘以大
雨水平地而書散宜生又諫曰此其妖歟武王曰非
也天酒兵也卜而龜燔散宜生又諫曰此其妖歟武
王曰不利以禱祠利以擊衆是燔之已故武王順天
地犯三妖而禽紂於牧野其所獨見者精也



晉文公與荆人戰於城濮君問於答犯答犯對曰服義之君不足於信服戰之君不足於詐詐之而已矣君問於雍季雍季對曰焚林而田得獸雖多而明年無復也乾澤而漁得魚雖多而明年無復也詐猶可以偷利而後無報遂與荆軍戰大敗之及賞先雍季而後答犯侍者曰城濮之戰答犯之謀也君曰雍季之言百世之謀也答犯之言一時之權也寡人既行之矣

城濮之戰文公謂答犯曰吾卜戰而龜燔我迎歲彼背歲昔星見彼操其柄我操其標吾又夢與荆王搏彼在上我在下吾欲無戰子以為何如答犯對曰卜戰龜燔是荆人也我迎歲彼背歲彼去我從之也昔星見彼操其柄我操其標以掃則彼利以擊則我利君夢與荆王搏彼在上君在下則君見天而荆王伏其罪也且吾以宋衛為主齊秦輔我合天道獨以人事固將勝之矣文公從之荆人大敗

趙盾句踐懼四水進諫曰夫饑越之福也而吳之禍也夫吳國甚富而財有餘其君好名而不思後患若我早辭重幣以請釋於吳吳必與我與我則吳可取也越王從之吳將與之子胥諫曰不可夫吳越接地



鄰境道易通仇讐敵戰之國也非吳有越越必有吳矣夫齊晉不能越三江五湖以亡吳越不如因而攻之是吾先王闔廬之所以霸也且夫無何哉亦猶淵也敗伐之事誰國無有君若不攻而輸之糧則利去而凶至財匱而民怨悔無及也吳王曰吾聞義兵不服仁人不以饑餓而攻之雖得十越吾不為也遂與糴三年吳亦糴請糴於越越王不與而攻之遂破吳趙簡子使成何涉他與衛靈公盟於荊澤靈公未喋盟成何涉他搜靈公之手而搏之靈公怒欲反趙王孫商曰君欲反趙不如與百姓同惡之公曰若何對

曰請命臣令於國曰有姊妹女者家一人質於趙百姓必怨君因反之矣君曰善乃令之三日遂徵之五日而令卑國人巷哭君乃召國大夫而謀曰趙爲無道反之可乎大夫皆曰可乃出西門閉東門趙氏聞之縛涉他而斬之以謝於衛成何走燕子貢曰王孫商可謂善謀矣憎人而能害之有患而能處之欲用民而能附之一舉而三物俱至可謂善謀矣

楚成王贊諸屬諸侯使魯君爲侯魯君致大夫而謀曰我雖小亦周之建國也今成王以我爲僕可乎大夫皆曰不可公儀休曰不可不聽楚王身死國亡君



之臣乃君之有也爲民君也魯君遂爲僕

齊景公以其子妻閔廡送諸郊泣曰余死不汝見矣
高夢子曰齊負海而縣山縱不能全收天下誰干我
君愛則勿行公曰余有齊國之固不能以令諸侯又
不能聽是生亂也寡人聞之不能令則莫若從且夫
吳若蜂蠆然不棄毒於人則不靜余恐棄毒於我也
遂遣之

齊欲妻鄭太子忽太子忽辭人問其故太子曰人各
有偶齊大非吾偶也詩云自求多福在我而已矣後
戎伐齊齊請師於鄭鄭太子忽率師而救齊大敗戎
師齊又欲妻之太子固辭人問其故對曰無事於齊
吾猶不敢今以君命救齊之急受室以歸人其以我
爲師婚乎終辭之

孔子問漆雕馬人曰子事臧文仲武仲孺子容三大
夫者孰爲賢漆雕馬人對曰臧氏家有龜焉名曰蔡
文仲立三年爲一兆焉武仲立三年爲二兆焉孺子
容立三年爲三兆焉馬人見之矣若夫三大夫之賢
不賢馬人不識也孔子曰君子哉漆雕氏之吾其言
人之美也隱而顯其言人之過也微而著故智不能
及明不能見得無數乎

太子商臣怨令尹子上也楚攻陳晉救之夾泆水而
軍陽處父知商臣之怨子上也因謂子上曰少却吾
涉而從于子上却因令晉軍曰楚遁矣使人告商臣
曰子上受晉賂而去之商臣許之成王成王遂殺之
智伯欲襲衛故遺之乘馬先之一壁衛君大悅酌酒
諸大夫皆喜南文子獨不喜有憂色衛君曰大國禮
寡人寡人故酌諸大夫酒諸大夫皆喜而子獨不喜
有憂色者何也南文子曰無方之禮無功之賞禍之
先也我未有往彼有以來是以憂也於是衛君乃修
宗津而擬邊城智伯聞衛兵在境上乃還

智伯欲襲衛乃佯亡其太子顛使奔衛南文子曰太
子顛之爲其君子也甚愛非有大罪也而亡之必有
故然人亡而不受不祥使吏逆之曰車過五乘慎勿
內也智伯聞之乃止

叔向之殺襄弘也數見襄弘於周因佯遺書曰襄弘
謂叔向曰子起晉國之兵以攻周吾廢劉氏而立單
氏劉氏請之君曰此襄弘也乃殺之

楚公子午使於秦秦囚之其弟獻三百金於叔向叔
向謂平公曰何不城壺丘秦楚患壺丘之城若秦恐
不亡公子午以正吾城也君乃止雖亦未備楚必德

君平公曰善乃城之秦恐遂歸公子午使之晉晉人
輟城楚獻晉賦三百車


趙簡子使人以明白之乘六先以一璧爲遺於衛衛
叔文子曰見不意可以生故此小之所以事大也今
我未以往而簡子先以來必有故於是靳林除圍聚
斂蓄積而後遣使者簡子曰吾舉也爲不可知也今
既已知之矣乃輟圍衛也

鄭桓公將欲襲鄭先問鄭之辨智果敢之士書其名
姓擇鄭之良臣而與之爲官爵之名而書之因爲設
壇於門外而埋之囊之以假若盟狀鄭君以爲內難
也盡殺其良臣桓公因襲之遂取鄭

鄭桓公東會封於鄭蒹舍於宋東之逆旅逆旅之叟
從外來曰客將焉之曰會封於鄭逆旅之叟曰吾聞
之時難得而易失也今客之寢安殆非封也鄭桓公
聞之拔轡自駕其僕接淅而載之行十日夜而至釐
何與之爭封故以鄭桓公之賢微逆旅之叟幾不會
封也



劉白說苑卷第十三





國立中央圖書館 臺灣分館





國立中央圖書館, 臺灣, 民國



202500 NATIONAL CENTRAL LIBRARY, TAIWAN R.O.C



子曰
不
其
下
我
下
其
之
所
不





國立中央圖書館 臺灣分館

244178-44



禮記說苑卷第十四

至公

書曰不偏不黨王道蕩蕩言至公也古有行大公者
帝堯是也貴為天子富有天下得舜而傳之不私於
其子孫也去天下若遺矧於天下猶然况其細於天
下乎非帝堯孰能行之孔子曰巍巍乎惟天為大惟
堯則之易曰無首吉此蓋人君之公也夫以公與天
下其德大矣推之於此刑之於彼萬姓之所載後世
之所則也彼人臣之公治官事則不營私家在公門
則不言貨利當公法則不阿親戚奉公舉賢則不避



仇慝惠於事君仁於利下推之以恕道行之以不黨
伊呂是也故顯名存於今是之謂公詩云周道如砥
其直如矢君子所履小人所視此之謂也夫公生明
偏生暗端慝生達詐僞生塞誠信生神夸誕生惑此
六者君子之所慎也而禹桀之所以分也詩云疾威
上帝其命多僻言不公也

吳王壽夢有四子長曰謁次曰餘祭次曰夷昧次曰
季札號曰延陵季子最賢三兄皆知之於是王壽夢
壽謁以位讓季子季子終不肯當謁乃爲約曰季子
賢使國及季子則吳可以興乃兄弟相繼飲食必祝

曰使吾早死令國及季子謁死餘祭立餘祭死夷昧
立夷昧死次及季子季子時使行不在庶兄僚曰我
亦兄也乃自立爲吳王季子使還復事如故謁子光
曰以吾父之意則國當歸季子以繼嗣之法則我適
也當代之君僚何爲也於是乃使專諸刺僚殺之以
位讓季子季子曰爾殺吾君吾受爾國則吾與爾爲
共篡也爾殺吾兄吾又殺汝則是昆弟父子相殺無
已時也卒去之延陵終身不入吳君子以其不殺爲
仁以其不取國爲義夫不以國私身捐于乘而不恨
棄尊位而無忿可以庶幾矣



諸侯之義死社稷太王委國而去何也夫聖人不欲強暴侵陵百姓故使諸侯死國守其民太王有至仁之恩不忍戰百姓故事黜育戎氏以犬馬珠幣而伐不止問其所欲者土地也於是厲其羣臣耆老而告之曰土地者所以養人也不以所以養而害其養也吾將去之遂居岐山之下邠人負芻扶老從之如歸父母三遷而民五倍其初者皆典仁義趣上之事君子子國安民非特闢兵能殺士衆而已不私其身惟足用保民蓋所以去國之義也是謂至公耳

辛櫟見魯穆公曰周公不如太公之賢也穆公曰子

何以言之辛櫟對曰周公擇地而封曲阜太公擇地而封營丘爵土等其地不若營丘之美人民不如營丘之衆不徒若是營丘又有天固穆公心慙不能應也辛櫟趨而出南宮遼子入穆公具以辛櫟之言語南宮遼子南宮遼子曰昔周成王之卜居成周也其命龜曰予一人兼有天下辭就百姓敢無中土乎使予有罪則四方伐之無難得也周公卜居曲阜其命龜曰作邑乎山之陽賢則茂昌不賢則速亡季孫行父之戒其子也曰吾欲室之使於兩社之間也使吾後世有不能事上者使其替之蓋速如是則曰賢則



茂昌不賢則速正安在擇地而封哉或亦有天固也
辛櫟之言小人也子無復道也

秦始皇帝既吞天下乃召羣臣而議曰古者五帝禪
賢三王世繼孰是也為之得士七十人未對鮑白令
之對曰天下官則讓賢是也天下家則世繼是也故
五帝以天下為官三王以天下為家秦始皇帝仰天
而歎曰吾德出于五帝吾將官天下誰可使代我後
者鮑白令之對曰陛下行桀紂之道欲為五帝之禪
非陛下所能行也秦始皇帝大怒曰今之前若何以
言我行桀紂之道也趙詵之不解則死令之對曰臣

請說之陛下築臺于雲宮殿五里建千石之鐘萬
之虞婦女連百倡優累千典作驪山宮室至雍相繼
不絕所以自奉者殫天下竭民力偏駁自私不能以
及人陛下所謂自營僅存之主也何暇比德五帝欲
官天下哉始皇聞然無以應之而有愠色久之曰令
之之言乃令衆醜我遂罷謀無禪意也

齊景公嘗賞賜及後宮文繡被臺榭菽粟食梟鴈出
而見殫謂晏子曰此何為死晏子對曰此饑而死公
曰曷寡人之無德也何其矣晏子對曰君之德著而
彰何為無德也景公曰何謂也對曰君之德及後宮



與臺榭君之玩物衣以文繡君之鳥鴈食以菽粟君
之管內自樂送及後宮之族何爲其無德也顧臣願
有請於君由君之意自樂之心推而與百姓同之則
何殲之有君不推此而苟營內好私使財貨備有所
聚菽粟帶帛腐於困甍惠不過加于百姓公心不周
乎國則桀紂之所以亡也夫士民之所以叛由偏之
也君如察臣嬰之言推君之盛德公布之於天下則
湯武可爲也一旌何足恤哉

楚共王出獵而遺其弓左右請求之共王曰止楚
遺弓楚人得之又何求焉仲尼聞之曰惜乎其不

亦曰人遺弓人得之而已何必楚也仲尼所謂大公
也

萬章問曰孔子於衛主雍雖於齊主寺人蔣環有諸
孟子曰否不然好事者爲之也於衛主顏譽由彌子
之妻與子路之妻兄弟也彌子謂子路曰孔子主我
衛帥可得也子路以告孔子曰有命孔子進之以禮
退之以節得之不得曰有命而主雍雖與寺人蔣環
是無命也孔子不說於魯衛將適宋遭桓司馬將要
而殺之微服過宋是孔子嘗厄主司城貞子爲陳侯
周臣吾聞之觀近臣以其所爲之主觀遠臣以其所



主如孔子主雍雎與寺人瘠環何以為孔子乎

夫人行說七十諸侯無定處意欲使天下之民各得其所而道不行退而脩春秋采毫毛之善貶纖介之惡人事決王道備精和聖制上通於天而麟至此天之知夫子也於是喟然而歎曰天以至明為不可蔽乎日何為而食地以至安為不可危乎地何為而動天地而尚有動蔽是故賢聖說於世而不得行其道故災異並作也夫子曰不怨天不尤人下學而上達知我者其六乎

孔子生於亂世莫之能容也故言行於君澤加於民

然後仕言不行於君澤不加於民則處孔子懷天履之心挾仁聖之德憫時俗之汙泥傷紀綱之廢壞服重歷速周流應聘乃俛幸施道以子百姓而當世諸侯莫能任用是以德積而不肆大道屈而不伸海內不蒙其化羣生不被其恩故喟然嘆曰而有用我者則吾其為東周乎故孔子行說非欲私身運德於一城將欲舒之於天下而建之於羣生者耳

秦晉戰交敵秦使人謂晉將軍曰三軍之士皆未息明日請復戰史駢曰使者目動而言肆懼我將遁矣迫之河必敗之趙盾曰死傷未收而棄之不惠也不



待期而追人於險無勇也請待秦人夜遁

子胥將之吳辭其友申包胥曰後三年楚不亡吾不見子矣申包胥曰子其勉之吾未可以助子助子是伐宗廟也止子是無以爲友雖然子亡之我存之於是乎觀楚一存一亡也後三年吳師伐楚昭王出走申包胥不受命西見秦伯曰吳無道兵強人衆將征天下始於楚寡君出走居雲夢使下臣告急哀公曰諾因將圖之中包胥不罷朝立於秦庭晝夜哭七日七夜不絕聲秦伯曰有臣如此可不救乎興師救楚吳人聞之引兵而還昭王反復欲封申包胥申包胥

辭曰救亡非爲名也功成受賜是官勇也辭不受遂退隱終身不見詩云凡民有喪匍匐救之

楚令尹虞丘子復於莊王曰臣聞奉公行法可以得榮能淺行薄無望上位不名仁智無求顯榮才之所不著無當其處臣爲令尹十年矣國不加治獄訟不息處士不升淫禍不討久踐高位妨羣賢路尸祿素養貪欲無厭臣之罪當稽於理臣竊遜國俊下里之士曰孫叔敖秀胤多能其性無欲君舉而授之政則國可使治而士民可使附莊王曰子輔寡人寡人得以長於中國今行於絕域遂霸諸侯非子如何虞丘

子曰久固祿位者貪也不進賢達能者誣也不讓以位者不廉也不能三者不忠也為人臣不忠君王又何以爲忠臣願固辭莊王從之賜虞子菜地三百號曰國老以孫叔敖爲令尹少焉虞丘子家于法孫叔敖執而戮之虞丘子意入見於王曰臣言孫叔敖果可使持國政奉國法而不黨施刑戮而不私可謂公平莊王曰夫子之賜也已

趙宣子言韓獻子於晉侯曰其爲人不黨治衆不亂臨死不恐晉侯以爲中軍尉河曲之役趙宣子之車千行韓獻子戮其僕人皆曰韓獻子必死矣其主朝昇之而暮戮其僕誰能待之役罷趙宣子爲大夫爵三行曰二三子可以賀我二三子曰不知所賀宣子曰我言韓厥於君言之而不當必受其刑今吾車失次而戮之僕可謂不黨矣是吾言當也二三子再拜稽首曰不惟晉國壤享之乃唐叔是賴之敢不再拜稽首子

晉文公問於咎犯曰誰可使爲西河守者咎犯對曰虞子羔可也公曰非汝之譽也對曰君問可爲守者非問臣之譽也羔見咎犯而謝之曰幸以臣之過薦之於君得爲西河守咎犯曰薦子者公也怨子者私



也吾不以私事害公義子其去矣願吾射子也

楚文王伐鄧使王子革王子靈共挾萊二子出採見
老丈人載春乞焉不與搏而奪之王聞之令皆拘二
子將殺之大夫辭曰取春信有罪然殺之非其罪也
君若何殺之言卒丈人造軍而言曰鄧為無道故伐
之令君公之子之搏而奪吾春無道甚於鄧時天而
號君聞之羣臣恐君見之曰討有罪而橫奪非所以
禁暴也恃力虐老非所以教幼也愛子棄法非所以
保國也私二子滅三行非所以從政也丈人舍之矣
謝之軍門之外耳

楚令尹子文之族有干法者廷理拘之聞其令尹之
族也而釋之子文召廷理而責之曰凡立廷理者將
以司犯王令而察觸國法也夫直士持法柔而不撓
剛而不折今棄法而背令而釋犯法者是為理不端
懷心不公也豈吾管私之意也何廷理之駁於法也
吾在上位以率士民士民或怨而吾不能免之於法
今吾族犯法甚明而使廷理因緣吾心而釋之是吾
不公之心明著於國也執一國之柄而以私聞與吾
生不以義不若吾死也遂致其族人於廷理曰不是
刑也吾將死廷理懼遂刑其族人成王聞之不及屬



而至于子文之室曰寡人幼少置理失其人以違夫子之意於是黜廷理而尊子文使及內政國人聞之曰若令尹之公也吾寧何憂乎乃相與作歌曰子文之族犯國法程廷理釋之子文不聽恤顧怨前方正公平

死莊王有茅門者法曰羣臣大夫諸公子入朝馬跡蹂齿者斬其轡而戮其御太子入朝馬跡蹂齿廷理斬其轡而戮其御太子大怒入爲王泣曰爲我誅廷理工曰法者所以敬宗廟尊社稷故能立法從令尊敬社稷者社稷之臣也安可以加誅夫犯法發令不

薄敬社稷是臣棄君下陵上也臣棄君則主失威下陵上則上位危社稷不守吾何以遺子太子乃還走避舍再拜請死

楚莊王之時太子車立於茅門之內少師慶遂之太子怒入謁王曰少師慶遂臣之車王曰舍之老君在前而不踰少君在後而不豫是國之實臣也

吳王闔廬爲伍子胥典師復讐於楚子胥諫曰諸侯不爲匹夫典師且事君猶事父也虧君之義復父之讐臣不爲也於是止其後因事而後復其父讐也如子胥可謂不以公事趨私矣



孔子為魯司寇聽獄必師斷教敦然皆立然後君子
進曰某子以為何若某子以為云云又曰某子以為
何若某子曰云云辯矣然後君子幾當從某子云云
乎以君子之知豈必待某子之云云然後知所以斷
獄哉君子之敬讓也文辭有可與人共之者君子不
獨有也

子羔為衛政則人之足衛之君臣亂子羔走郭門郭
門閉則者守門曰於彼有缺子羔曰君子不踰曰於
彼有竇子羔曰君子不遂曰於此有室子羔入進者
罷子羔將去謂則者曰吾不能斷損主之法令而殺

則子之足吾在難中此乃子之報怨時也何故逃我
則者曰斷足因我罪也無可奈何君之治臣也傾倒
法令先後臣以法欲臣之免於法也臣知之獄決罪
定臨當論刑君愾然不樂見於顏色臣又知之君豈
私臣哉天生仁人之心其固然也此臣之所以脫君
也孔子聞之曰善為吏者樹德不善為吏者樹怨公
行之也其子羔之謂歟

劉向說苑卷第十四

劉向說苑卷第十五

指武

司馬法曰國雖大好戰必亡天下雖安忘戰必危易曰君子以除戎器戒不虞夫兵不可玩玩則無威兵不可廢廢則召寇昔吳王夫差好戰而亡徐偃王無武亦滅故明王之制國也上不玩兵下不廢武易曰存不忘亡是以身安而國家可保也

秦昭王中朝而歎曰夫楚劍利倡優拙夫劍利則士多慄憚倡優拙則思慮遠也吾恐楚之謀秦也此謂當吉念凶而存不忘亡也卒以成霸焉



劉向說苑卷第十四

劉向說苑卷第十五

指武

司馬法曰國雖大好戰必亡天下雖安忘戰必危易曰君子以除戎器戒不虞夫兵不可玩玩則無威兵不可廢廢則召寇昔吳王夫差好戰而亡徐偃王無武亦滅故明王之制國也上不玩兵下不廢武易曰存不忘亡是以身安而國家可保也

秦昭王中朝而歎曰夫楚劍利倡優拙夫劍利則士多慄憚倡優拙則思慮遠也吾恐楚之謀秦也此謂當吉念凶而存不忘亡也卒以成霸焉



王孫厲謂楚文王曰徐偃王好行仁義之道漢東諸侯三十一國盡服矣王若不伐楚必事徐王曰若信有道不可伐也對曰大之伐小強之伐弱猶大魚之吞小魚也若處之貪豚也惡有其不得理文王遂興師伐徐殘之徐偃王將死曰吾賴於文德而不明武備好行仁義之道而不知許人之心以至於此夫古之王者其有備乎

吳起爲苑守行縣適息問屈宜臼曰王不知起不肖以爲苑守先生將何以教之屈公不對居一年王以爲令尹行縣適息問屈宜臼曰起問先生先生不教今王不知起不肖以爲令尹先生試觀起爲之也屈公曰子將奈何吳起曰將均楚國之爵而平其祿損其有餘而繼其不足是變其故而易其常也且吾聞兵者凶器也爭者逆德也今子陰謀逆德好用凶器殆人所棄逆之至也淫泆之事也行者不利且子用魯兵不宜得志於齊而得志焉子則魏兵不宜得志於秦而得志焉吾聞之曰非禍人不能成禍吾固怪吾王之數逆天道至今無禍嘻且



待夫子也吳起惕然曰尚可更乎屈公曰不可吳起曰起之爲人謀屈公曰成刑之徒不可更已子不如敦處而篤行之楚國無貴于舉賢

春秋記國家存亡以察來世雖有廣土衆民堅甲利兵威猛之將士卒不親附不可以戰勝取功晉侯獲於韓楚子玉得臣敗於城濮蔡不待敵而衆潰故語曰文王不能使不附之民先軫不能戰不教之卒造父王良不能以彘車不作之馬趨疾而致遠羿逢蒙不能以枉矢弱弓射遠中微故強弱成敗之要在乎附士卒教習之而已

內治未得不可以正外本惠未襲不可以制末是以春秋先京師而後諸夏先諸華而後夷狄及周惠王以遭亂世繼先王之體而強楚稱王諸侯皆叛欲申先王之命一統天下不先廣養京師以及諸夏諸夏以及夷狄內治未得愈則不料力權得失與兵而征強楚師大敗搏斃不行大爲天下戮矣幸逢齊桓公以得安尊故內治未得不可以正外本惠未襲不可以制末

將師受命者將率入軍吏畢入皆北面再拜稽首受命天子南面而授之鉞東行西面而揖之示弗御也



故受命而出忘其國即或忘其家聞枹鼓之聲唯恐
不勝忘其身故必死必死不如樂死樂死不如甘死
甘死不如義死義死不如視死如歸此之謂也故一
人必死十人弗能待也十人必死百人弗能待也百
人必死千人不能待也千人必死萬人弗能待也萬
人必死橫行乎天下令行禁止王者之師也

田單爲齊上將軍與師十萬將以攻翟往見魯仲連
子仲連子曰將軍之攻翟必不能下矣田將軍曰單
以五里之城十里之郭復齊之國何爲攻翟不能下
去上車不與言決攻翟三月而不能下齊嬰兒譟之

曰大冠如箕長劍柱頰攻翟不能下墨於孫丘於是
田將軍恐駭往見仲連子曰先生何以知單之攻翟
不能下也仲連子曰夫將軍在即墨之時坐則織黃
立則杖耒爲士卒倡曰宗廟亡矣魂魄喪矣歸何黨
矣故將有死之心士卒無生之氣今將軍東有掖邑
之封西有淄上之寶金銀黃帶馳騁乎淄澠之間是
以樂生而惡死也田將軍明日結長徑立矢石之所
乃引枹而鼓之翟人下之故將者士之心也士者將
之肢體也心猶與則肢體不用田將軍之謂乎

晉智伯伐鄭齊田恒救之有登蓋必身立焉車徒有



不進者必令助之壘合而後敢處并竄成而後敢食
智伯曰吾聞田恆新得國而愛其民內同其財外同
其勤勞治軍若此其得衆也不可待也乃去之耳

太公兵法曰致慈愛之心立武威之戰以畢其衆練
其精銳砥礪其節以高其氣分爲五選異其旗章勿
使冒亂擊其行陣連其什伍以禁濫非壘陳之火車
騎之處勒兵之勢軍之法令賞罰之數使士赴火蹈
刃陷陳取將死不旋踵者多異於今之將者也

孝昭皇帝時北軍監御史爲姦穿北門垣以爲賈區
胡建守北軍尉貧無車馬常步與走卒起居所以慰

愛走卒其厚建欲誅監御史乃約其走卒曰我欲與
公有所誅吾言取之則取之斬之則斬之於是當選
士馬日護軍諸校列坐堂上監御史亦坐建從走
卒趨至堂下拜謁因上堂走卒皆上建跪指監御史
曰取彼走卒前拽下堂建曰斬之遂斬監御史護軍
及諸校皆愕驚不知所以建亦已有成奏在其懷遂
上奏以聞曰臣聞軍法立武以威衆誅惡以禁邪今
北軍監御史公穿軍垣以求賈利買賣以與士市不
立剛武之心勇猛之意以率先士大夫尤失理不公
臣聞黃帝理法曰壘壁已具行不由路謂之姦人姦



人者殺臣謹以斬之昧死以聞制曰司馬法曰國容不入軍軍容不入國也建有何疑焉建由是名典後至渭城令死至今渭城有其祠也

魯石公劔迫則能應感則能動眴穆無窮變無形像復柔委從如影與響如死之守戶如輪之逐馬響之應聲影之像形也聞不及恰呼不及吸足舉不及集相離若蟬翼尚在肱比眉睫之微曾不可以大息小以小死大用兵之道其猶然乎此善當敵者也未及夫折衝於未形之前者揖讓乎廟堂之上而施惠乎百萬之民故居則無變動戰則不血刃其湯武之兵

與

孔子北遊東上農山子路子貢顏淵從焉孔子喟然歎曰登高望下使人心悲二三子者各言爾志丘將聽之子路曰願得白羽若月赤羽若日鍾鼓之音上聞乎天旌旗翻譟下蟠於地由且舉兵而擊之必也據地千里獨由能耳使夫二子爲我從焉孔子曰勇哉士乎憤憤者乎子貢曰賜也願齊楚合戰於荊洋之野兩壘相當旌旗相望塵埃相接接戰搆兵賜願著縞衣白冠陳說白刃之間解兩國之患獨賜能耳使夫二子者爲我從焉孔子曰辯哉士乎饒饒者乎



顏淵不言孔子曰回來若獨何不願乎顏淵曰文武之事二子已言之回何敢與焉孔子曰若鄙心不與焉弟言之顏淵曰回聞鮑魚鱸芷不同筐而藏堯舜桀紂不同國而治二子之言與回言異回願得明王聖主而相之使城郭不脩溝池不越鋌劍戟以爲農器使天下千歲無戰鬪之患如此則由何憤憤而擊賜又何僊僊而使乎孔子曰美哉德乎媿姚者乎子路舉手問曰願聞夫子之意孔子曰吾所願者顏氏之計吾願負衣冠而從顏氏子也

魯哀公問於仲尼曰吾欲小則守大則攻其道若何

仲尼曰若朝廷有禮上下有親民之衆皆君之畜也君將誰攻若朝廷無禮上下無親民衆皆君之讐也君將誰與守於是廢澤梁之禁弛關市之征以爲民惠也

文王曰吾欲用兵誰可伐密須氏疑於我可先往伐管叔曰不可其君天下之明君也伐之不義太公望曰臣聞之先王伐狂不伐順伐兇不伐易伐過不伐不及文王曰善遂伐密須氏滅之也

武王將伐紂召太公望而問之曰吾欲不戰而知勝不卜而知吉使非其人爲之有道乎太公對曰有道



王得衆人之心以圖不道則不戰而知勝矣以賢伐不肖則不卜而知吉矣彼害之我利之雖非吾民可得而使也武王曰善乃召周公而問焉曰天下之圖事者皆以殷爲天子以周爲諸侯以諸侯攻天子勝之有道乎周公對曰取信天子周信諸侯則無勝之道矣何可攻乎武王忿然曰汝言有說乎周公對曰臣聞之文禮者爲賊攻義者爲殘失其民制爲匹夫王攻其失民者也何攻天子乎武王曰善乃起衆舉師與殷戰於牧之野大敗殷人上堂見王曰誰之玉也曰諸侯之玉即取而歸之於諸侯天下聞之曰武

王廉於財矣入室見女曰誰之女也曰諸侯之女也即取而歸之於諸侯天下聞之曰武王廉於色也於是發巨橋之粟散鹿臺之財金錢以與士民黜其戰車而不乘弛其甲兵而弗用縱馬華山放牛桃林示不復用天下聞者咸謂武王行義於天下豈不大哉文王欲伐崇先宣言曰余聞崇侯虎殘侮父兄不敬長老聽獄不中分財不均百姓力盡不得衣食余將來征之唯爲民乃伐崇令母殺人毋壞室毋填井毋伐樹木毋動六畜有不如令者死無赦崇人聞之因請降



楚莊王代陳吳救之雨十日十夜晴左史倚相曰吳必夜至甲列壘壞彼必薄我何不行列鼓出待之吳師至楚見成陳而還左史倚相曰追之吳行六十里而無功王罷卒寢果擊之大敗吳師

齊桓公之時霖雨十旬桓公欲伐濼陵其城之值雨也未合管仲隰朋以卒徒造於門桓公曰徒衆何以爲管仲對曰臣聞之雨則有事夫濼陵不能雨臣請攻之公曰善遂興師伐之既至大卒問外士在內矣桓公曰其有聖人乎乃遺旗而去之

宋圍曹不拔司馬子魚謂君曰文王伐崇崇軍其城

三旬不降退而修教復伐之圍壘而降今君德無乃有所闕乎胡不退修德無闕而後動

吳王闔廬與荆人戰於柏舉大勝之至於郢郊五敗荆人闔廬之臣五人進諫曰夫深入遠報非王之制也王其返乎五將鏃頭闔廬末之應五人之頭墜於馬前闔廬懼召伍子胥而問焉子胥曰五臣者懼也夫五敗之人者其懼其矣王姑少進遂入郢南至江北至方城方三千里皆服於吳矣

田成子與宰我爭宰我夜伏卒將以攻田成子令於卒中曰不見旌節毋起颺夷子皮聞之告田成子



田成子因爲旌節以起宰我之卒以攻之遂殘之也
齊桓公北伐山戎氏請兵於魯魯不與桓公怒將攻
之管仲曰不可我已刑北方諸侯矣今又攻魯無乃
不可乎魯必事楚是我一舉而失兩也桓公曰善乃
報攻魯矣

聖人之治天下也先文德而後武力凡武之興爲不
服也文化不改然後加誅天下愚不移純德之所不
能化而後武力加焉

昔堯誅四凶以懲惡周公殺管蔡以弭亂子產殺鄧
析以威侈孔子斬少正卯以變衆佞賊之人而不誅

亂之道也易曰不威小不懲大此小人之福也

五帝三王教以仁義而天下變也孔子亦教以仁義
而天下不從者何也昔明王有紱冕以尊賢有斧鉞
以誅惡故其實至重而刑至深而天下變孔子賢願
淵無以賞之賤搖惡無以罰之故天下不從是故道
非權不立非勢不行是道尊然後行

孔子爲魯司寇七日而誅少正卯於東觀之下門人
聞之趨而進至者不言其意皆一也子貢後至趨而
進曰夫少正卯者魯國之聞人矣夫子始爲政何以
先誅之孔子曰賜也非爾所及也夫王者之誅有五



而盜竊不與焉一曰心辨而險二曰言僞而辯三曰
行辟而堅四曰志愚而博五曰順非而澤此五者皆
有辨知聰達之名而非其真也苟行以僞則其知足
以移衆強足以獨立此姦人之雄也不可誅夫有
五者之一則不免於誅今少正卯兼之是以先誅之
也昔者湯誅蠃沐太公誅潘社管仲誅史附里子產
誅鄒析此五子未有不誅也所謂誅之者非爲其畫
則攻盜篡則穿窬也皆傾覆之徒也此固君子之所
疑愚者之所惑也詩云憂心悄悄愠于群小此之謂
矣

齊人王滿生見周公出見之曰先生遠辱何以
教之王滿生曰言內事者於內言外事者於外今言
內事乎言外事乎周公導入王滿生曰敬從布席周
公不導坐王滿生曰言大事者坐言小事者倚今言
大事乎言小事乎周公導坐王滿生坐周公曰先生
何以教之王滿生曰臣聞聖人不言而知非聖人者
雖言不知今欲言乎無言乎周公俛念有頃不對王
滿生藉筆贖書之曰社稷且危傳之於膺周公仰視
見書曰唯唯謹聞命矣明日誅管蔡

劉向說苑卷第十五

劉向說苑卷第十六

談叢

王者知所以臨下而治眾則群臣畏服矣知所以聽
言受事則不蔽欺矣知所以安利萬民則海內必定
矣知所以忠孝事上則臣子之行備矣凡所以劫殺
者不知道術以御其臣下也凡吏勝其職則事治事
治則利生不勝其職則事亂事亂則害成也

百方之事萬變鋒出或欲持虛或欲持實或好浮遊
或好誠必或行安舒或為飄疾從此觀之天下不可
一聖王臨天下而能一之



劉向說苑卷第十五

劉向說苑卷第十六

談叢

王者知所以臨下而治眾則群臣畏服矣知所以聽
言受事則不蔽欺矣知所以安利萬民則海內必定
矣知所以忠孝事上則臣子之行備矣凡所以劫殺
者不知道術以御其臣下也凡吏勝其職則事治事
治則利生不勝其職則事亂事亂則害成也

百方之事萬變鋒出或欲持虛或欲持實或好浮遊
或好誠必或行安舒或為飄疾從此觀之天下不可
一聖王臨天下而能一之



意不並銳事不兩隆盛於彼者必衰於此長於左者必短於右晝夜卧者不能蚤起也

譬設於鑊和設於軾馬動而鸞鳴鸞鳴而和應行之節也

不富無以為大不予無以合親親疎則害失衆則敗不教而誅謂之虐不戒責成謂之暴也

夫水出於山而入於海稼生於田而藏於廩聖人見所生則知所歸矣

天道布順人事取予多藏不用是謂怨府故物不可聚也

一圓之木持千鈞之屋五寸之鐵而制開闔豈特足任哉蓋所居要也

夫小快害義小慧害道小辯害治苟心傷德大政不險蛟龍雖神不能以白日去其倫飄風雖疾不能以陰雨揚其塵

邑名勝母曾子不入水名盜泉孔子不飲醜其聲也婦人之口可以出走婦人之喙可以死敗

不修其身求之於是謂失倫不治其內而修其外是謂大廢重費而危之操策而隨之非所以為全也士橫道而假四支不掩非士之過有土之羞也邦君



將昌天遺其道大夫將昌天遺之士庶人將昌必有
良子

賢師良友在其側詩書禮樂陳於前棄而爲不善者
鮮矣義士不欺心仁人不害生謀泄則無功計不設
則事不成賢士不事所非不非所事愚者行聞而益
固鄙人飾詐而益野聲無細而不聞行無隱而不明
至神無不化也至賢無不移也上不信下不忠上下
不和雖安必危求以其道則無不得爲以其時則無
不成

時不至不可強生也事不究不可強成也貞良而亡
先人餘殃相履而活先人餘烈權取重澤取長才賢
任輕則有名不肖任大身死名廢

上不以利移不爲患改孝敬忠信之事立雖死而不
悔智而用私不如愚而用公故曰巧僞不如拙誠學
問不倦所以治己也教誨不厭所以治人也所以貴
虛無者得以應變而合時也冠雖故必加於首履雖
新必關於足土下有分不可相倍一心可以事百君
百心不可以事一君故曰正而心又少而言

萬物得其本者生百事得其道者成道之所在天下
歸之德之所在天下貴之仁之所在天下愛之義之



所在天下畏之屋漏者民去之木淺者魚逃之樹高者鳥宿之德厚者士趨之有禮者民畏之忠信者士死之衣雖弊行必修頭雖亂言必治時在應之爲在困之所伐而當其福五之所伐不當其福十之必貴以賤爲本必高以下爲基天將與之必先苦之

天將毀之必先累之孝於父母信於交友十步之澤必有膏草十室之邑必有忠士草木秋死松柏獨在水浮萬物玉石留止飢渴得食誰能不喜賤窮救急何患無有視其所以觀其所使斯可知已乘輿馬不勞致千里乘船楫不游絕江海智莫大於闕疑行莫大於無悔也制宅名子足以觀士利不兼賞不倍忽忽之謀不可爲也惕惕之心不可長也

天與不取反受其咎時至不迎反受其殃天地無親常與善人天道有常不爲堯存不爲桀亡積善之家必有餘慶積惡之家必有餘殃一噎之故絕殺不食一蹶之故却足不行心如天地者明行如繩墨者章位高道大者從事大道小者凶言疑者無犯行疑者無從靈蟻什柱梁蚊麻走牛羊

謁問析辭勿應怪言虛說勿稱謀先事則昌事先謀則亡



無以淫泆棄業無以貧賤自輕無以所好害身無以嗜欲妨生無以奢侈為名無以貴富驕盈喜怒不當是謂不明暴虐不得反受其賊怨生不報禍生於福一言而非四馬不能追一言不急四馬不能及順風而飛以助氣力銜鼓而翔以備矰弋

鏡以精明美惡自服衡平無私輕重自得蓬生梟中不扶自直白砂入泥與之皆黑

時乎時乎聞不及謀至時之極聞不容息勞而不休亦將自息勞而不施亦將自得

無不為者無不能成也無不欲者無不能得也衆正之積福無不及也衆邪之積禍無不建也

力勝貧謹勝禍慎勝害戒勝災為善者天報以德為不善者天報以禍君子得時如水小人得時如火誘道已者心之罪也尊賢已者心之力也心之得萬物不足為也心之失獨心不能守也子不孝非吾子也交不信非吾友也食其口而百節肥灌其本而枝葉茂木傷者枝槁根深者末厚為善者得道為惡者失道惡語不出口苟言不留耳務偽不長善虛不久義士不欺心廉士不妄取以財為草以身為寶慈仁少小恭敬耆老犬吠不驚命曰金城常避危殆命曰不

悔富必念貧壯必念老年雖幼少慮之必早夫有禮者相爲死無禮者亦相爲死貴不與驕期驕自來驕不與亡期亡自至踐人日夜顧一起盲人不見視知者始於悟終於諾愚者始於樂終於哀高山仰止景行行止力雖不能心必務爲慎終如始常以爲戒戰戰兢兢日慎其事聖人之正莫如安靜賢者之治故與衆異

好稱人惡人亦道其惡好憎人者亦爲人所憎衣食足知榮辱倉廩實知禮節江河之溢不過三日飄風暴雨湏臾而畢

福生於微禍生於忽日夜恐懼唯恐不卒

已雖已疎遠反於撲物之相反復歸於本循流而下易以至倍風而馳易以遠兵不豫定無以待敵計不先慮無以應卒中不方名不意外不圖禍之門直而不能枉不可與大任方面不能圍不可與長存慎之於身無曰云云狂夫之言聖人擇焉能忍耻者安能忍辱者存辱亡而齒寒河水崩其壞在山毒智者莫甚於酒留事者莫甚於樂毀廉者莫甚於色摧剛者反已於弱富在知足貴在求退先憂事者後樂先傲事者後愛福在受諫存之所由也恭敬遜讓精廉無

謗慈仁愛人必受其賞諫之不聽後無與爭舉事不當爲百姓謗悔在於妄惠在於先唱

蒲且脩繳見鴈悲鳴逢蒙撫弓虎豹晨羣河以妾蛇故能遠山以陵遲故能高道以俊遊故能化德以純厚故能蒙言人之善澤於膏沐言人之惡痛於矛戟爲善不直必終其曲爲醜不釋必終其惡

一死一生乃知交情一貧一富乃知交態一貴一賤交情乃見一浮一沒交情乃出德義在前用兵在後初沐者必拭冠新浴者必振衣敗軍之將不可言勇亡國之臣不可言智

坎井無籠巖者隘也園中無籬林者小也小忠大忠之賊也小利大利之殘也自請絕易請人絕難水激則悍矢激則遠人激於名不毀爲聲下士得官以死上士得官以生禍福非從地中出非從天上來已自生之

窮鄉多曲學小辯害大知巧言使信廢小惠妨大義不困在於早慮不窮在於早豫欲人勿知莫若勿爲欲人勿聞莫若勿言

非所言勿言以避其患非所爲勿爲以避其危非所取勿取以避其說非所爭勿爭以避其聲明者視於

冥冥謀於未形聰者聽於無聲慮者戒於未成世之
涸濁而我獨清衆人皆醉而我獨醒

乖離之咎無不生也毀敗之端從此興也江河大潰
從蟻穴山以小池而大崩淫亂之漸其變爲興水火
全木轉相勝平而正者可增高而倚者且崩直如矢
者死直如繩者稱

禍生於微得於自禁聖人以心導耳目小人以
耳目導心

爲人上者患在不明爲人下者患在不忠人知糞田
莫知糞心端身正行全以至今見亡知存見霜知水

廣大在好利恭敬在事親因時易以爲仁因道易以
達人管於利者多患輕諾者寡信

欲賢者莫如下人貪財者莫如全身財不如義高勢
不如德尊父

愛無益之子君不能愛不軌之民
尹不能賞無功之臣臣不能死無德之君問善御者
莫如馬問善治者莫如民以卑爲尊以屈爲伸聖人
所因上法於天

君子行德以合其身小人行貪以亡其身相勸以禮
相強以仁得道於身得譽於人

知命者不怨天知己者不怨人人而不愛則不能仁



佞而不巧則不能信言善母及身言惡母及人上清而無欲則下正而民接來事可追也往事不可及無思慮之心則不達無說之辭則不樂

善不可以偽來惡不可以辭去近市無賈在田無野善不逆旅非仁義則武無以定天下

水信源則川竭人信信則名不達義勝患則吉患勝義則成之謀不如逢時辭智明慧不如愚世有鄙心者不可授便券有愚質者不可予利器多易多敗多言多失

冠履不同藏賢不肖不同位官尊者憂深祿多者音

大積德無細積惡無大多少必報固其勢也

梟逢鳩鳩曰子將安之梟曰我將東徙鳩曰何故梟曰鄉人皆惡我鳴以故東徙鳩曰子能更鳴可矣不能更鳴東徙猶鷂子之聲

聖人之衣也便體以安身其食也安於腹適衣節食不聽口目

曾子曰鷹鷂以山為甲而增巢其上鼯鼯魚鱉以淵為淺而穿穴其中卒其所以得者餌也君子苟不求利祿則不害其身

曾子曰狎甚則相簡也莊甚則不親是故君子之狎

足以交權莊足以成禮而已

曾子曰入是國也言信乎群臣則留可也忠行乎羣臣則仕可也澤施乎百姓則安可也

口者關也舌者機也出言不當反自傷也言出於已不可關也舌者兵也出言不當反自傷也言出於已不可止於人行發於適不可止於遠夫言行者君子之樞機樞機之發榮辱之本也可不慎乎故蒯子羽曰言猶射也括既離弦雖有所悔焉不可從而追已詩曰白珪之玷尚可磨也斯言之玷不可為也

蠅欲類蠶鯀欲類蛇人見地蠅莫不身灑然女工偷蠶漁者持罾不惡何也欲得錢也逐魚者滿逐獸者趨非樂之也事之權也

登高使人欲望臨淵使人欲窺何也處地然也御者使人恭射者使人希何也其形便也

民有五死聖人能去其三不能除其二飢渴死寒暑死才也凍寒死者可去也暍五兵死者可去也壽命死者不可去也癰疽死者不可去也飢渴死者中不充也凍寒死者外勝中也暍五兵死者德不忠也壽命死者茂政終也癰疽死者血氣窮也故曰中不正外溢作飢渴作者多怨怪多怨怪者疾病生故清淨無

爲血氣乃平

百行之本一言也一言而適可以却敵一言而得可以保國譬不能獨爲聲影不能借曲爲直物必以其類及故君子慎言出已負心赴涸行之難者也然申屠狄爲之君子不貴之也盜跖凶貪名如日月與舜禹並傳而不息而君子不貴

君子有五耻朝不坐燕不議君子耻之居其位無其言君子耻之有其言無其行君子耻之既得之又失之君子耻之地有餘而民不足君子耻之

君子雖窮不處亡國之勢雖貧不受亂君之祿尊乎

亂世同乎暴君君子之耻也衆人以毀形爲耻君子以毀義爲辱衆人重利廉士重名

明君之制賞從重罰從輕食人以壯爲量事人以老爲程

君子之言寡而實小人之言多而虛君子之學也入於耳藏於心行之以身君子之治也始於不足見終於不可及也君子慮福弗及慮禍百之君子擇人而取不擇人而與君子實如虛有如無

君子有其備則無事君子不以愧食不以辱得君子樂得其志小人樂得其事君子不以其所不愛及其



所愛也

君子有終身之愛而無一朝之患順道而行循理而
言喜不加易怒不加難

君子之過猶日月之蝕也何害於明小人可也猶狗
之吠盜竄之夜見繩蓋於善夫智者不妄為勇者不
妄殺

君子比義處夫比殺事君不得進其言則辭其辭不
得行其義則辭其祿人皆知取之為取也不知與之
為取之政有招寇行有招耻非為而自至天下未有
猛獸狐疑不若蜂蠆之致毒也高議而不可及不若
卑論之有功也

秦信同姓以王至其喪也非易同姓也而身死國亡
故王者之治天下在於行法不在於信同姓

高山之巔無美木傷於多陽也大樹之下無美草傷
於多陰也

鍾子期死而伯牙絕絃破琴知世莫可為鼓也惠施
卒而莊子深嘆不言見世莫可與語也

脩身者智之府也愛施者仁之端也取予者義之符
也耻辱者勇之决也立名者行之極也

進賢受上賞識賢蒙顯殺古之通義也辯人於朝論



人於市古之過法也

道微而明淡而有功非道而得非時而生是謂妄成
得而失之定而復傾

福者禍之門也是者非之尊也治者亂之先也事無
終始而患不及者未之聞也

枝無忘其根德無忘其報見利必念害身故君子留
精神寄心於三者吉祥及于孫矣

兩高不可重兩大不可容兩勢不可同兩貴不可雙
夫重客同雙必爭其功故君子節嗜欲各守其足乃
能長久夫節欲而聽諫破賢而勿慢使能而勿賤為

人君能行此三者其國必強大而民不去散矣

默無過言然無過事木馬不能行亦不費食虬驥日
馳千里鞭箠不去其骨

寸而度之至丈必差銖而稱之至石必過石稱丈量
徑而寡失簡絲數米頃而不察故大較易為智曲辨
難為慧

吞舟寔魚鰲而失水制於螻蟻者離其居也猿猴失
木禽於狐貉者非其處也騰蛇遊霧而升騰龍乘雲
而舉猿得木而捷魚得水而驚處地宜也

君子博學患其不習既習之患其不能行之既能行



之患其不能以讓也

君子之蓋學不羞問問訊者知之之本念慮者知之也此言貴因人知而加知之不貴獨自用其知而知

天地之道極則反窮則損五禾曜眼有時而淪茂木豐草有時而落物有感衰安得自若


天古則不仁勞則詐生安乎則教危則謀極則反滿則損故君子弗滿弗極也

劉向說苑卷第十六





INTERNATIONAL CENTRAL LIBRARY - HAWAII PHOTO



2025.02.25 NATIONAL CENTRAL LIBRARY, TAIWAN, R.O.C.





34.11.11.57



劉向說苑卷第十七

雜言

賢人君子者通乎盛衰之時明乎成敗之端察乎治亂之紀審乎人情知所去就故雖窮不處亡國之勢雖貧不受汗君之祿是以太公年七十而不自達孫叔敖三去相而不自悔何則不強合非其人也太公一合於周而侯七百歲孫叔敖一合於楚而封十世大夫種存亡越而霸勾踐賜死於前李斯積功於秦而卒被五刑盡忠憂君危身安國其功一也或以封侯而不絕或以賜死而被刑所慕所由異也故管子



奔國而作狂范蠡去越而易名智過去君弟而更姓
皆見遠識微而仁能去富勢以避萌生之禍者也夫
暴亂之君孰能離繫以役其身而與于患乎哉故賢
者非畏死避害而已也爲殺身無益而明主之暴也
比于死紂而不能正其行子胥死吳而不能存其國
二子者強諫而死適足明主之暴耳未始有益如秋
毫之端也是以賢人閉其智塞其能待得其人然後
合故言無不聽行無見疑君臣兩與終身無患今非
得其時又無其人直私意不亂已閔世之憂愛主之
危以無貨之身涉敵塞之路經乎讒人之前造無量
之主犯不測之罪傷其天性豈不惑哉故文信侯李
斯天下所謂賢也爲國計揣微射隱所謂無過策也
戰勝攻取所謂無強敵也積功其大勢利甚高賢人
不用讒人用事自知不用其仁不能去制敵積功不
失秋毫避患去害不見丘山積其所欲以至其所惡
豈不爲勢利惑哉詩云人知其一莫知其佗此之謂
也

子石登吳山而四望喟然而嘆息曰嗚呼悲哉世有
明於事情不合於人心者有合於人心不明於事情
者弟子問曰何謂也子石曰昔者吳王夫差不聽伍



子香盡忠極諫抉目而辜太宰懿公孫維偷合苟容以順夫差之志而伐吳二子沉身江湖頭懸越旗昔者費仲惡來革長鼻尖耳崇侯虎順紂之心欲以合其意武王伐紂四子身死牧之野頭足異所比干盡忠剖心而死今欲明事情恐有抉目剖心之禍欲合人心恐有頭足異所之患由是觀之君子道狹耳誠不逢其明主狹道之中又將險危閉塞無可從出者祁射子見秦惠王惠王說之於是唐姑蘇之復見惠王懷怒以待之非其說異也所聽者易也故以微爲病非強之罪也以甘爲苦非味之過也

彌子瑕愛於衛君衛國之法竊駕君車罪則彌子瑕之母疾人聞夜往告之彌子瑕擅駕君車而出君聞之賢之曰孝哉爲母之故犯刑罪哉君遊果園彌子瑕食桃而甘不盡而奉君君曰愛我而忘其口味及彌子瑕色衰而愛弛得罪君君曰是故嘗嬖吾車又嘗食我以餘桃故子瑕之行未必變初也前見賢後獲罪者愛憎之生變也

舜耕之時不能利其都人及爲天子天下戴之故君子窮則善其身達則利於天下

孔子曰自季孫之賜我千鍾而友益親自南宮項叔



之乘我車也而道加行故道有時而後重有執而後
得微夫二子之賜丘之道幾於廢也

太公田不足以償種漁不足以償網治天下有餘智
晏公種米曾子駕羊孫叔敖相楚三年不知輓在衡
後務大者固忘小智伯厨人亡炙籩而知之韓魏反
而不知邯鄲子陽困人亡桃而知之其亡也不知務
小者亦忘大也

淳于髡謂孟子曰先名實者為人者也後名實者曰
為者也夫子在三卿之中名實未加上下而去之仁
者固如此乎孟子曰居下位不以賢事不肖者信矣

也五就湯五就桀者伊尹也不惡汙君不辭小官者
抑下惠也三子者不同道其趣一也一者何也曰仁
也君子亦仁而已何必同曰魯穆公之時公儀子為
政子思子庚為臣魯之削也滋甚若是乎賢者之無
益於國也曰虞不用百里奚而亡秦穆公用之而霸
故不用賢則亡削何可得也曰昔者王豹處於淇而
河西善謳綿駒處於高唐而齊右善歌華舟杞梁之
妻善哭其夫而變國俗有諸內必形於外為其事無
其功竟未睹也是故無賢者也有則竟必識之矣曰
孔子為魯司寇而不用從祭膳肉不至不脫冕而行



其不善者以爲爲肉也其善者以爲爲禮也乃孔子欲以微罪行不欲爲苟去故君子之所爲衆人固不得識也

梁相死惠子欲之梁渡河而遽墮水中船人救之船人曰子欲何之而遽也曰梁無相吾欲往相之船人曰子居船楫之間而困無我則子死矣子何能相梁乎惠子曰子居艘楫之間則吾不如此至於安國家全社稷子之比我蒙蒙如未視之狗耳

西閭過東渡河中流而溺船人接而出之問曰今者子欲安之西閭過曰欲東說諸侯王船人掩口而笑曰子渡河中流而溺不能自救安能說諸侯乎西閭過曰無以子之所能相傷焉也子獨不聞和氏之璧乎價重千金然以之間紡曾不如瓦磚隨侯之珠國之寶也然用之彈曾不如泥丸騏驎駉駉倚衡負輓而超一日千里比至疾也然使捕鼠曾不如百錢之狸干將子非金不爭試物不知揚刃離金斬羽吳鐵斧此至利也然以之補履曾不如兩錢之錐今子持楫乘扁舟處廣水之中當陽侯之波而臨淵流適子所能耳若誠與子東說諸侯王見一國之主子之蒙蒙無異夫未視之狗耳

甘戊使於齊渡大河船人曰河水間耳君不能自渡
能為王者之說乎甘戊曰不然汝不知也物各有短
畏謹應教厚可事主不施用兵騏驎駉駉足及千里
置之官室使之捕鼠曾不如小狸子將為利名聞天
下匠以治木不如斤斧今持楫而上下隨流吾不如
子說千乘之君萬乘之主子亦不如戊矣

今夫世異則事變事變則時移時移則俗易是以君
子先相其土地而裁其器觀其俗而和其風摠衆議
而定其教愚人有學遠射者參矢而發已射五步之
內又復參矢而發世以易矣不更其儀譬如惡人之
學遠射目察秋毫之末名視不能見太山耳聽清濁
之調者不聞雷霆之聲何也唯其意有所移也百人
操觚不可為固結千人謗獄不可為直辭萬人比非
不可為顯士

慶鹿成羣虎豹避之飛鳥成列鷹鷂不擊衆人成聚
聖人不犯騰蛇遊於霧露乘於風雨而行非千里不
止然則暮託宿於魘鱷之穴所以然者何也用心不
一也夫蚯蚓肉無筋骨之強外無爪牙之利然下飲
黃泉上壅晞土所以然者何也用心一也聰者耳聞
明者目見聰明形則仁愛著廉耻分矣故非其道而



行之雖勞不至非其有而求之雖強不得智者不為
非其事廉者不求非其有是以遠容而名章也詩云
不忮不求何用不臧此之謂也

楚昭王召孔子將使執政而封以書社七百里西謂
楚王曰王之臣用兵有如子路者乎使諸侯有如宰
予者乎長官五官有如子貢者乎昔文王處鄆武王
處鎬鄆鎬之間百乘之地伐上殺主立為天子世皆
曰聖王今以孔子之賢而有書社七百里之地而三
子位之非楚之利也楚王遂止夫善惡之難分也聖
人獨見疑而况於賢者乎是以賢聖罕合諂諛常與

也故有千歲之亂而無百歲之治孔子之見疑
痛哉

魯哀公問於孔子曰有智者壽乎孔子曰然人有三
死而非命也者人自取之夫寢處不時飲食不節佚
勞過度者疾共殺之居上位而上忤其君嗜慾無厭
而求不止者刑共殺之少以犯衆弱以侮強忿怒不
量力者兵共殺之此三死者非命也人自取之詩云
人而無儀不死何為此之謂也


孔子遭難陳蔡之境絕糧弟子皆有飢色孔子歌兩
柱之間子路入見曰夫子之歌禮乎孔子不應曲終



而曰由君子好樂而無驕也小人好樂而無憚也其誰知之予不我知而從我者予子路不悅授子而舞三終而出及至七日孔子脩樂不休子路慍見曰夫子之脩樂時乎孔子不應曲終而曰由昔者齊桓霸心生子莒勾踐霸心生於會稽晉文霸心生於驪氏故居不幽則思不遠身不約則智不廣庸知而不遇之於是與明日免於厄子貢執轡曰二三子從夫子而遇此難也其不可忘已孔子曰惡是何也語不云乎三折肱而成良醫夫陳蔡之間丘之幸也二三子從丘者皆幸人也吾聞人君不困不成王烈士不以

不成行昔者湯困於呂文王困於姜里秦穆公困於殺齊桓困於長勺勾踐困於會稽晉文困於驪氏夫困之爲道從寒之及緩緩之及寒也唯賢者獨知而難言之也易曰困亨貞大人吉無咎有言不信聖人所與人難言信也

孔子困於陳蔡之間居環堵之內席三經之席七日不食藜藿不糝弟子皆有血色讀詩書治禮不休子路進諫曰凡人爲善者天報以福爲不善者天報以禍今先生積德行爲善久矣意者尚有遺行乎奚居隱也孔子曰由來汝不知坐吾語汝子以夫知者爲



無不知乎則王子比干何為剖心而死以諫者為必
聽耶伍子胥何為抉目於吳東門子以廉者為必用
乎伯夷叔齊何為餓死於首陽山之下子以忠者為
必用乎則鮑莊何為而肉枯荆公子高終身不顯鮑
焦抱木而立枯介子推登山焚死故夫君子博學深
謀不過時者寡矣豈獨丘哉賢不肖有才也為不為
者人也遇不過者時也死者命也有其才不遇其
時雖才不用苟遇其時何難之有故舜耕歷山而逃
於河畔立為天子則其遇堯也傳說負壤土釋桀桀
而立佐天子則其遇武丁也伊尹有莘氏媵臣也負

俎調五味而佐天子則其遇成湯也呂望行年五
十賣食於棘津行年七十屠牛朝歌行年九十為天
師則其遇文王也管夷吾束縛滕目居檻車中自
車中起為仲父則其遇齊桓公也百里奚自賣取五
羊皮伯氏牧羊以為卿大夫則其遇秦穆公也沈尹
名聞天下以為令尹而讓孫叔敖則其遇楚莊王也
五千督前多功後戮死非其智益衰也前遇閻廔後
遇夫差也夫驥厄罷盟車非無驥狀也夫世莫能知
也使驥得王良造父驥無千里之足乎芝蘭生深林
非為無人而不香故學者非為通也為窮而不困也



夏不衰也此知禍福之始而心不惑也聖人之深念獨知獨見舜亦賢聖矣南面治天下唯其遇堯也使舜居桀紂之世能自免刑戮固可也又何官得治乎夫桀殺關龍逢而紂殺王子比干當是時豈關龍逢無知而比干無惠哉此桀紂無道之世然也故君子疾學脩身端行以須其時也

孔子之宋匡簡子將殺陽虎孔子似之甲士以圍孔子之舍子路怒奮戟將下圍孔子止之曰何仁義之不免俗也夫詩書之不習禮樂之不脩也是丘之過也若似陽虎則非丘之罪也命也夫由歌子和汝子路歌孔子和之三終而甲罷

孔子曰不觀於高岸何以知顛墜之患不臨於深淵何以知沒溺之患不觀於海上何以知風波之患失之者其不在此乎士慎三者無累於人

曾子曰響不辭聲鑑不辭形君子正一而萬物皆成夫行非爲影也而影隨之呼非爲響也而響和之故君子功先成而名隨之

子夏問仲尼曰顏淵之爲人也何若曰回之信賢於右也曰子貢之爲人也何若曰賜之敏賢於丘也曰子路之爲人也何若曰由之勇賢於丘也曰子張之



為人何若曰師之莊賢林丘也於是子夏避席而問曰然則四者可爲事先生曰坐吾語汝回能信而不能反賜能敏而不能屈由能勇而不能怯師能莊而不能同兼此四子者丘不爲也夫所謂至聖之士必見進退之利屈伸之用者也

東郭子惠問於子貢曰夫子之門何其雜也子貢曰夫隱括之旁多枉木良醫之門多疾人砥礪之旁多頑鈍夫子脩道以俟天下來者不止是以雜也詩云菀彼柳斯鳴蜩嘒嘒有灌者澗澗葦葦淠淠言大者之旁無所不容

昔者南瑕子過程太子太子爲烹鯢魚南瑕子曰吾聞君子不食鯢魚程太子曰乃君子否子何事焉南瑕子曰吾聞君子上比所以廣德也下比所以狹行也於惡自退之原也詩云高山仰止景行行止吾豈敢自以爲君子哉志向之而已孔子曰見賢思齊焉見不賢而內自省

孔子觀於吕梁懸水四十仞環流九十。魚鱉不能過鼃鼃不敢居有一丈夫方將涉之孔子使人並崖而止之曰此懸水四十仞圍流九十里魚鱉不敢過鼃鼃不敢居意者難可濟也丈夫不以錯意遂渡而



出孔子問子巧乎且有道術乎所以能入而出者何也丈夫對曰始吾入先以忠信吾之出也又從以忠信忠信錯吾軀於波流而吾不敢用私吾所以能入而復出也孔子謂弟子曰水而尚可以心信義久而身親之况於人乎

子路盛服而見孔子曰由是禘禘者何也昔者江水出於岷山也大足以濫觴及至江之津也不方舟不避風可渡也非唯下流眾川之多乎今若衣服甚盛充盈天下誰肯加者哉子路趨而出政服而血自如也孔子曰由記之吾語若貴

於言者華也奮於行者伐也夫色智而有能者小人也故君子知之為知之不知為不知言之要也能之為能不能為不能行之至也言要則知行要則仁既知且仁夫有何加矣哉由詩云湯降不遲聖敬日踳此之謂也

子路問孔子曰君子亦有憂乎孔子曰無也君子之脩其行未得則樂其意既已得又樂其知是以有終身之樂無一日之憂小人則不然其未之得則憂不得既已得之又恐失之是以有終身之憂無一日之樂



孔子見榮啓期衣鹿皮裘跛蹙而歌孔子問曰先生何樂也對曰吾樂甚多天生萬物唯人爲貴吾既已得爲人是一樂也人以男爲貴吾既已得爲男是爲二樂也人生不免穉穉吾年已九十五是三樂也夫貧者士之常也死者民之終也處常待終當何憂乎曾子曰吾聞夫子之_三言未之能行也夫子見人之_一善而忘其_百非是夫子之易事也夫子見人有善若已有之是夫子之不爭也聞善必躬親行之然後道之是夫子之能勞也夫子之能勞也夫子之不爭也夫子之易事也吾學夫子之_三言而未能行

孔子曰回若有君子之道四強於行已弱於受諫休於待祿慎於持身

仲尼曰史鱣有君子之道_三不仕而敬上不祀而敬鬼直能曲於人

孔子曰丘死之後商也日益賜也日損商也好與賢已者處賜也好說不如已者

孔子將行無蓋弟子曰子夏有蓋可以行孔子曰商之爲人也甚短於財吾聞與人交者推其長者違其短者故能父長矣

子路行辭於仲尼曰敢問新文取親若何言寡可行



若何長爲善士而無犯若何仲尼曰新交取親其忠
乎言寡可行其信乎長爲善士而無犯其禮乎

子路將行辭於仲尼曰贈汝以車乎以言乎子路曰
請以言仲尼曰不強不遠不勞無功不忠無親不信
無復不恭無禮慎此五者可以長久矣

曾子從孔子於齊齊景公以下卿禮聘曾子曾子固
辭將行晏子送之曰吾聞君子贈人以財不若以言
今夫蘭本三年湛之以鹿醢既成則易以匹馬非蘭
本美也願子詳其所湛既得所湛亦求所湛吾聞君
子居必擇處遊必擇士居必擇處所以求士也遊必

擇士所以脩道也吾聞反常移性者欲也故不可不
慎也

孔子曰中人之情有餘則侈不足則儉無禁則淫無
度則失縱欲則敗飲食有量衣服有節官室有度量
聚有數車器有限以防亂之源也故夫度量不可不
明也善欲不可不聽也

孔子曰巧而好度必工勇而好同必勝知而好謀必
成愚者反是夫處重擅寵專事妬賢愚者之情也志
驕傲而輕舊怨是以尊位則必危任重則必崩擅寵
則必辱



孔子曰鞭扑之子不從父之教刑戮之民不從君之政言疾之難行故君子不急斷不意使以爲亂源孔子曰終日言不遺己之憂終日行不遺己之患唯智者有之故恐懼所以除患也恭敬所以越難也終身爲之一言敗之可不慎乎

孔子曰以富貴爲人下者何人不與以富貴敬愛人者何人不親衆言不違可謂知言矣衆嚮之可謂知時矣

孔子曰夫富而能富人者欲貧而不可得也貴而能貴人者欲賤而不可得也達而能達人者欲窮而不可得也

可得也

仲尼曰非其地而樹之不生也非其人而語之非聽也得其人如聚沙而雨之非其人如聚斲而鼓之

孔子曰船非水不可行水入船中則其沒也故曰君子不可不嚴也小人不可不閉也

孔子曰依賢固不困依富固不窮焉旣斬而復行者何以輔足衆也

孔子曰不知其子視其所友不知其君視其所使又曰與善人居如入蘭芷之室久而不聞其香則與之化矣與惡人居如入鮑魚之肆久而不聞其臭亦與



之化矣故曰丹之所藏者赤烏之所藏者黑君子慎所藏

子貢問曰君子見大水必觀焉何也孔子曰夫水者君子比德焉道予而無私似德所及者生似仁其流卑下句偃皆循其理似義淺者流行深者不測似智其赴百仞之谷不疑似勇綿弱而微達似察受惡不謹似包容不清以入鮮絮以出似善化至量必平似正盈不求樂似度其萬折必東似意是以君子見大水觀焉爾也

大智者何以樂水也曰泉源潰潰不釋晝夜其似力者循理而行不遺小間其似持平者動而之下其似有禮者赴千仞之壑而不疑其似勇者障防而清其似知命者不清以入鮮絮而出其似善化者衆人取平品類以正萬物得之則生失之則死其似有德者淑淑淵淵深不可測其似聖者通潤天地之間國家以成是知之所以樂水也詩云思樂泮水薄採其芣魯侯戾止在泮飲酒樂水之謂也夫仁者何以樂山也曰夫山龍從累豈萬民之所觀仰草木生焉衆物立焉飛禽萃焉走獸休焉寶藏殖焉奇夫息焉有群物而不倦焉四方並取而不限焉出雲風通氣于天



地之間國家以成是仁者所以樂山也詩曰太山巖巖魯侯是瞻樂山之謂矣

玉有六美君子貴之望之溫潤近之栗理聲近徐而開遠折而不撓闕而不存廉而不剟有瑕必示之於外是以貴之望之溫潤者君子比德焉近之栗理者君子比智焉聲近徐而開遠者君子比義焉折而不撓闕而不存者君子比勇焉廉而不剟者君子比仁焉有瑕必見之於外者君子比情焉

道吾聞之夫子多所知無所知其身孰善者乎對曰無知者死人屬也雖不死累人者必衆其矣然多所知者好其用心也多所知者出於利人即善矣出於害人即不善也道吾曰善哉

越石父曰不肖人自賢也愚者自多也佞人者皆莫能相其心口以出之又謂人勿言也譬之猶渴而穿井臨難而後鑄兵雖疾從而不及也

夫臨財忘貪臨生忘死可以遠罪矣夫君子愛口孔雀愛羽虎豹愛爪此皆所以治身法也上交者不失其祿下交者不離於患是以君子擇人與交農人擇田而田君子樹人農夫樹田田者擇種而種之豐年必得粟士擇人而樹之豐時必得祿矣



天下失道而後仁義生焉國家不治而後孝子生焉
民爭不分而後慈惠生焉道逆時反而後權謀生焉
凡善之生也皆學之所由一室之中必有主道焉父
母之謂也故君正則百姓治父母正則子孫孝慈是
以孔子家兒不知罵曾子家兒不知怒所以然者生
而善教也夫仁者好合人不仁者好離人故君一居
人間則治小人居人間則亂君子欲和人譬猶水火
不相能然也而暑在其間水火不亂乃知百味是以
君子不可不慎擇人在其間

齊景公問晏子曰寡人自以坐地二三子皆坐地吾

子獨蹇草而坐之何也晏子對曰屢聞之唯喪與欲
坐於地今不敢以喪獄之事侍於君矣

齊高廷問於孔子曰廷不曠山不直地衣義提執精
氣以問事君之道願夫子告之孔子曰貞以幹之敬
以輔之待人無倦見君子則舉之見小人則退之去
爾惡心而忠與之敏其行脩其禮千里之外親如兄
弟若行不敏禮不合對門不通矣

劉向說苑卷第十八

辨物

顏淵問於仲尼曰成人之行何若子曰成人之行達乎情性之理通乎物類之變知幽明之故睹進氣之源若此而可謂成人既知天道行躬以仁義飭身以禮樂夫仁義禮樂成人之行也窮神知化德之盛也易曰仰以觀於天文俯以察於地理是故知幽明之故夫天文地理人情之效存於心則聖智之府是故古者聖王既臨天下必變四時定律歷考天文揆時變登靈臺以望氣氣故堯曰咨爾舜天之歷數在爾



劉向說苑卷第十八

辨物

顏淵問於仲尼曰成人之行何若子曰成人之行達乎情性之理通乎物類之變知幽明之故睹進氣之源若此而可謂成人既知天道行躬以仁義飭身以禮樂夫仁義禮樂成人之行也窮神知化德之盛也易曰仰以觀於天文俯以察於地理是故知幽明之故夫天文地理人情之效存於心則聖智之府是故古者聖王既臨天下必變四時定律歷考天文揆時變登靈臺以望氣氣故堯曰咨爾舜天之歷數在爾



窮允執其中四海困窮書曰在璿璣玉衡以齊七政
璿璣謂北辰勾陳樞星也以其魁杓之所指二十八
宿爲吉凶禍福天文列舍盈縮之占各以類爲驗夫
占變之道二而已矣二者陰陽之數也故易曰一陰
一陽之謂道也者物之動莫不由道也是故發於
一成於二備於三周於四行於五是故玄象著明莫
大於日月察變之動莫著於五星天之五星運氣於
五行其初猶發於陰陽而化極萬一千五百二十所
謂二十八星者東方曰角亢氐房心尾箕北方曰斗
牛須女虛危室東壁西方曰奎婁胃屏畢觜參南
方曰東井輿鬼柳七星張翼轸所謂宿者日月五星
之所宿也其在宿運外內者以宮名別其根莖皆發
於地而華形於天所謂五星者一曰歲星二曰熒惑
三曰鎮星四曰太白五曰辰星攬槍等字句始在矢
蚩尤之旗皆五星盈縮之所生也五星之所犯各以
金木水火土爲占春秋冬夏伏見有時失其常雖其
時則爲變異得其時居其常是謂吉祥古者有主四
時者主春者張昏而中可以種穀上告于天子下布
之民主夏者大火昏而中可以種黍菽上告于天子
下布之民主秋者虛昏而中可以種麥上告于天子



下布之民主冬者昴昏而中可以斬伐田獵蓋藏上告之天子下布之民故天子南面視四星之中知民之緩急急則不賦籍不舉力役書曰敬授民時詩曰物其有矣維其時矣物之所以有而不絕者以其動之時也

易曰天垂象見吉凶聖人則之昔者高宗成王感於雉雉暴風之變箝身自改而享豐昌之福也建泰皇帝即位彗星四見蝗蟲蔽天冬雷夏凍石隕東郡大人出臨洮妖孽並見災惡守心星弗太角太角以亡終不能改二世立又重其惡及即位日月薄蝕山林

曰騫爲君穰臬而殺之君謂騫曰子之道若此其明也亦能益寡人壽乎騫曰能今且大祭爲君請壽故將往以聞晏子曰嘻亦善矣能爲君請壽也雖然吾聞之惟以政與德順乎神爲可以益壽今徒祭可以益壽乎然則福名有見乎對曰得壽地將動晏子曰騫昔吾見維星絕樞星散地其動汝以是乎栢常騫俯有問仰而對曰然晏子曰爲之無益不爲無損也薄賦歛無費民且令君知之

夫水旱俱天下陰陽所爲也大旱則雩祭而請雨大水則鳴鼓而劫社何也曰陽者陰之長也其在鳥則



雄爲陽雌爲陰其在默則牡爲陽而牝爲陰其在民則夫爲陽而婦爲陰其在家則父爲陽而子爲陰其在國則君爲陽而臣爲陰故陽貴而陰賤陽尊而陰卑天之道也今大旱者陽氣太盛以厭於陰陰厭陽因陽其填也惟填厭之太甚使陰不能起也亦嘗祭拜請而已無敢加也至於大水及日蝕者皆陰氣太盛而上戒陽精以賤乘貴以卑陵尊大逆不義故鳴鼓而儆之朱絲祭而劫之由此觀之春秋乃正天下之位微陰陽之失直責逆者不避其難是亦春秋之不畏強禦也故却嚴社而不爲雩靈出天王而不爲不尊上辭刺聾之命不爲不聽其父絕文姜之屬而不爲不愛其母其義之盡耶其義之盡耶

齊大旱之時景公召群臣問曰天不雨久矣民且有飢色吾使人卜之祟在高山廣水寡人欲少賦欲以祠靈山可乎群臣莫對晏子進曰不可祠此無益也夫靈山固以石爲身以草木爲髮天久不雨髮將焦身將熱彼獨不欲雨乎祠之無益景公曰不然吾欲祠河伯可乎晏子曰不可祠此無益也夫河伯以水爲國以魚鼈爲民天久不雨水泉將下百川竭國將亡民將滅矣彼獨不用雨乎祠之何益景公曰今爲



之奈何晏子曰君誠避宮殿暴露靈山河伯共憂其幸而雨乎於是景公出野暴露三日天果大雨民盡得種樹景公曰善哉晏子之言可無用乎其惟有德也

夫天地有德合則生氣有精矣陰陽消息則變化有時矣時得而治矣時得而化矣時失而亂矣是故人生而不具者五目無見不能食不能行不能言不能施化故三月達眼而後能見七月生齒而後能食期年生臙而後能行三年顯合而後能言十六精通而後能施化陰窮反陽陽窮反陰故陰以陽變陽以陰

變故男八月而生齒八歲而毀齒二八十六而精小通女七月而生齒七歲而毀齒二七十四而精化小通不肖者精化始至矣而生氣感動觸情縱欲故反施亂化故詩云乃如之人懷婚媾也大無信也不知命也賢者不然精化填盈後傷時之不可遇也不見道端乃陳情欲以歌詩曰靜女其姝俟我乎城隅愛而不見搔首踟躕瞻彼日月遙遙我思道之云遠曷云能來急時之辭也甚焉故稱日月也

度量權衡以黍生之為一分十分為一十寸為一尺十尺為一丈十六黍為一豆六豆為一銖二十四



銖爲一兩十六兩爲一斤三十斤爲一鈞四鈞重一石千二百黍爲一龠十龠爲一合十合爲一升十升爲一斗十斗爲一石

凡六經帝王之所著莫不致四靈焉德盛則以爲畜治平則時氣至矣故麒麟騶虞身牛尾圓頂一角含仁懷義音中律呂行步中規折旋中矩擇土而踐位平然後處不群居不旅行紛兮其有質文也幽閭則循循如也動則有容儀黃帝即位惟聖恩承天明道一條惟仁是行宇內和平未見鳳凰維思影像夙夜屢興於是乃問天老曰鳳儀何如天老曰夫鳳鴻前麟

後蛇頸魚尾龜背鸞翬思麗化枯折所志龍文龜身燕喙雞喙駢翼而中注首戴德頂揭義背有仁心信智食則有質飲則有儀往則有文來則有嘉儀鳴曰發明晝焉曰保長飛鳴曰上翔集鳴曰歸呂翼披義袞抱忠足履正尾繫武小聲合金大音合鼓延頸奮翼五光備舉光興八風氣降時雨此謂鳳像夫惟鳳爲能究萬物隨天祉象百狀達于道去則有災見則有福覽九州觀八極備文武正王國嚴照四方仁聖皆伏故得鳳之像一者鳳過之得二者鳳下之得三者則春秋下之得四者則四時下之得五者則終身



居之黃帝曰於戲盛哉於是乃備黃冕帶黃紳齋于
中宮風乃蔽日而降黃帝降自東階西面啓首曰皇
天降茲敢不承命於是風乃從集東階食帝竹實棲
帝梧樹終身不去詩云鳳皇鳴矣于彼高岡梧桐
矣于彼朝陽萋萋翼翼雍雍昔昔此之謂也

靈龜文五色似玉似金背陰向陽上隆象天下平法
地聚銜象山四趾轉運應四時文著象二十八宿地
頭龍翅左精象日右精象月千歲之化下氣上通能
知吉凶存亡之變寧則信信也動則著矣神龍能
為高能為下能為大能為小能為幽能為明能為短

能為長昭乎其高也淵乎其下也薄乎天光高乎其
著也一有一亡忽微哉斐然成章虛無則精以和動
作則靈以化於戲允哉君子舜神也觀彼威儀遊燕
幽間有似鳳也書曰鳥獸鶴鶴鳳皇來儀此之謂也
成王時有三苗貫桑而生同為一秀大幾盈車氏得
而上之成王成王問周公此何也周公曰三苗同秀
為一意天下其和而為一手後三年則越裳氏重譯
而朝曰道路悠遠山川阻深恐一使之不通故重三
譯而來朝也周公曰德澤不加則君子不饗其質政
令不施則君子不臣其人譯曰吾受命於吾國之黃



髮父矣天之無烈風淫雨意中國有聖人耶有則盍
朝之然後周公敬受其所以來矣

周惠王十五年有神降於莘王問於內史過曰是何
故有之乎對曰有之國將與其君齋明中正精潔惠
和其德足以昭其馨香其惠足以同其民人神饗而
民聽民神無怨故明神降焉觀其政德而均布福焉
國將亡其君貪冒淫僻邪佚荒怠蕪穢暴虐其政腥
臊馨香不登其刑矯誣百姓擄或明神不蠲而民有
遠意民神痛怨無所依懷故神亦往焉觀其苛虐而
降之禍是以或見神而興亦有以亡昔夏之興也祝

融降于崇山其亡也回祿信於淳陵商之興也檮杌
次於丕山其亡也夷羊在牧周之興也鸞鷟鳴於岐
山其衰也杜伯射宣王於鎬是皆明神之紀者也王
曰今是何神也對曰昔昭王娶于房后是有爽
德媯于丹朱丹朱馮身以儀之生穆王焉是監燭周
之子孫而禍福之夫一神不遠徙遷若由是觀之其
丹朱耶王曰其誰受之對曰在虢王曰然則何為對
曰臣聞之道而得神是謂豐福淫而得神是謂貪禍
今虢少荒其亡也王曰吾其柰何對曰使太宰以祝
史率狸姓奉犧牲粢盛玉帛往獻焉無有祈也王曰

號其幾何對曰昔堯臨民以五今其嘗見鬼神之見也不失其物若由是觀之不過五年王使太宰已父率傅氏及祝奉犧牲玉觴往獻焉內史過從至號號公亦使祝史請土焉內史過歸告王曰號必亡矣不禋於神而求福焉神必禍之不親於民而求用焉民必違之精意以享禋也慈保庶民親也今號公動置百姓以盈其違離民怒神怨而求利焉不亦難乎十九年晉取號也

齊桓公北征孤竹未至卑耳竊中十里圍然而止瞳然而視有頃奉矢未敢發也喟然歎曰事其不濟乎有人長尺冠冕大人物具焉左祛衣走馬前者管仲曰事必濟此人知道之神也走馬前者導也左祛衣者前有水也從左方渡行十里果有水曰遼水表之從左方渡至蹀從右方渡至滕已渡事果濟桓公再拜管仲馬前曰仲父之聖至如是寡人得罪久矣管仲曰夷吾聞之聖人先知無形今已有形乃知之是夷吾善承教非聖也

吳伐越韓會稽得骨專車使使問孔子曰骨何者最大孔子曰禹致群臣會稽山防風氏後至禹殺而戮之其骨節專車此為大矣使者曰誰為神孔子曰山



川之靈足以紀綱天下者其守為神社稷為公侯山川之祀為諸侯皆屬於王者曰防風氏何守孔子曰汪芒氏之君守封嵎之山者也其神為釐姓在虞夏為防風氏商為汪芒氏於周為長狄氏今謂之大人使者曰人長幾何孔子曰儻儻氏三尺短之至也長者不過十數之極也使者曰善哉聖人也

仲尼在陳有隼集于陳侯之廷而死楷矢貫之石磬矢長尺而咫陳人使問孔子孔子曰隼之來也遠矣此肅慎氏之矢也昔武王克商通遼九夷百蠻使各以其方賄來貢思無忘職業於是肅慎氏貢楷矢石磬長尺而咫先王欲昭其令德之致故銘其楛曰肅慎氏貢楷矢以勞大姬配虞胡公而封諸陳分同姓以珎玉展親也分別姓以遠方職貢使無忘服也故分陳以肅慎氏之矢試求之故府果得焉

季桓子穿井得土缶中有羊以問孔子言得狗孔子曰以吾所聞非狗乃羊也木之怪夔罔兩水之怪龍罔象土之怪羆羊也非狗也桓子曰善哉

楚昭王渡江有物大如斗直觸王舟止於舟中昭王大怪之使聘問孔子孔子曰此名萍實令剖而食之惟鵜者能獲之此吉祥也其後齊有雉為一足來下



止于殿前舒翅而蹠齊侯大怪之又使聘問孔子孔子曰此名商羊急告民趣治溝渠天將大雨於是如之天果大雨諸國皆水齊獨以安孔子歸弟子請問孔子曰異哉小兒謠曰楚王渡江得萍實大如拳赤如日割而食之美如蜜此楚之應也兒又有兩兩相牽屈一足而蹠曰天將大雨商羊起舞今齊獲之亦其應也夫謠之後未嘗不有應隨者也故聖人非獨守道而已也睹物記也即得其應矣

燕簡公使公孫成子來聘於晉平公有疾韓宣子贊授館客客問君疾對曰君之疾久矣上下神祇無不

通諭也而無除今夢黃熊入於寢門不知人鬼耶意厲鬼也子產曰君之明子爲政其何厲之有僑聞之昔蘇達帝命殛之于羽山化爲黃熊以入于羽淵是爲夏郊三代舉之夫鬼神之所及非其族類則紹其同位是故天子祠上帝公侯祠百神自卿已下不過其族今周室少卑晉實繼之其或者未舉夏郊也宣子以告祀夏郊並伯爲尸五日瘳公見子產賜之書

辨

魏公夢有廟有神人面白毛虎爪執鉞立在西阿公懼而走神曰無走帝今日使晉襲于爾門公拜頓首



晉平公築虎祁之室石有言者平公問於師曠曰石
何故言對曰石不能言有神焉焉不然民聽之濫也
臣聞之作事不時怨譴動於民則有非言之物而言
今宮室崇侈民力屈盡百姓疾怨莫安其性石言不
亦可乎

晉平公出畋見乳虎伏而不動顧謂師曠曰吾聞之
也霸王之主出則猛獸伏不敢起今者寡人出見乳
虎伏而不動此其猛獸乎師曠曰鵠食猶猶食駮駮
駮駮食豹豹食駮駮食虎夫駮之狀有似駮馬今者
君之出必駮駮馬而出駮乎公曰然師曠曰臣聞之
一自誣者窮再自誣者辱三自誣者死今夫虎所以



不動者爲駁馬也。因非主君之德義也。君柰何一自誣乎。平公異日出朝，有鳥環平公，不去。平公顧謂師曠曰：「吾聞之也，霸王之主，鳳下之。今者出朝，有鳥環寡人，終朝不去，是其鳳鳥乎？」師曠曰：「東方有鳥名諫，珂其爲鳥也，文身而朱足，憎鳥而愛狐。今者吾君必衣狐裘，以出朝乎？」平公曰：「然。」師曠曰：「臣已嘗言之矣。一自誣者，窮再自誣者，辱三自誣者，死。今鳥爲狐裘之故，非吾君之德義也。君柰何而再自誣乎？」平公不說，異日置酒鹿祁之臺，使郎中馬堂右蕤於階上，令人召師曠。師曠至，履而上堂。平公曰：「安有人臣履

而上人主堂者乎？」師曠解履，刺足伏刺，膝仰天而歎。公起引之，曰：「今者與史戲，史遽憂乎？」對曰：「憂夫肉自生蟲，而還自失也。木自生蠹，而還自刻也。人自與妖，而還自賊也。五鼎之具，不當生蕤，蕤人主堂，廟不當生蕤。蕤平公曰：「今爲之柰何？」師曠曰：「妖已在，前無可柰。何入來月八日，脩百官立太子。君將死矣。至來月八日，平旦謂師曠曰：「史以今日爲期，寡人如何？」師曠不樂，謁歸，歸未幾而平公死。乃知師曠神明矣。」

趙簡子問於翟封荼曰：「吾聞翟雨穀三日，信乎？」曰：「信。」又聞雨血三日，信乎？」曰：「信。」又聞馬生牛，牛生馬，信乎？」



曰信簡子曰大哉妖亦足以忘國矣對曰雨穀三日
蚩風之所飄也雨血三日鷲鳥擊於上也馬生牛牛
生馬雜牧也此非翟之妖也簡子曰然則翟之妖奚
也對曰其國數散其君幼弱其諸卿貨其大夫比黨
以求祿爵其百官肆斷而無告其政令不竟而數化
其士巧貪而有怨此其妖也

哀公射而中稷其口疾不肉食祠稷而善卜之巫官
巫官變曰稷負五種託秣而從天下未至於地而株
絕獵谷之老人張衽以受之何不告祀之公從之而
疾去

扁鵲過趙王太子暴疾而死鵲造宮門曰吾聞國
中卒有壞土之事得無有急乎中庶子之好方者應
之曰然王太子暴疾而死扁鵲曰入言鄭鑿秦越人
能活太子中庶子難之曰吾聞上古之為鑿者曰苗
父苗父之為鑿也以菅為席以芻為狗北面而祝發
十言耳諸扶而來者舉而來者皆平復如故子之方
能如此乎扁鵲曰不能又曰吾聞中古之為鑿者曰
俞柎俞柎之為鑿也搦腦髓束育焚炆灼九竅而定
經絡死人復為生人故曰俞柎子之方能若是乎扁
鵲曰不能中庶子曰子之方如此譬若以管窺天以

雖刺地所窺者其大所見者甚少鈞若子之方豈足以變駭童子哉扁鵲曰不然物故有昧掃而中蛟頭掩目而別白黑者太子之疾所謂尸厥者也以為不然入診之太子股陰當溫耳中焦焦如有嘯者聲然者皆可治也中庶子入報趙王趙王跣而趨出門曰先生遠辱幸臨寡人先生幸而有之則糞土之息得蒙天履地而長為人矣先生不有之則先犬馬填溝壑矣言未已涕泣沾襟扁鵲遂為診之先造軒光之竈八成之湯砥針礪石取三陽五輪子容禱藥子明吹耳陽儀反神子越扶形子游矯摩太子遂得復生

天下聞之皆曰扁鵲能生死人鵲辭曰子非能生死人也特使夫當生者活耳夫死者猶不可藥而生也悲夫亂君之治不可藥而息也詩曰多將熇熇不可救藥甚之之辭也

孔子晨立堂上聞哭者聲音甚悲孔子援琴而鼓之其音同也孔子出而弟子有阤者問誰也曰回也孔子曰回何為而阤回曰今者有哭者其音甚悲非獨哭死又哭生離者孔子曰何以知之回曰似完山之鳥孔子曰何如回曰完山之鳥生四子羽翼已成乃離四海哀鳴送之為是往而不復返也孔子使人問



哭者哭者曰父死家貧費子以葬之將與其別也孔子曰善哉聖人也

景公政於梧丘夜猶蚤公姑坐睡而夢有五丈夫北面倅廬稱無罪焉公驚召晏子而告其所夢公曰我其嘗殺不辜而誅無罪耶晏子對曰昔者先君靈公敗五丈夫罟而駭獸故殺之斷其首而葬之曰五丈夫之丘其此耶公令人掘而求之則五頭同穴而存焉公曰嘻令吏葬之國人不知其夢也曰君憫白骨而況於生者乎不遺餘力矣不釋餘智矣故曰人君之為善易矣

子貢問孔子死人有知無知也孔子曰吾欲言死者有知也恐孝子順孫妨生以送死也欲言無知恐不孝子孫棄不葬也賜欲知死人有知將無知也死徐自知之猶未晚也

王子建出守於城父與成公乾遇於疇中問曰是何也成公乾曰疇也疇也者何也所以為麻也麻也者何也曰所以為衣也成公乾曰昔者莊王伐陳舍於有蕭氏謂路室之人曰巷其不善乎何溝之不浚也莊王猶知巷之不善溝之不浚今吾子不知疇之為麻麻之為衣吾子其不主社稷乎王子果不立



劉向說苑卷第十八

劉向說苑卷第十八





2025002 NATIONAL CENTRAL LIBRARY, TAIWAN, R.O.C.



2015.12.02, NATIONAL CENTRAL LIBRARY, TAIWAN, R.O.C.





國立中央圖書館, 台灣, 9433



劉向說苑卷第十九

脩文

天下有道則禮樂征伐自天子出夫功成制禮治定
作樂禮樂者行化之大者也孔子曰移風易俗莫善
於樂安上治民莫善於禮是故聖王脩禮文設庠序
陳鍾鼓天子辟雍諸侯泮宮所以行德化詩云鎬京
辟雍自西自東自南自北無思不服此之謂也

積恩爲愛積愛爲仁積仁爲靈靈臺之所以爲靈者
積仁也神靈者天地之本而爲萬物之始也是故文
王始接民以仁而天下莫不仁焉文德之至也德不



至則不能文商者常也常者質質主天夏者大也大者文也文主地故王者一商一夏再而復者也正色三而復者也味尚甘聲尚宮一而復者故三王術如循環故夏后氏教以忠而君子忠矣小人之失野教野莫如敬故殷人教以敬而君子敬矣小人之失鬼教鬼莫如文故周人教以文而君子文矣小人之失薄教薄莫如忠故聖人之與聖也如矩之三維規之三維周則又始窮則反本也詩曰彤琢其章金玉其相言文質美也

傳曰觸情從欲謂之禽獸苟可而行謂之野人安故

董遷謂之衆庶辨然通古今之道謂之士進賢達能謂之大夫敬上愛下謂之諸侯天覆地載謂之天子是故士服餼大夫黼諸侯火天子山龍德彌盛者文彌縟中彌理者文彌章也詩曰左之左之君子宜之右之右之君子有之傳曰君子者無所不宜也是故韞冕厲戒立于廟堂之上有司執事無不敬者斬衰裳直經杖立于喪次賓客弔唁無不哀者被甲纓冑立于桴鼓之間士卒莫不勇者故仁足以懷百姓勇足以安危國信足以結諸侯強足以拒患難威足以率三軍故曰爲左亦宜爲右亦宜爲君子無不宜者

此之謂也

齊景公登射晏子脩禮而待公曰選射之禮寡人厭之矣吾欲得天下勇士與之圖國晏子對曰君子無禮是庶人也庶人無禮是禽獸也夫臣勇多則弑其君子力多則弑其長然而不敢者惟禮之謂也禮者所以御民也轡者所以御馬也無禮而能治國家者嬰未之聞也景公曰善乃飭射更席以爲上客終日問禮

書曰五事一曰貌貌若男子之所以恭敬婦人之所以姣好也行步中矩折旋中規立則磬折拱則抱鼓其以入君朝專以嚴其以入宗廟敬以忠其以入鄉曲和以順其以入州里族黨之中和以親詩曰溫溫恭人惟德之基孔子曰恭近於禮遠耻辱也

衣服容貌者所以悅目也聲音應對者所以悅耳也嗜慾好惡者所以悅心也君子衣服中容貌得則民之目悅矣言語順應對給則民之耳悅矣就仁去不仁則民之心悅矣三者存乎心暢乎體形乎動靜雖不在位謂之素行故忠心好善而日新之獨居樂德內悅而形詩曰何其處也必有與也何其父也必有以也惟有以者爲能長生久視而無累於物也



知天道者冠斜知地道者履躡能治煩決亂者佩鵬
能射御者佩鞬能正三軍者摺笏衣必荷規而承矩
負繩而準下故君子衣服中而容貌得接其服而象
其德故望玉貌而行能有所定矣詩曰芄蘭之枝童
子佩鵬說行能者也

冠者所以別成人也脩德束躬以自申飭所以檢其
邪心守其正意也君子始冠必祝成禮加冠以厲其
心故君子成人必冠帶以行事棄幼少嬉戲墮慢之
心而衍行於進德脩業之志是故服不成象而內心
不變內心脩德外被禮文所以成顯令之名也是故
皮弁素積百王不易既以脩德又以正容孔子曰正
其衣冠尊其瞻視儼然人望而畏之不亦威而不猛
乎

成王將冠周公使祝雍祝王曰達而勿多也祝雍曰
使王近於民達於侯貴於時惠於財任賢使能於此
始成之時祝辭四加而後退公冠自以為主卿為賓
饗之以三獻之禮公始加玄端與皮弁皆必朝服玄
冕四加諸侯太子庶子冠公為主其禮與上同冠於
禋廟曰令月吉日加子元服去爾幼志順爾成德冠
禮十九見正而冠古之通禮也



夏公如齊逆女何以書親迎禮也其禮奈何曰諸侯以履二兩加琮大夫庶人以履二兩加束脩二曰某國寡小君使寡人奉不珍之琮不珍之履禮夫人貞女夫人曰有幽室數辱之產未諭於傳母之教得承執衣裳之事敢不敬拜祝祝荅拜夫人受琮取一兩履以履女正笄衣裳而命之曰往矣善事爾舅姑以順為宮室無二爾心無敢回也女拜乃親引其手授夫乎戶夫引手出戶夫行女從拜辭父于堂拜諸母於大門夫先升與執轡女乃升與轂三轉然後夫下先行大夫士庶人稱其父曰某之父某之師友使某執不珍之履不珍之束脩敢不敬禮某氏貞女母曰有草茅之產未習於織紵紡績之事得承執笄裳之事敢不敬拜

春秋曰壬申公薨于高寢傳曰高寢者何正寢也曷為或言高寢或言路寢曰諸侯正寢三一曰高寢二曰左路寢三曰右路寢高寢者始封君之寢也二路寢者繼體之君寢也其二何曰子不居父之寢故二寢繼體君世世不可居高祖之寢故有高寢名曰高也路寢其立柁何高寢立中路寢左右春秋曰天王入于成周傳曰成周者何東周也然則天子之寢柁



何曰亦三承明繼體守文之君之寢曰左右之一作路寢謂之承明何曰承乎明堂之後者也故天子諸侯三寢立而名實正父子之義章尊卑之事別大小之德異矣

天子以璧爲贊贊者百一章之本也上暢於天下暢於地無所不暢故天子以璧爲贊諸侯以圭爲贊圭者玉也薄而不撓庶而不刻有瑕於中必見於外故諸侯以玉爲贊卿以羔爲贊羔者羊也羊群而不黨故卿以爲贊大夫以鴈爲贊鴈者行列有長幼禮故大夫以爲贊士以雉爲贊雉者不可指食龜也

而服之故士以雉爲贊庶人以鶩爲贊鶩者鶩鶩也鶩鶩無他心故庶人以鶩爲贊贊者所以質也

諸侯三年一貢士士一適謂之好德再適謂之尊賢三適謂之有功有功者天子一賜以與服弓矢再賜以鬯三賜以虎賁百人號曰命諸侯命諸侯者鄰國有臣弑其君孽弑其宗雖不請乎天子而征之可也已征而歸其地于天子諸侯貢士一不適謂之過再不適謂之懈三不適謂之誣誣者天子聽之一黜以爵再黜以地三黜而地畢諸侯有不貢士謂之不率正不率正者天子黜之一黜以爵再黜以地三黜而



地畢然後天子比年祭官之無文者而黜之以諸侯之所貢士代之詩云濟濟多士文王以寧此之謂也古者必有命民命民能敬長憐孤取舍好讓居事力者命於其君命然後得乘飭輿駢馬未得命者不得乘乘者皆有罰故其民雖有餘財侈物而無仁義功德則無所用其餘財侈物故其民皆典仁義而賤財利賤財利則不爭不爭則強不凌弱衆不暴寡是唐虞所以興象刑而民莫敢犯法而亂斯止矣詩云告爾民人謹爾侯度用戒不虞此之謂也

天子曰巡狩諸侯曰述職巡狩者巡其所守也述職

者述其所職也春省耕助不給也秋省斂助不足也天子五年一巡狩歲二月東巡狩至于東嶽柴而望祀山川見諸侯問百年者命太師陳詩以觀民風命市納賈以觀民之所好惡志淫好僻者命典禮考時月定日同律禮樂制度衣服正之山川神祇有不舉者爲不敬不敬者君黜以爵宗廟有不順者爲不孝不孝者君削其地有功澤於民者然後加地入其境土地辟除敬老尊賢則有慶益其地入其境土地荒穢遺老失賢捨克在位則有讓削其地一不朝者黜其爵再不朝者黜其地三不朝者以六師移之歲五



月南巡狩至于南嶽如東巡狩之禮歲八月西巡狩
至于西嶽如南巡狩之禮歲十一月北巡狩至于北
嶽如西巡狩之禮歸格于祖禰用特

春秋曰正月公狩于郎傳曰春曰蒐夏曰苗秋曰獮
冬曰狩苗者柰何曰苗者毛也取之不圍澤不捨群
取禽不麇卵不殺孕重者未蒐者不殺小麇及孕重
者冬狩皆取之百姓皆出不失其馳不抵禽不詭遇
逐不出防此苗獮蒐狩之義也故苗獮蒐狩之禮簡
其戎事也故苗者毛取之蒐者搜索之狩者守留之
夏不田何也曰天地陰陽盛長之時猛獸不攫鷲鳥
不搏螻蟻不螫鳥獸蟲蛇且知應天而況人乎故是
以古者必有秦牢其謂之畋何聖人舉事必反本五
穀者以奉宗廟養萬民也去禽獸害稼穡者故以田
言之聖人作名號而事義可知也

天子諸侯無事則歲三田一為乾豆二為賓客三為
充君之庖無事而不田曰不敬田不以禮曰暴天物
天子不合圍諸侯不捨群天子殺則下大綏諸侯殺
則下小綏大夫殺則止佐舉佐舉止則百姓畋獮獮
祭魚然後漁人入澤添鳩化為鷹然後設罝羅草木
零落然後入山林昆蟲不螫不以火田不麇不卵不

天妖不覆巢此皆聖人在上君子在位能者在職大德之發者也是故皋陶爲大理平民各服得其實伯夷主禮上下皆讓僉爲工師百工致功益主虞山澤辟成棄主稷百穀時茂契主司徒百姓親和龍主賓客遠人至十二牧行而九州莫敢僻違禹陂九澤通九道定九州各以其職來貢不失厥宜方五千里至于荒服南撫交趾大發西析支渠搜氐羌北至山戎肅慎東至長夷島夷四海之內皆戴帝舜之功於是禹乃與九韶之樂致異物鳳皇來翔天下明德也射者必心平體正持弓矢審固然後射者能以中詩

云大侯既抗弓矢斯張射夫既同獻爾發功此之謂也弧之爲言豫也豫者豫吾意也故古者兒生三日桑弧蓬矢六射天地四方天地四方者男子之所有事也必有意其所有事然後敢食穀故曰不素餐兮此之謂也

生而相與交通故曰留賓自天子至士各有大贈死不及柩尸弔生不及悲哀非禮也故古者吉行五十里奔喪百里贈賵及事之謂時時禮之大者也春秋曰天王使宰咺來歸惠公仲子之賵賵者何喪事賵賵者蓋以乘馬束帛與馬曰賵貨財曰賵衣被曰襚



口實曰哈玩好曰贈知生者賻贈知死者贈襚贈襚所以送死也賻贈所以佐生也輿馬束帛貨財衣被玩好其數奈何曰天子乘馬六匹諸侯四匹大夫三匹元士二匹下士一匹天子束帛五匹玄三練二又五十尺諸侯玄三練二各三十尺大夫玄一練二各三十尺元士玄一練一各二丈下士綵緜各一匹庶人布帛各一匹天子之賻乘馬六匹乘車諸侯四匹乘輿大夫曰參與元士下士不用與天子文繡衣各一襲到地諸侯覆跽大夫到踞士到解天子哈實以珠諸侯以玉大夫以璣士以貝庶人以穀實位尊禮厚及親者賻贈哈襚厚貧富亦有差二三四五之數取之天地而制奇偶度人情而出節文謂之有因禮之大宗也。

春秋曰庚戌天王崩傳曰天王何以不書葬天子記崩不記葬必其時也諸侯記卒記葬有天子在必其時也必其時奈何天子七日而殯七月而葬諸侯五日而殯五月而葬大夫三日而殯三月而葬士庶人二日而殯二月而葬皆何以然曰禮不豫凶事死而後治凶服衣裳飾棺槨作穿宅兆然後喪文成外親畢至葬墳集孝子忠臣之恩厚備盡矣故天



子七月而葬同執畢至諸侯五月而葬同會畢至大夫三月而葬同朝畢至士庶人二月而葬外姻畢至也

延陵季子適齊於其反也其長子死於贏博之間因葬焉孔子聞之曰延陵季子吳之習於禮者也使子貢往而觀之其穿深不至泉其斂以時服既葬封壙墳掩坎其高可隱也既封左袒右旋其封且號者三言曰骨肉歸復于土命也若魂氣則無不之也無不之也而遂行孔子曰延陵季子於禮其合矣

子生三年然後免於父母之懷故制喪三年所以報父母之恩也期年之喪通乎諸侯三年之喪通乎天子禮之經也

子夏三年之喪畢見於孔子孔子與之琴使之弦援琴而弦術術而樂作而曰先王制禮不敢不及也子曰君子也閔子騫三年之喪畢見於孔子孔子與之琴使之弦援琴而弦切切而悲作而曰先王制禮不敢過也孔子曰君子也子貢問曰閔子騫不盡子曰君子也子夏哀已盡子曰君子也賜也惑敢問何謂孔子曰閔子騫未盡能斷之以禮故曰君子也子夏哀已盡能引而致之故曰君子也夫三年之喪因優



者之所屈劣者之所勉

齊宣王謂田過曰吾聞儒者喪親三年喪君三年君與父孰重田過對曰殆不如父重王忿然怒曰然則何爲去親而事君田過對曰非君之土地無以處吾親非君之祿無以養吾親非君之爵位無以尊顯吾親受之君致之親凡事君所以爲親也宜王邑邑而無以應

古者有菑者謂之厲君一時素服使有司弔死問疾憂以巫醫匍匐以救之湯粥以方之善者必先乎鯨寡孤獨及病不能相養死無以葬埋則葬埋之有親喪者不呼其門有齋菜大功五月不服力役之征有小功之喪者未葬不服力役之征其有重尸多死者急則有聚衆童子擊鼓菑火入官宮里用之各擊鼓菑火逐官宮里家之主人冠立于阼事畢出乎里門出乎邑門至野外此匍匐救厲之道也師大敗亦然齋者思其居處也思其笑語也思其所爲也齋三日乃見其所爲齋者祭之日將入戶儼然若有見乎其容盤旋出戶喟然若有聞乎歎息之聲先人之色不絕於目聲音咳唾不絕於耳嗜欲好惡不忘於心是則孝子之齋也

春祭曰祠夏祭曰禴秋祭曰嘗冬祭曰烝春薦韭卯
夏薦麥魚秋薦黍豚冬薦稻鴈三歲一禘五年一禘
禘者合也禘者諦也禘者大合祭於祖廟也禘者諦
其德而差優劣也聖主將祭必潔齋精思若親之在
方典未登榻偶僮僮專一想親之容貌彷彿此孝子
之誠也四方之助祭空而來者滿而反虛而至者實
而還皆取法則焉

韓福子濟於河津人告曰夫人過於此者未有不快
用者也而子不用乎韓福子曰天子祭海內之神諸
侯祭封域之內大夫祭其親士祭其祖稱禘也未得
事河伯也津人申楫舟中水而運津人曰向也役人
固已告矣夫子不聽役人之言也今舟中水而運甚
殆治絮衣而下遊乎韓子曰吾不爲人之惡我而改
吾志不爲我將死而改吾義言未已舟沃然行韓福
子曰詩云莫莫葛藟施于條枚愷悌君子求福不回
鬼神且不回况於人乎


孔子曰無體之禮敬也無服之喪憂也無聲之樂懼
也不言而信不動而威不施而仁志也鍾鼓之聲怒
而擊之則武憂而擊之則悲喜而擊之則樂其志變
其聲亦變其志誠通乎金石而况人乎



公孟子高見顯孫子莫曰敢問君子之禮何如顯孫子莫曰去爾外厲與爾內色勝而心自取之去三者而可矣公孟不知以告曾子曾子愀然逡巡曰大哉言乎夫外厲者必內折色勝而心自取之者必爲人役是故君子德行成而容不知聞識博而辭不爭知慮微達而能不愚

曾子有疾孟儀往問之曾子曰烏之將死必有悲聲君子集大辟必有順辭禮有三儀知之乎對曰不識也曾子曰坐吾語汝君子脩禮以立志則貪欲之心不來君子思禮以脩身則怠墮慢易之節不至君子脩禮以仁義則忿爭暴亂之辭遠若夫罌罇俎列豆此有司之事也君子雖勿能可也

孔子曰可也簡簡者易野也易野者無禮文也孔子見子桑伯子子桑伯子不友冠而處弟子曰夫子何爲見此人乎曰其質美而無文吾欲說而文之孔子去子桑伯子門人不說曰何爲見孔子乎曰其質美而文繁吾欲說而去其文故曰文質脩者謂之君子有質而無文謂之易野子桑伯子易野欲同人道於牛馬故仲弓曰太簡上無明天子下無賢方伯天下爲無道臣弑其君子弑其父力能討之討之可也當



孔子之時上無明天子也故言雍也可使南面南面者天子也雍之所以得稱南面者閭子桑伯子於孔子孔子曰可也簡仲弓曰居敬而行簡以道民不亦可乎居簡而行簡無乃太簡乎子曰雍之言然仲弓通於化術孔子明於王道而無以加仲弓之言

孔子至齊郭門之外遇一嬰兒挈一壺相與俱行其祝精其心正其行端孔子謂御曰趣驅之趣驅之韶樂方作孔子至彼聞韶三月不知肉味故樂非獨以自樂也又以樂人非獨以自正也又以正人大矣哉於此樂者不圖爲樂至於此

黃帝詔伶倫作爲音律伶倫自大夏之西乃之崑崙之陰取竹於嶰谷以生竅厚薄均者斷兩節間其長九寸而吹之以爲黃鍾之宮日含少次制十二管以崑崙之下聽鳳之鳴以別十二律其雄鳴爲六雌鳴亦六以比黃鍾之宮適合黃鍾之宮皆可生之而律之本也故曰黃鍾微而均鮮全而不傷其爲宮獨尊象大聖之德可以明至賢之功故奉而薦之于宗廟以歌迎功德世世不忘是故黃鍾生林鍾林鍾生大呂大呂生夷則夷則生太簇太簇生南呂南呂生夾鍾夾鍾生無射無射生姑洗姑洗生應鍾應鍾生蕤

賓三分所生益之一分以上生三分所生去其一分
以下生黃鍾大呂太簇夾鍾姑洗仲呂蕤賓爲上林
鍾夷則南呂無射應鍾爲下大聖至治之世天地之
氣合以生風日至則日行其風以生十二律故仲冬
短至則生黃鍾季冬生大呂孟春生大簇仲春生夾
鍾季春生姑洗孟夏生仲呂仲夏生蕤賓季夏生林
鍾孟秋生夷則仲秋生南呂季秋生無射孟冬生應
鍾天地之風氣正十二律至也

聖人作爲鞀鼓控揚埙篪此六者德音之音然後鍾
磬竽瑟以和之然後干戚旒狄以舞之此所以祭先
王之廟也此所以獻酢醑酬也所以官序貴賤各得
其宜也此可以示後世有尊卑長幼之序也

鍾聲鏗鏗以立號號以立橫橫以立武君子聽鍾聲
則思武臣石磬磬聲以立辨辨以致死君子聽磬聲
則思死封疆之臣絲聲哀哀以立廉廉以立志君子
聽琴瑟之聲則思志義之臣竹聲濫濫以立會會以
聚衆君子聽竽笙簫管之聲則思畜衆之臣鼓鞀之
聲惟惟以立動動以進衆君子聽鼓鞀之聲則思將
帥之臣君子之聽音非聽其鏗鏘而已彼亦有所合
之也

情以和其志比類以成其行姦聲亂色不習於聽淫
樂惡禮不接心術愷邪僻之氣不設於身體使耳
目鼻口心知百體皆由順正以行其義然後發以聲
音文以琴瑟動以干戚飾以羽旄從以蕭管奮至德
之光動四氣之和以著萬物之理是故清明象天廣
大象地終始象四時周旋象風雨五色成文而不亂
八風從律而不姦百度得數而有常小大相成終始
相生唱和清濁代相爲經故樂行而倫清耳目聰明
血氣和平移風易俗天下皆寧故曰樂者樂也君子
樂得其道小人樂得其欲以道制欲則樂而不亂以
欲忘道則惑而不樂是故君子反情以和其意廣樂
以成其教故樂行而民向方可以觀德矣德者性之
端也樂者德之華也金石絲竹樂之器也詩言其志
歌詠其聲舞動其容三者本於心然後樂氣從之是
故情深而文明氣盛而化神和順積中而英華發外
惟樂不可以爲僞樂者心之動也聲者樂之象也文
彩節奏聲之飾也君子之動本樂其象也後治其飾
是故先鼓以警戒三步以見方再始以著往復亂以
飭歸奮疾而不拔極幽而不隱獨樂其志不厭其道
備舉其道不私其欲是故情見而義立樂終而德尊

君子以好善小人以飭聽過故曰生民之道樂為大焉

樂之可審者琴最宜焉君子以其可脩德故近之凡音之起由人心生也人心之動物使之然也感於物而後動故形於聲聲相應故生變變成方謂之音比音而樂之及于戚羽旋謂之樂樂者音之所由生也其本在人心之感於物是故其哀心感者其聲嗷以殺其樂心感者其聲淅以緩其喜心感者其聲發以散其怒心感者其聲壯以厲其敬心感者其聲直以廉其愛心感者其聲和以調人之善惡非性也感於物而後動是故先王慎所以感之故禮以定其意樂以和其性政以一其行刑以防其姦禮樂刑政其極一也所以同民心而立治道也

凡音生人心者也情動於中而形於聲聲成文謂之音是故治世之音安以樂其政和亂世之音怨以怒其故乖亡國之音哀以思其民困聲音之道與政通矣官為君商為臣角為民徵為事羽為物五音亂則無法無法之音宮亂則荒其君驕商亂則陂其官壞角亂則憂其民怨徵亂則哀其事勤羽亂則危其財墮五者皆亂代相凌謂之慢如此則國之滅亡無日



矣鄭衛之音亂世之音也比於慢矣桑間濮上之音
亡國之音也其政散其民流誣上行私而不可止也
凡人之有患禍者生於淫泆暴慢淫泆暴慢之本生
於飲酒故古者慎其飲酒之禮使耳聽雅音目視正
儀足行正容心論正道故終日飲酒而無過失近者
數日遠者數月皆人有德焉以益善詩云既醉以酒
既飽以德此之謂也凡從外人者莫深於聲音變人
最極故聖人因而成之以德曰樂樂者德之風詩曰
威儀抑抑德音秩秩謂禮樂也故君子以禮正外以
樂正內內酒史離樂則邪氣生矣外酒史離樂則慢
行起矣故古者天子諸侯聽鍾聲未嘗離於庭卿人
夫聽琴瑟未嘗離於前所以養正心而滅淫氣也樂
之動於內使人易道而好良樂之動於外使人溫恭
而文雅雅頌之聲動人而正氣應之和成容好之聲
動人而和氣應之粗厲猛責之聲動人而怒氣應之
鄭衛之聲動人而淫氣應之是以君子慎其所以動
人也

子路鼓瑟有北鄙之聲孔子聞之曰信矣由之不才
也再有侍孔子曰求來爾奚不謂由夫先王之制音
也奏中聲為中節流入於南不歸於北南者生育之

鄉北者殺伐之域故君子執中以為本務生以為基
故其音溫和而居中以象生育之氣憂哀悲痛之感
不加乎心暴厲淫荒之動不在乎體夫然者乃治存
之風安樂之為也彼小人則不然執末以論本務剛
以為基故其音激厲而微末以象殺伐之氣和節中
正之感不加乎心溫儼恭莊之動不存乎體夫殺者
乃亂亡之風奔北之為也昔舜造南風之聲其興也
勃焉至今王公迷而不釋紂為北鄙之聲其廢也忽
焉至今王公以為笑彼舜以匹夫積正合仁履中行
善而卒以興紂以天子好慢淫荒剛厲暴賊而卒以
滅今由也匹夫之徒布衣之醜也既無意乎先王之
制而又有亡國之聲豈能保七尺之身哉冉有以告
子路子路曰由之罪也小人不能耳陷而入於斯宜
矣夫子之言也遂自悔不食七日而骨立焉孔子曰
由之改過矣



劉向說苑卷第二十

反質

孔子卦得賁喟然仰而嘆息意不擇子張進舉手而問曰師聞賁者吉卦而歎之乎孔子曰賁非正色也是以嘆之吾思夫質素白當正白黑當正黑夫質又何也吾亦聞之丹漆不文白玉不雕寶珠不飾何也質有餘者不受飾也

信鬼神者失謀信日者

可以知其然夫賢聖周

知能不時日而事利敬法令子功勞不卜筮而身吉謹仁義順道理不禱祠而福故卜數擇日繁齋戒肥



劉向說苑卷第二十

反質

孔子卦得賁喟然仰而嘆息意不擇子張進舉手而問曰師聞賁者吉卦而歎之乎孔子曰賁非正色也是以嘆之吾思夫質素白當正白黑當正黑夫質又何也吾亦聞之丹漆不文白玉不雕寶珠不飾何也質有餘者不受飾也

信鬼神者失謀信日者

可以知其然夫賢聖周

知能不時日而事利敬法令子功勞不卜筮而身吉謹仁義順道理不禱祠而福故卜數擇日繁齋戒肥



犧牲飾珪璧精祠祀而終不能除悖逆之禍以神明
有知而事之乃欲背道妄行而以祠祀求福神明必
違之矣天子祭天地五嶽四瀆諸侯祭社稷大夫祭
五祀士祭門戶庶人祭其先祖聖王承天心制禮分
也凡古之卜日者將以暢道格疑示有所先而不敢
專自也非欲以顛倒之惡而幸安之全孔子曰非其
鬼而祭之語也是以泰山終不享季氏之旅易稱東
隣殺牛不如西鄰之禴祭蓋重禮不貴牲也敬實而
不肯華誠有其德而推之則安往而不可是以聖人
見人之文必考其質歷山之田者善侵畔而舜耕焉

雷澤之漁者善爭陂而舜漁焉東夷之陶器窳而舜
陶焉故耕漁與陶非舜之事而舜爲之以救敗也民
之性皆不勝其欲去其實而歸之華是以苦窳之器
爭鬪之患起爭鬪之患起則所以倫也所以然者何
也由離誠就詐棄樸而取偽也追逐其末而無所休
止聖人抑其文而抗其質則天下反矣詩云尸鳩在
桑其子七兮淑人君子其儀一兮傳曰尸鳩之所以
養七子者一心也君子以理萬物者一儀也以
一儀理物天心也五步一離合而爲一謂之天心有
我能因自深結其意於一故一心可以事百君百心




不可以事一君是故誠不遠也夫誠者一也一者實也君子雖有外文必不離內質矣

衛有五丈夫俱負缶而入井灌韭終日一區窳折過下車爲教之曰爲機重也後輕其前命曰楡終日溉韭百區不倦五丈夫曰吾師言曰有機也巧必有機知之敗我非不知也不欲爲也予其往矣我一心溉之不知改已窳折去行數十里顏色不悅得病病弟子曰是何人也而恨我君請爲君殺之窳折曰釋之是所謂真人者也可令守國

禽滑釐問於墨子曰錦繡絺紵將安用之墨子曰惡

是非吾用務也古者無文者得之矣夏禹是也卑小宮室損薄飲食土階三等衣裳細布當此之時飯無遷於股茅茨不剪采椽不斷以變天下之視當此之時文采之帛將安所施夫品庶非有心也以人主爲心苟上不爲下惡用之二王者以化身先于天下故化隆於其時成名於今世也且夫錦絺紵紵亂君之所造也其本皆興於齊景公喜奢而忘儉幸有晏子以儉錫之然猶幾不能勝夫奢安可窮哉紵爲鹿臺精丘酒池肉林官牆文畫彫琢刻鏤錦繡被堂金玉



玕璋婦女僂倡鐘鼓管絃流漫不禁而天下愈塌故
卒身死國亡爲天下戮非惟錦綺締紵之用耶今當
凶年有欲予子隨侯之珠者不得賣也珍寶而以爲
飾又欲予子一鍾粟者得珠者不得粟得粟者不得
珠子將何擇禽滑釐曰吾取粟耳可以救窮墨子曰
誠然則惡在事夫奢也長無用好末淫非聖人之所
急也故食必常飽然後求美衣必常暖然後求麗居
必常安然後求樂爲可長行可久先質而後文此聖
人之務禽滑釐曰善

秦始皇既兼天下大修靡即位三十五年猶不息治

大駟道從九原抵雲陽塹山堙谷直通之厭先王宮
室之小乃於豐鎬之間文武之處營作朝宮渭南山
林苑中作前殿阿房東西五百步南北五十丈上可
以坐萬人下可建五丈旗周爲閣道自殿直抵南山
之嶺以爲關爲複道自阿房度渭水屬咸陽以象天
極閣道絕漢抵管室也又與驪山之役鑿三泉之底
關中離宮三百所關外四百所皆有鐘磬帷帳婦女
倡優立石闕東海上胸山界中以爲秦東門於是有
方士韓客侯生齊客盧生相與謀曰當今時不可以
居上樂以刑殺爲威天下畏罪持祿莫敢盡忠上不



聞過而日驕下倨伏以慢欺而取容諫者不用而失道滋甚吾黨又居且爲所害乃相與亡去始皇聞之大怒曰吾異日厚盧生尊爵而事之今乃誹謗我吾聞諸生多爲妖言以亂黔首乃使御史悉上諸生諸生傳相告犯法者四百六十餘人皆坑之盧生不得而侯生後得始皇聞之召而見之升阿東之臺臨四通之街將歎而車裂之始皇望見侯生大怒曰老虜不良誹謗而主適敢復見我侯生至仰臺而言曰臣聞知死必勇陛下肯聽臣一言乎始皇曰若欲何言言之侯生曰臣聞禹立誹謗之木欲以知過也今陛下

下奢侈失本淫泆趨末宮室臺閣連楹增累珠玉重寶積襲成山綿繡文綵滿府有餘婦女倡優數巨萬人鐘鼓之樂流漫無窮酒食珍味盤錯於前衣服輕暖輿馬文飾所以自奉麗靡爛漫不可勝極黔首困竭民力單盡尚不自知又急誹謗嚴威克下下嗜上古之明王食足以飽衣足以煖宮室足以處輿馬足以行故上不見棄於天下不見棄於黔首堯茅茨不剪采椽不斷土階三等而樂終身者以其文采之少而質素之多也丹朱傲虐好慢淫不脩理化遂以不



升今陛下之淫萬丹朱而子昆吾桀紂臣恐陛下之
十亡也而曾不一存始皇默然久之曰汝何不早言
侯生曰陛下之意方乘青雲飄播於文章之觀自賢
自健上侮五帝下凌三王棄素樸就末技陛下亡微
見父矣臣等恐言之無益也而自取死故逃而不敢
言今臣必死故爲陛下陳之雖不能使陛下不二欲
使陛下自知也始皇曰吾可以變乎侯生曰形已成
矣陛下坐而待亡耳若陛下欲更之能若堯與禹乎
不然無異也陛下之佐又非也臣恐變之不能存也
始皇喟然而嘆遂釋不誅後三年始皇崩二世即位

三年而秦亡

魏文侯問李克曰刑罰之源安生李克曰生於奸邪
淫佚之行凡奸邪之心飢寒而起淫佚者父飢之詭
也彫文刻鏤害農事者也錦繡纂組傷女工者也農
事害則飢之本也女工傷則寒之原也飢寒並至而
能不爲奸邪者未之有也男女飾美以相矜而能無
淫佚者未嘗有也故上不禁技巧則國貧民侈國貧
窮者爲奸邪而富足者爲淫佚則驅民而爲邪也民
以爲邪因以法隨誅之不赦其罪則是爲民設陷也
刑罰之起有原人主不塞其本而替其末傷國之道



手文侯曰善以爲法服也

秦穆公問問由余曰古者明王聖帝得國失國當何
以也由余曰臣聞之當以儉得之以奢失之穆公曰
願聞奢儉之節由余曰臣聞堯有天下飯於土簋噉
於土瓶其地南至交趾北至幽都東西至日所出入
莫不賓服堯釋天下舜受之作爲食器斬木而裁之
銷銅鐵脩其刃猶漆黑之以爲器諸侯既僭之不服
者十有三舜釋天下而禹受之作爲祭器漆其外而
朱畫其內纒帛爲茵繡觴勺有彩爲飾彌侈而國之
不服者三十有二夏后氏以沒殷周受之作爲大器

而建九徹食器彫琢觴勺刻鏤四壁四帷茵席雕文
此彌侈矣而國之不服者五十有二君好文章而服
者彌侈故曰儉其道也由余出穆公召內史廖而告
之曰寡人聞鄰國有聖人敵國之憂也今由余聖人
也寡人患之吾將柰何內史廖曰夫戒辟而邊遠未
聞中國之聲也君其遺之女樂以亂其政而厚爲由
余請期以踈其間彼君臣有間然後可圖君曰諾乃
以女樂三九遺戎王因爲由余請期戎王果見女樂
而好之設酒聽樂終年不遷馬牛羊半死由余歸諫
諫不聽遂去入秦穆公迎而拜爲上卿問其兵孰與

其地利既以得矣舉兵而伐之燕國十二開地千里
穆王奢主能聽賢納諫故霸西戎西戎淫於樂誘於
利以亡其國由離質樣也

經侯往適魏太子左帶羽玉具劍右帶環佩左光照
右右光照左坐有頃太子不視也又不問也經侯曰
魏國亦有寶乎太子曰有經侯曰其實何如太子曰
主信臣忠百姓上戴此魏之寶也經侯曰吾所問者
非是之謂也乃問其器而巳太子曰有徒師沼治魏
而市無預賞經侯治陽而道不捨遺芒卯在朝而四
鄰賢士無不相因而見此三大夫乃魏國之大寶於
是經侯默然不應左解玉具右解環佩委之坐愆然
而起默然不謝趨而出上車驅去魏太子使騎操劍
佩逐與經侯使告經侯曰吾無德所寶不能為珠玉
所守此寒不可衣飢不可食無為遺我賊於是經侯
杜門不出傳死

晉平公為馳逐之車龍旌象色挂之以屏象錯之以
羽芝車成題金千鎰立之於殿下令群臣得觀焉田
差三過而不一顧平公作色大怒問田差爾三過而
不一顧何為也田差對曰臣聞說天子者以天下說
諸侯者以國說大夫者以官說士者以事說農夫者



以食說婦姑者以織絮以奢云紂以淫敗是以不敢
顧也平公曰善乃命左右曰夫車

魏文侯御廩災文侯素服辟正殿五日群臣皆素服
而弔公子成父獨不弔文侯復殿公子成父趨而入
賀曰甚大善矣夫御廩之災也文侯作色不悅曰夫
御廩者寡人寶之所藏也今火災寡人素服辟正殿
群臣皆素服而弔至於子大夫而不弔今已復辟矣
猶入賀何爲公子成父曰臣聞之天子藏於四海之
內諸侯藏於境內大夫藏於其家士庶人藏於篋櫝
非其所藏者不有天災必有人患今幸無人患乃有
天災不亦善乎文侯喟然嘆曰善

齊桓公謂管仲曰吾國甚小而財用甚少而群臣衣
服輿馬甚汰吾欲禁之可乎管仲曰臣聞之君嘗之
臣食之君好之臣服之今君之食也必桂之縈衣練
紫之衣狐白之裘此羣臣之所奢大也詩云不躬不
親庶民不信君欲禁之胡不自親乎桓公曰善於是
更制棗帛之衣太白之冠朝一年而齊國儉也

季文子相魯妾不衣帛馬不食粟仲孫他諫曰子爲
魯上卿妾不衣帛馬不食粟人其以子爲愛且不韋
國也文子曰然乎吾觀國人之父母衣履食蔬吾是



以不敢且吾聞君子以德華國不聞以妾與馬夫德者得於我又得於彼故可行若淫於奢侈沈於文章不能自反何以守國仲孫它

一本本慙而退

趙簡子乘弊車瘦馬來殺羊裘其宰進諫曰車新則安馬肥則往來疾狐白之裘溫且輕簡子曰吾非不知也吾聞之君子服善則益恭細人服善則益倨我以自備恐有細人之心也傳曰周公位尊愈卑勝敵愈懼家富愈儉故周氏八百餘年此之謂也

魯祭即圍季平子欲速成叔孫昭子曰安用其速成也以虐其民其可乎無圍尚可乎惡聞嬉戲之游罷

其所治之民乎

衛叔孫文子問於王孫夏曰吾先君之廟小吾欲更之可乎對曰古之君子以儉為禮今之君子以汰易之夫衛國雖貧豈無文履一竒以易十稷之續哉以為非禮也文子乃止

晉文公合諸侯而盟曰吾聞國之昏不由聲色必由姦利好樂聲色者淫也貪姦者惑也夫淫惑之國不亡必殘自今以來無以美妾嬖妻無以聲樂妨正無以姦情害公無以貨利示下其有之者是謂伐其根素流於華葉若此者有患無憂有寇勿弭不如言者



盟示之於是君子聞之曰文公其知道乎其不王者猶無佐也

晏子飲景公酒日暮公呼具火晏子辭曰詩曰側弁之俄言失德也屢舞僖僖言失容也既醉以酒既飽以德既醉而出並受其福賓主之禮也醉而不出是謂伐德賓主之罪也嬰以卜其日未卜其夜公曰善舉酒而祭之再拜而出曰豈過我哉吾託國於晏子也以其家貧善寡人不欲其淫侈也而况與寡人謀國乎

楊王孫病且死令其子曰吾死欲僂葬以反吾真必

無易吾意祔侯聞之往諫曰竊聞王孫令葬必僂而入地必若所聞愚以為不可令死人無知則已矣若死有知也是戮尸於地下也將何以見先人愚以為不可王孫曰吾將以矯世也夫厚葬誠無益於死者而世競以相高靡財殫幣而腐之於地下或乃今日入而明日出此真與暴骸於中野何異且夫死者終生之化而物之歸者歸者得至而化者得變是物各反其真其真冥冥視之無形聽之無聲乃合道之情夫飾外以誇衆厚葬以矯真使歸者不得至化者不得變是使物各失其然也且吾聞之精神者天之有



也形骸者地之有也精神離形而各歸其真故謂之
鬼鬼之爲言歸也其尸鬼然猶處豈有知哉厚裘之
以幣帛多送之以財貨以奪生者財用古聖人緣人
情不忍其親故爲之制禮今則越之吾是以欲保葬
以殮之也昔走之葬者空木爲槨爲墓爲紼其穿地
也下不亂泉上不泄臭故聖人生易尚死易葬不加
於無用不損於無益謂今費財而厚葬死者不知生
者不得用繆哉可謂重惑矣祁侯曰善遂保葬也
魯有儉者瓦鬲煮食食之而美盛之上銅之器以進
孔子孔子受之歡然而悅如受大半之饋弟子曰死

甌噐也煮食薄膳也而先生何悅如此乎孔子曰
吾聞好諫者思其君食美者念其親吾非以饌爲厚
也以其食美而思我親也。


晏子病將死斷楹內書焉謂其妻曰楹也語子壯而
視之及壯發書書之言曰布帛不窮窮不可飾牛馬
不窮窮不可服士不可窮窮不可任窮乎窮乎窮也
仲尼問老聃曰甚矣道之於今難行也吾比執道委
質以當世之君而不我受也道之於今難行也老子
曰夫說者流於聽言者亂於辭如此二者則道不可
委矣




子貢問子石子不學詩乎子石曰吾眼乎哉父母求
吾孝兄弟求吾悌朋友求吾信吾暇乎哉子貢曰請
投吾師以學於子

公明宣學於曾子三年不讀書曾子曰宣而居參之
門三年不學何也公明宣曰安敢不學宣見夫子居
宮庭親在叱吒之聲未嘗至於犬馬宣說之學而不
能宣見夫子之應賓客恭儉而不懶惰宣說之學而
未能宣見夫子之居朝廷嚴臨下而不毀傷宣說之
學而未能宣說此三者學而未能宣安敢不學而居
大子之門乎曾參避席謝之曰參不及宣其學而已
魯人身著織屨妻並織績而徒於越或謂之曰子必
窮魯人曰何也曰屨爲履縮爲氣也而越人徒跣窮
髮遊不用之國欲無窮可得乎








國立中央圖書館, 台灣, R.O.C.





UNIVERSITY MICROFILMS INTERNATIONAL

